

中華民國十八年六月一日

總理安葬紀念宣傳叢刊之十

總理哀思錄節要

中國國民黨中央執行委員會宣傳部印

782.88:
364-454.32

容 遺 之 後 最 理 總



影 攝 時 館 行 津 天 抵 初 日 五 月 二 十 年 三 十
14751



金山靈棲碧雲寺地維天柱永留浩氣在

或須揀選馬斯行易知難並有名言傳

北平西山碧雲寺靈堂

總 理 遺 囑

余致力國民革命凡四十年其目的在求中國之自由平等積四十年之經驗深知欲達到此目的必須喚起民眾及聯合世界上以平等待我之民族共同奮鬥

現在革命尚未成功凡我同志務須依照舊約者建國百業建國大綱三民主義及第一次全國代表大會宣言繼續奮力以完成革命此遺囑之要領國民有諸君及所屬不辱革命之約尤須於最短期間促其實現是所至盼

孫文 音三筆

中華民國十四年六月二十日

孫文 音三筆

孫文 音三筆

孫文 音三筆

總 理 對 家 屬 遺 囑

余因盡瘁剛事 不治家產 其
所遺之書報衣物 住宅等一
切均付吾妻宋慶齡 以為紀
念 余之兒女 已長成 能自主
者 自愛 以維余志 此囑

中華民國十四年二月二十四日

李紀名

宋慶齡

李紀名

宋慶齡

李紀名 宋慶齡

李紀名 宋慶齡

總理哀思錄節要目錄

第一章 總理由粵北上紀事

第二章 總理病况經過及逝世時之情形

(一) 天津張園養病情形

(二) 北平飯店養病情形

(三) 協和醫院養病情形

(四) 鐵獅子胡同養病及逝世時之情形

第三章 總理逐日治喪大事記

第四章 中央之哀典籌備與奠祭

(一) 中央之哀典籌備與佈告

(二) 中央黨部舉行哀典禮

(三) 在省署哀祭之情形

總理哀思錄節要 目錄

(四) 黨員之追悼及宣誓

第五章 總理逝世後之輿論

(一) 外報評論

(二) 外人評論

(三) 中報評論

(四) 國人評論

第六章 唁函及唁電

第七章 祭文

第八章 輓聯

總理哀思錄節要

第一章 總理由粵北上紀事

總理因痛恨民國以來，軍閥割據，民不堪命，故始終主張和平統一。當民國十一年秋，見江浙戰起於淞滬，奉直大戰起於榆關，以爲打破曹吳武力統一之機會已到，此次武力一破，全國或有和平統一之可能；於是抽調進建國軍，由粵出贛北伐，並於是年九月十三日由廣州親往韶關督師，不期月而建國豫軍攻入江西，各軍亦相繼入贛。同時在韶關得報告，悉國民軍返師在北平舉義，囚曹錕，敗吳佩孚，數年來全國最大之軍閥，根本推翻。於是召集前方各將領，在大本營會議，討論應付時局之法，總理以爲從此以後，要統一中國，可不再用武力，遂決定離開兩廣，隻身北上，謀全國和平統一之進行。於十一月三日，由韶關回廣州，布置一切善後事宜。更恐北方諸新起軍閥，仍無和平之誠意也，並將所屬各軍，加以充分補充，與嚴厲誥誡，以備促成全國和平之後援。至北伐未盡之軍事責任，則交譚延闓同志擔負。兩廣軍政全權大任，則交胡漢民同志代爲

執行。及一切布置已妥，遂於十一月十二日發表北上宣言，主張開一國民會議，集全國之實業團體商會教育會，大學，各省學生聯合會，工會，農會，反對曹吳各軍及各政黨等九團體，以解決國內民生計問題，以廢除中外不平等條約，作全國根本上和平統一之圖。即於同日下午由廣州大本營，乘永豐兵艦（現改名中山艦）起程往香港。當起程之際，各界到長堤歡送者，有胡漢民蔣中正譚延闓程潛朱培德廖仲愷同志等，率領中國國民黨黨員與軍政農工商學各界民衆計在十萬人以上，一般民衆多持有旗幟，所書標語與所歡呼口號，均不約而同爲打倒「帝國主義」「打倒軍閥」「和平統一」；蓋由於國民厭亂之心切故求和平之情急也。十三日晨抵香港，英帝國主義者，亦深知吾革命之民氣不可侮，故對此革命之導師，亦保護周密，優禮有加。總理未登岸，當由汪兆銘伍朝樞諸同志，與香港日本領事等恭迎入春陽丸，卽于是日正午離香港，初出港口，舟行頗平穩，故同行者均覺舒暢。總理同夫人於是晚會上大餐廳，與各同志共進晚餐一次，極愉快也。十四日以後，舟行既慢，又不平穩，且時有風浪，故同行多暈船。總理自是以後，均未到餐廳進膳，終日在臥室中閱書休息，十七日晨安抵吳淞口，由上海乘輪來歡

迎者有國民黨同志于右任戴傳賢葉楚傖林業明石青陽等以及各地新聞記者數十人。總理接待甚週，惟因沿途風浪數日未行動，精神上似現疲勞，有一日本新聞記者上前報告曰：昨天上海字林西報著有短論文，大意是討論孫先生到滬居住問題，因為孫先生是現在廣州政府的大元帥，一舉一動，當然負有政治上的任務；在上海租界區內，完全是商務性質，負有政治上任務的大元帥，到這個完全屬於商務性質的地方來居住，是否相宜，似乎是一個大問題，這是大家應該要討論的。此中用意，當然是挑動各國人對於總理的惡感。故總理聽畢即正色答曰：「現在上海雖然是租界，但是根本上還是中國的領土，我是中國的主人，寄居上海的那些外國人都是客，主人在自己領土之內，要做甚麼行動，當然可以做甚麼行動，他們客人是決計不能干預的。」語畢，似極有感。正午抵上海，在法界碼頭登岸，沿岸歡迎者有居正謝持諸同志，以及各界民衆約及一二萬人，歡呼之聲震天地，並各持旗幟所書標語與歡呼聲，均與廣州起程時不約而同，由此足徵民衆厭亂望治之心，各地皆然。總理抵寓後，毫未休息，即接見各方歡迎代表，并在花園中攝影，以留紀念。十八日在住宅公開接見民衆，示以在粵所發表之北上宣

言，希望大家體貼此意，到各地方廣爲宣傳。十九日在住宅開茶會，招待上海新聞記者，演說解決中國內亂之法，盼輿論贊助指導民衆提倡。同時復調查由上海往天津路程，火車因受軍事影響，尚不通行，在二星期內復無輪船直航天津，而北方各軍隊與民衆代表，催促北上，又極急迫，於是更調查繞道日本往天津船期，知由此路程於二星期內可以達到天津，於是決定假道日本。於二十一日晨乘上海丸向日本出發，隨行者除夫人外，尚有戴傳賢同志等若干人。其餘各隨員均另行分途直往津。當船開行時，忽到有上海之日本新聞記者團，二三十人，請問總理假道日本往天津之意，與對時局主張。

總理作答，戴傳賢同志口譯答詞，大意除與前數日在上海已宣佈之政見無大差異外，并注重於解決中國時局方法，對內固須開國民會議，對外則須要求列強，即時廢除種種不平等條約。日本國民，應覺悟中日兩國在東亞利害相同之關係，先贊助中國廢除中日間之不平等條約。上海丸離滬後，行駛極平穩，且風平浪靜，同行者均稱愉快。總理在船中除召集同志開一次談話會，討論此次繞道北上所持之政治方針外，并親擬電稿答覆日本各方所拍來之歡迎無線電。二十三日船抵長崎，二十四日下午抵神戶，在船未泊碼頭

之先，紅日西照天朗氣清，山明水秀，海風宜人。船主請得總理與夫人同意，曾攝數影以留紀念。至中日人士與歐美新聞記者在碼頭上，鵲立歡迎者，約五六千人。迨船一近岸，軍樂與歡迎之聲喧天，各歡迎者均喜容滿面，擁入船之餐廳，急與總理握手，爭先恐後。總理除一一接待外，并在船之休息室，對神戶大阪東京各地日本新聞記者，作長時間談話，態度極形誠懇。旋有數英美新聞記者，強總理用英文對若輩作一極短時間之談話，亦遭拒絕。即時由楊壽彭諸同志招待登岸，入寓東方旅館，是時除與日本數舊友如宮崎野山田諸同志稍爲談話外，未另見客。僅閱當日各地新聞紙，以觀察日本國民之態度；及見輿論一致贊成日來之主張，遂極爲欣慰。二十五日接見東亞諸被壓迫民族代表，並詳告以東亞民族處此帝國主義壓迫之下，必須團結一致，并於是晚赴東方旅館餐廳所開之東京大阪神戶中國國民黨歡迎會，對各同志演說「中國內亂之因」，爲時約兩點鐘。二十六日以後，日本各地舊友如頭山滿等均先後遠道來訪，討論中日國民親善之方。二十八日允神戶商業會議所，日華實業協會等五團體之請，到神戶高等女子學校公開演講大「亞洲主義」，聽者萬餘人。雖分開數講室，亦不能容。至聽衆尊敬之

神，崇拜之熱忱，歡聲雷動，幾若發狂。晚間赴神戶各體團之公宴，席設東方旅館大餐廳，在席上演說，日本應助中國廢除不平等條約，語語哀婉誠懇，聽者莫不爲之感動。日本國民答詞，更莫不一致贊成。三十日晨乘北嶺丸離神戶向天津出發，起程時中日國民歡送者之熱烈情況，約與歡迎時同，且更戀戀不欲分離也。十二月一日晨路過門司，總理未登岸，在船中接見當地來歡迎之中日人士同新聞記者團十餘人，作對門司新聞記者之談話，大意與以前所發表之政見相同，而尤注意於中國南北統一之關鍵，係在北方須服從南方之主張。另與一當地駐軍武官作稍長時間之談話，因此武官曾駐紮西比利亞，故詳詢俄國革命時情況。是日午離門司，因北嶺丸過小，臥室中不便休息，每日均在餐廳閱書，與修改由上海過日本之言論。頭二日舟行尚平穩，總理精神似不見疲勞。三日過黑洋，風浪甚大，總理亦多未出臥室。四日黎明船抵大沽，猶未進北河口，而公子科與汪兆銘同志等已登舟來謁，並報告平津各方情形，總理接待雖極殷勤，但精神欠健。同時船進北河，沿途張作霖軍均列隊歡迎，約近正午，始抵天津，泊法界碼頭。鵠候於河岸歡迎者，有河北省政府代表，暨北平軍警政學農工商各團體等二三萬人

。至天津民衆，則舉行極熱烈之空前市民歡迎禮，全市自動的懸國旗，結燈彩，環繞於碼頭附近，多手持旗幟，歡呼口號，并遍發無數歡迎傳單，所有措詞，大意均爲「打倒帝國主義」「打倒軍閥」「和平統一」，與南方滬粵民衆所表示之主張，無不全同，而其慷慨激昂，則尤過之，蓋總理近十餘年來，對於國事之主張，與夫此次隻身北上，而上海而長崎而神戶門司，對於中國大計，所持以爲救國救民之針方，始終不外乎從積極或消極方面，求全國和平統一。全國民衆，年來處於帝國主義者與軍閥二重壓迫之下，日在水深火熱之中，所盼以爲急解倒懸者，亦均不外乎早求實現和平統一，滿望總理一抵天津。即直入北平，本此和平統一之主張，而促成國民會議，以爲吾民請命者也。豈料下午一時登岸，稍事休息，接見各方代表，與答謝各將領歡迎後，至晚六時，遂發現歷年積勞之肝病，一病而遂不起也耶！嗚呼！痛哉！

第二章 總理病况經過及逝世時之情形

(一) 天津張園養病情形

總理自應段祺瑞之約，北上會商時局，卽由粵啓程赴滬，值南北道梗，復由滬迂道日本，而後轉輪以達天津。維時日行北陸，窮陰沍寒，雨雪載途，海波山立，總理以憂患餘生，終日顛簸於狂風巨浪之中，業已備嘗勞頓；重以東瀛人士，喜總理之來，咸欲一覘其丰采，而快聆其議論，於是開會歡迎之者，不絕於道；總理亦以同洲共文之誼，亟欲本其素願，一抒忠告；因是於日本歡迎會上，窮日夕演講，至數十萬言而去。而黃海道中，風浪愈惡，輕舟飄颻，如一葉之浮萍，人非金石，詎耐折磨？美疚之來，蓋有繇焉！爰於北方羣衆歡迎之期，遽傳叛國元勳不豫之耗，嗚呼！甯非舉國人民，所聞之駭汗，而祝其不實者耶！然而先生竟自此病矣！悲夫！

初，總理於十一月三十日，由日本之神戶乘北嶺丸啓程北發，十二月四日黎明，抵大沽口外，公子科暨汪精衛等諸同志已乘一小艇冒險破浪來迎，至上午十二時抵津，舟泊法租界碼頭，一時歡迎之衆，凡二萬人，爲前此所未有。第以風波跋涉，便覺勞悴，然猶驅車河北曹氏花園訪張作霖氏，暢談至兩時之久，北地嚴寒，豈勝抵禦？還轅後，寒熱遽作，而肝胃病相繼暴發；蓋本係宿恙，至是復劇也。乃急延德醫施密特診治。初

以爲臨時感冒，故祇於一切演講宴會等事，暫行謝絕，以期休養。詎意六日午肝痛愈烈，幾不能發言，德醫暨日本醫生某咸來視，乃決定爲膽囊炎。七日肝痛漸止，體溫由百零三度，降至九十度，精神雖健。然尙索閱報紙，下午且於病榻前與客會晤，四時復診察歷一小時半乃罷，謂須多飲流汁，并服德國瓦雪鏢泉，使腸胃之通達。八日後病益瘳，與平津奉諸要人接晤甚歡，如是者凡旬餘，已準二十二日入平矣。乃十八日許世英與談外交問題甚久，總理知段氏之臨時政府行文各國使署有尊重歷來條約之意，所謂容納本人平時政見，完全反汗，因大傷感！且食梨數枚，閱西報達兩時許，至午後遂欠安適。十九日體溫遽增，脈搏至二十度以上，疲倦亦益甚，而肝胃病劇。醫生因力勸休養，行期復展緩，自是一意調攝、不復檢閱書報，雖平時晚課，亦復輟罷。至二十五日疾稍瘳，後經日醫小菅勇博士診視，知爲肝臟疾，二十八日疾大瘳。段氏又來電相邀，略云時局未定，庶政待商，務祈速駕，以慰衆望，總理乃覆電準於十二月三十一日入平，至期上午十時乃偕夫人及隨從人員赴東車站啓程。行時又發表宣言云：『中華民國主人諸君：兄弟此來，承諸君歡迎，實在感謝！兄弟此來，不是爲爭地位，不是爲爭權利

。是爲特來與諸君救國的。十三年前，兄弟與諸君推倒滿洲政府，爲的是求中國人的自由平等；然而中國人的自由平等，已被滿洲政府從不平等條約裏，賣與各國了，以致我們仍然處於次殖民地之地位，所以我們必要救國，關於救國的理很長，方法亦很多，成功亦很容易，兄弟本想和諸君詳細的說，如今因爲包病，只好待病好再說，今先謝諸君的盛意。中華民國十三年十二月三十一日孫文。』

(二)北平飯店養病情形

十二月三十一日下午四時，總理始由津乘專車達正陽門，一時歡迎之者自政府迄於民衆，殆二萬餘人。以舊恙未痊，下車後遂入北平飯店，而命其隨從則居段氏所豫備之行館（即鐵獅子胡同顧宅）。其意：蓋謂旅津時來客至行館訪問者，終日不絕，欲一一延見，則不勝其煩，於病體大有妨礙；欲謝絕會晤，或命人代見，則易使失望，故不如別居，以便醫療，且將病費完全自理，不累公帑。故入飯店後，即延協和醫院醫生狄博爾克、禮二人，與德醫施密特會同診治，決爲最烈肝病，欲用外科手術，探查病狀，總理不允，祇約克禮以內科施治，議遂定。當晚並通電各省軍民長官各團體各報館云「文此次

北行目的，曾有宣言，諒蒙鑒察，抵津以來，執政招待殷渥，期望甚切，平津各團體盛意歡迎，所以勸勉之者良厚，至深感荷，原擬早日入燕，共圖救國，不意肝疾偶發，滯滯兼旬，茲承醫生勸告，即日與疾入燕，選擇醫療，在醫療期內，惟有暫屏萬慮，從事休養，以期宿恙早痊，健康早復，俾得發抒志願，仰副厚望」等語。越晨爲十四年元旦，復延諸醫來視，結果對於總理現狀，宜靜臥勿勞心，勿傷氣，殆一致諄囑焉。時總理以抵平時段祺瑞特派從武官衛興武爲代表，國務員全體及國民軍將領咸來迎送，本擬卽往答禮，因從醫生勸告而止。後段氏復命其公子駿良前來慰問，並賀新釐，總理雖在病榻，特予延見，別後遂派汪精衛謁謝，約愈後相見。自是息居寓樓，一意療養，雖車馬圍溢，悉由從者接應，無所聞問。至四日晨精神漸復，體溫約三十七度，脈搏八十度，惟睡眠不安。因由德醫克禮博士主任，與諸醫士會議，定其症爲肝臟癱瘍。五日晚始施以注射，似甚安眠，如是者凡半月餘。至一月二十一日前後，體溫升降，忽失常度，脈搏亦陡異，醫士乃特別注意。至二十三日，克禮察其眼球，忽見黃暈，知肝臟之膜漸將侵及他部，非施手術不可，乃由中美德各國醫士共議剗治方法，然以總理

年已六十，慮其體力弗勝，疑不能決。結果僅延協和醫院之法醫皮大夫施以注射，先後凡十一次。始復原狀。然自是不復能進飲食，食即嘔吐，至二十六上午，協和醫院日外科醫士復往診治，知形勢益惡，決爲危殆，當經商之宋夫人及左右，亦不能決，最後乃逕請總理自決，總理慨然允之，由是總理遂於是日下午三時以擔架，由北平飯店，移入協和醫院施行手術。

(三)協和醫院養病情形

一月二十六日午後三時，既入協和醫院稍事休息，至四時許，卽由醫士邵樂爾施行解剖手術，助之者爲院長劉瑞恒，固好友也。因相與悉心探索，始見其肝部堅硬如木，生有惡瘤，遂妥爲洗滌，並割取其外皮，以顯微鏡詳加試驗，乃斷定其症名曰肝癌，允爲不治之症。（按當時施術者爲協和醫大外科主任邵樂爾氏，院長劉瑞恒在場照料，此外有德醫克禮，及俄醫某氏在焉。除四醫外，則爲助手，看護婦等若干人，先生左右僅汪精衛陳友仁孔庸之等三人進室遠觀，夫人亦未得與，祇在鄰室靜候而已。其他專門醫士等，則皆在施術室外，割治之處在體之左側，切開約五英寸許，因局部曾用麻醉藥，並以

新法禁止血管流血，故施術時，本人不覺痛楚，出血亦甚少。切開後，當用如唧筒之具，將肝部之膿吸出，盛以盤，盤中置脫脂棉，每吸取膿一部份，即置于棉中，命人送屠宰外，交專門家化驗。及膿吸盡，乃施洗滌之術，並見肝部果生有惡瘤，即癩疔也。割治畢，立即縫密如故，計自施術起，至縫密止，僅經二十五六分鐘之久，實割治術最適當者也。其後即移入三百零一號病室，七時許即已醒覺，並不覺痛。據主治醫云，割治後，所經四十八小時，不發熱，病狀亦無變化，當無危險，惟當時實為最危險之時期，故絕對禁止。總理左右入室探視，其吸出之膿，經分析化驗之結果，斷其病已起在十年以前。憶民國五年間，總理即患胃病，殆即此肝部之癌作祟歟，一惟時有由本黨特聘之俄國醫士某君，亦親觀其狀，既退，乃密語同志，謂總理是病，遠在十年以前，大抵為至微之寄生蟲，由腸胃而傳播肺部，以及于肝，遂成爲癌，癌則不治，要之其病由久居熱帶，於飲食呼吸之際而生，殆無疑也。二十七日醫士克禮，協和院長劉瑞恒，外科主任教授邵樂爾，果具書證明總理病狀，頗爲危險。是日午後，神志漸爽，但進食；乃進燕窩湯，既食，復密柑以取汁熱而進之，至五時許安眠，至夜爲狀均佳。二十八

日劉院長部教授復診得體溫爲三十七度四，脈搏百有十度左右，而神志較昏，至夜半乃略清，因得靜睡。二十九日上午先生睡覺，精神甚佳，縫口亦漸合，體溫降至三十七度許，並起坐談話如常，因進雞湯，及麥麩粥。惟醫生多方禁戒，故入視者祇遠立不敢近。三十日至二月二日體溫均合度，精神亦佳，午後公子科暨本黨同志張人傑等二十餘人均來平，二時許入謁，先生大慰。旋見張君形銷骨立，不覺泫然曰：「汝一病至此，奈何復來視余」，因勸張君亦住院療治。是夜十二時許脈搏增至百四十度，體溫由三十七度八升至三十九度，精神亦稍衰弱矣。六日始用雷銚治療，以輕痛苦，九日晚復劇變，十日晨稍安，復用雷銚，而四肢稍浮腫矣。十一日老友陳少白自粵來，總理命引入，慰問數言卽退，十二日上午命召其孫至榻前，撫慰者移時，至十七日病狀如恒，浮腫亦退，然當晚十一時院長劉瑞恒竟致一書于孔庸之暨家族及國民黨，謂總理之病將絕望。蓋以雷銚本係最後治療，而其用以四十八小時爲限，今用雷銚已四十餘小時，仍無效果，故斷爲絕望也。至是侍疾諸人皆主改服中藥。總理以在院，既受西醫診視，而陰服中藥，是不以誠待人也，堅主出院，始服中藥。乃決議出院，遷居行館。十八日正午

十二時，由醫士克禮劉瑞恒等診治後，即以病床昇。總理至升降機，徐徐下降，改乘醫院特備汽車，緩行至鐵獅子胡同顧宅休養，即前段氏所預備之行館也。

(四)鐵獅子胡同養病及逝世時之情形

初，總理之自醫院以達行館也，衆咸惴惴，慮中途之顛簸，或生意外也，何幸車極寬長，行復弛緩，抵館後，神志甚閒，體溫如故，衆乃大慰。時張靜江胡適之等，已舉薦中醫陸仲安來視，陸先進黃芪黨參一二劑後，脚腫盡消，二十日復診，乃具方案煎飲。克禮亦報告血液循環，漸有進步，午餐進食，幾與無病時等。並以十日前，葡公使曾至院訪問，(十九日上午十一時新任領袖美使舒爾曼氏，偕斐克參贊，特往鐵獅子胡同行館慰問病狀，由公子科接見，美使謂，自聞先生入協和醫院，極以為念，幸時得報告，故于病狀經過頗悉，今聞遷至行館，特來問候，公子科，因即示以當日克禮博士，關於病狀之報告，並告以自遷入行館後，精神較前健旺，雖醫生羣謂此病為不治，而先生始終抱樂觀，奮鬪之態度，未嘗為絕望之表示，美使于總理勇敢樂觀之精神，極為嘆服，並謂堅毅之志，實足戰勝病魔，其友人亦有經先生宣告不治，而繼續生存頗久者，

甚望先生終轉危爲安，總理深感友邦厚意，特遣公子科前往答謝。是晚，竟安睡至八小時，二十二日狀況稍弱，胃口略減，且微患腹瀉，惟睡眠溫度脈搏如常。二十四日本黨同志，又介紹唐堯卿，周樹芬來謁，謂其頭身發熱，脈象洪大，吞乏津液，其色鮮紅，決爲肝血大虧之證。午後三時，公子科暨汪兆銘等在榻前受遺囑，因聞夫人在別室悲泣甚哀，遂不果簽字而罷。二十五日克禮報告，病者益趨衰弱，眠食俱減，惟神志仍極清明。二十六日上午大瀉後，氣分益虛，腦腹俱腫，語言艱澀，精神頗衰，克禮進健胃劑，強壯心臟劑，通利大小便劑三種，服後頗安眠至八小時；二十七日稍瘥。時有葛辛慈者，畢業于德國精神醫學，自滬來，因施以精神治療法，而中藥亦止不復服。三月一日克禮報告氣象較光明，至五日晨先生以睡眠尚適，命葛君停止按摩，又聞聯軍收復海豐，意甚欣慰，然腹部水分漸增，四肢日呈浮腫之狀。時有山東醫生王綸，用日本新發明之驅癆藥液，名卡而門者，加以注射，初覺有效，至十日晨注射已七次，而水腫如故，脈搏至百二十五，王綸遂謝去。而克禮亦宣告形狀危急矣！十一日晨一時，忽神智清醒，召夫人宋慶齡公子，科汪精衛等到榻前，令將上月二十四日所預備之遺囑進呈，

由夫人扶腕，用鋼筆手自簽字，並囑謂：『余此次北來，欲以國民會議，建設新國家，務使三民主義，五權憲法實現，乃爲痼疾所累，行將不起，死生常事，本無足惜，但數十年來，爲國奔走，所抱主義，終未完成，希望諸同志，能努力奮鬥，早日達到三民主義之主張，則吾死亦瞑目矣！』言下不勝傷感。須臾，繼續囑曰，『余死之後。可葬於南京之紫金山麓。（因南京 爲總理所指定之中華民國首都也。）遺體可用科學方法，永久保存』云云。左右及家屬聆畢，均愴然掩泣不止，總理此時氣忽上逆，喘息甚急，病狀陡變，克禮醫士急以強心劑注射，神志始略清，然午後乃復昏瞶，入夜，呼吸更慢至一百八十，至十二日上午一時三十分，轉側甚盛，厥狀極呈不安，喉中作哮喘聲，看護進麥粥湯少許，已不能納，多流出牙床之外，三時十分喘愈甚，以手撫胸不止，入氣甚微，八時三十五分，看護再進牛斗，已不能嚥齒。左右皆仰泣，至是當由行館同人，立發電話通知在京國民黨黨員，先後雲集行館，九時十分段氏派許世英來慰問，總理兩目向上直視，漸不見眸子，許急退出，云報段氏，而總理於此病狀萬分沉重之中，口裏仍呼『和平』『奮鬥』『救中國』『同志奮鬥』等數語。聲至朦朧，幾不可辨，時正九

時二十分也。須臾，聞總理又呼汪精衛，汪至，先生張口欲有所言，不能出聲，汪請安睡，時總理喉中痰益上湧，面益轉灰白色，手足漸冷，不能動彈，至九時三十分，竟溘然逝世！

其時，總理家屬孫哲生君等，因遵總理遺囑，令保存遺體，遂直接與協和醫院商議辦法。該院謂，可敷抹防腐藥，設法使遺體保存，乃即於午後十二時三十分，用醫院大汽車，將遺體遷至協和醫院，上車時，遺骸由軟床抬出，上蓋以國旗及國民黨旗，當總理遺體移出寢室時，黨中同志及來弔之賓客數百人，分立院中兩旁，齊向遺體行三鞠躬禮。該病車由孫哲生君與克禮醫士同乘護送，其餘各黨員及家屬，均乘汽車馬車數十輛隨行。沿途病車經過之處，軍警均肅立致敬。車到醫院，各黨員因格於院中規則，多未能隨遺體入院，遺體既入院之南樓，醫士等乃先將體內血液取出，注以藥水，外部敷以防腐藥粉，以便施用手術，惟此項手續，尙需時日，遂留侍從武官數人，在側守視。常晚即組治喪辦事處，通電國民黨黨員左臂纏黑紗七日，停止宴會及娛樂七天，以表哀悼。當日九時三十分鐘，總理逝世之時，段氏方面舉行其國務會議，聞報立命散會，

止辦公，下半旗誌哀，諸閣員亦齊詣靈床弔唁，旋派柏文蔚王耒爲治喪代表，並發有前臨時大總統孫文，倡導和平，肇我中夏，辛亥之役，成功不居，仍於國計民生，悉心擘畫，宏謀毅力，薄海同欽。本執政夙慕耆勳，亟資匡濟，就職伊始，敦勸入都，方期克享遐齡，共籌國是，天胡不憖，遽奪元勳，軫念艱虞，彌深愴悼，所有飾終典禮，著內務部詳加擬議，務極優隆，用符崇德報功之至意，之令云。

第三章 總理逐日治喪大事記

十三日 自晨八時至下午五時，正式受弔。使團方面，自得正式報喪後，即一律下半旗三日誌哀，各國公使亦均於上午十時，同赴鐵獅子胡同行館弔唁，是日靈堂外懸青幃一幅，正中供奉總理遺像，置遺囑於其下，兩旁掛對聯一幅，聯爲『革命尙未成功』，『同志仍須努力』，其旁繞以花圈，奉賓均向靈位行三鞠躬禮，由招待員贈以臂紗一枚，爲之佩帶，是晚國民黨中央執行委員會，與中央政治委員會開聯席會議，議決停靈地點，在中央公園之社稷壇。

十四日 上午十一時非常國會議員，在參議院開會，出席者九十八人，田稔主席，彭養光動議，請討論 總理國葬案，決議：照國葬條例第一條第一項，總理有大勳勞於國家，應舉行國葬，通過。并議決拍發兩電，（一）通電全國，（二）通告家屬，惟未通知段氏之執政府，因非常會議，未與段氏之執政府發生關係也。電云：『本會議依國葬法第一條第一項之規定，於本日議決，前大總統孫文有殊勳於國家，准予舉行國葬典禮，特聞，國會非常會議案』。散會後，即全體至行館弔唁，是日段氏政府方面，亦議定治喪禮節八條，通電各方。是日至行館弔唁之中西來賓，計有五百餘人，京中各學校團體，均發起追悼之籌備。

十五日 協和醫院報告先生遺體施行手術完竣，略云：自十二日施用防腐藥後，醫生即由心部微下方，外皮割開，徐將心臟腸胃取出，由劉瑞恒檢察病源，發見膽囊內有小核六枚，在醫學上名爲膽沙，肝部亦有瘡，即爲致命傷，當用藥水洗滌，分儲玻璃瓶內，旋將腹內加以洗滌，排除毛細管空氣，由左腿注入 Formalin 40% 藥液，再用藥線縫好創口，總理儀容如生，然後請家屬入視，皆撫尸大哭！醫生及侍

從武官，亦揮涕不止，時正上午十時，遂舉行小殮。遵中華民國禮制，身着大禮服，戴禮帽，足穿皮靴，由侍從武官將遺體昇入棺內，棺作橢圓形，前端微方，爲美國良材，上方用玻璃爲蓋，俾衆於弔唁時，仍得瞻仰，十一時殮畢，家屬及侍從等，齊向靈櫬行三鞠躬禮，乃退，旋由治喪處決定十九日爲大殮期，並致一書于執政府之祕書長略云：茲定於三月十九日上午十一時，敬迎孫中山先生靈柩，由協和醫院禮堂至中央公園內社稷壇大殿安放，並於二十四日舉行弔禮，謹此奉聞，卽祈轉達，臨時執政爲荷，等語。是日大雪，弔客仍紛集，以工團代表，及學生爲最多，香港大學註冊部，亦來電致唁，蓋此校可認爲先生之母校，先生於一八九二年得醫學士之阿飛斯紀念醫院，頃已合併于斯校云。

十六日 治喪處將移櫬及會弔程序公布，同時發出通告三項，謂：定于三月十九日上午十一時敬迎靈柩由協和醫院禮堂，出至中央公園社稷壇大殿安放，并定于三月二十四日席在中央公園內社稷壇大殿孫先生靈堂舉行弔禮，各團體來弔者請先期通函治喪處，並將人數約略示知，以便分配日期及時間，在報上公布，至個人來弔者，不

拘日期及時間，同人敬遵孫公遺命，凡親友同志以祭文祭幛輓聯或花圈等事致奠者，敬謹領受，其他一切祭品，概從辭謝，恐貽却之不恭之謂云。

十七日 是日上午十時，在協和醫院行祈禱儀注，惟家屬親友暨民黨要人參與，關於十九日移柩一切儀注，治喪處議決務從簡略，靈柩用人抬槨，不用舊式儀仗，沿途不用鼓樂及棺罩之類，至各界紛紛來函請求執紼，執政府祕書廳亦來函報告，各機關均派代表恭送，其他如軍界警察皆請屆時護送，治喪處議決，未便拒絕，一概招待。惟各校來函，學生請求加入送殯，以人數過衆，照料爲難，議決覆函不必一路走送，請於靈柩經過路綫，排隊站立兩旁，靈柩過時，一律脫帽行三鞠躬禮，送喪人員一律佩帶黑心之白花。

段氏之內務部亦於是日下午二時，召集各機關人員，討論對於總理十九日移靈各種辦法，執政府及各部員均派會二人列席，會議決，(一)十九日孫靈移殯，各機關除最高級長官親送外，各機關並派簡任官二人，隨靈恭送，(二)各機關長官着大禮服，簡任官着乙種禮服，左臂纏黑紗，(三)陸海軍警長官與派員，各着制服，並特

派精幹部員，在中央公園照料一切移殯事宜。云。

十八日 治喪處派定昇柩人員，及分組法公布，蓋總理靈柩，決定由國民黨黨員自行抬送，不用槓夫，以表尊敬之意。故議決派定二十四人分三組，更番代替，諸舉柩人皆國民黨中堅人物也。第一組爲張繼，汪兆銘，孔庸之，林森，石青陽，宋子文，俞毓西，石衛青。第二組爲于右任，陳友仁，李大釗，白雲梯，鄧魯，戴天仇，邵元冲，鈕永建。第三組爲李烈鈞，姚雨平，郭復初，焦易堂，鄧家彥，朱卓文，蔣作賓。並派定黃惠龍，馬湘，鄧彥華，趙超，李朗如，李仙根，馬超俊，吳雅覺，李榮，林耀光等。幫同照料。

又決定於靈柩移出協和醫院之前，先在醫院禮堂內舉行宗教之祈禱禮，惟一部份黨員大持異議，謂國民黨反對基督教，不宜採用此種儀式，然遺族藉此以慰亡靈，未始不可也。

十九日 晨早，天色慘淡，助人悽悲，至八時許羣衆紛集協和醫院門外，十時自醫院昇柩至大禮堂行祈禱禮，禮畢，當由第一組昇柩人張繼汪精衛林森等八人，用青布挽

樞環將靈柩扶出禮堂，各送殯團體，在東單三條胡同，王府井大街，帥府園等處街道兩旁，排隊站立，並分別發給青紗白花，秩序殊齊整。十時許人數愈衆，由協和醫院至中央公園，幾無一片隙地，總計約十二萬餘人，花圈輓聯，觸目皆是，實爲北平空前未有之舉，由協和醫院南門，經王府井大街至中央公園，沿途警廳已派出保安隊分佈崗位，維持秩序，警衛司令鹿鍾麟親爲照料一切。同時由吳敬恆李烈鈞等，分配行列秩序，1. 警察，如警察廳保安隊，與內左一區全體警士署員均三百餘人，2. 軍樂隊，執派政府出軍樂隊一連，警察廳軍樂隊一隊，3. 飛機，航空署特派大維樣式飛行機三架，在總理靈柩所經各處，繞空飛行，散布遺容，4. 送喪代表，爲各省法團代表，各地工會，農會，商會，學會代表等。均二百餘團體，人各手執白旗，上書追悼孫先生字樣，胸掛白花臂挽黑紗。5. 軍樂隊，爲海軍部，內務部軍樂隊，6. 送喪代表，爲執政代表及各部院署代表等五百餘人。7. 私人方面千餘人。8. 外交部軍樂隊。9. 各學校，有燕大北大法大民大平民大清華大女師大及各中小學等，全體男女學生教職員約數萬人。10 護衛隊，有執政政府技術隊，第一營

海軍陸戰隊一營，第一師步兵第一營，由官長統屬，兵士皆槍托向上，槍口向下，以表示哀悼之意。11 外人方面，有英美日法俄各國公使館隨員，與旅華各國人士約五千餘人，同時外人有攝電影者，沿途時聞機聲軋軋然。12 總理親屬，孫科，戴恩裳等數十人。13 引導人分爲左右緋，執紼者均爲國民黨重要黨員，共九十五人。14 靈柩所至，諸人咸脫帽爲禮。15 沿途高呼口號，16 宋夫人乘青玻璃馬車隨柩而行，最後爲憲兵一隊，專供護衛，其時因人甚擠擁，行頗遲緩，至十二時許始抵中央公園，當由執政府衛隊，軍樂隊，海軍部軍樂隊，海軍陸戰隊，及地方軍警等站隊迎接，一時軍樂大作，軍隊立正致敬，靈柩入園後，即昇至社稷壇大殿靈堂安放，送殯人均站立殿前空院，大呼各種口號，聲震天地。並有女師大學生分數處演說，至下午一時照料人等因靈堂尙未佈置完畢，宣告送殯人衆請暫退出，明日再來祭奠，送殯人衆始漸退出。惟陸續前往者仍絡繹不絕，二時許靈堂始佈置完畢。靈柩置在社稷殿正中，上懸總理遺像及『有志竟成』橫匾，兩旁掛『革命尙未成功』『同志仍須努力』對聯，棺上蓋以青天白日旗。

靈後黑幔爲 總理家屬所住，二時餘執紼人員及家屬等，先後向靈櫬行禮，卽相繼退出。公園中男女人衆，則至下午七時，猶未散盡。是日治喪處議決，定二十四日起正式開弔。又段氏之內務部亦是日擬具飾終典禮，舉行國葬，呈請其執政府照准云。

二十日 自本日起，安靈三日，佈置一切，並設招待所三處，一社稷壇頭門，二壇側客廳，三大殿靈堂。自卽日起至四月三日，共十六日，每日分兩班招待，招待員分爲十二組，

二十一日 治喪處托外交部照會各國公使。定二十五日上午十時至十二時，又下午二時至五時止，爲接受外賓弔唁之期，於上午十時開會議決對於歐洲來電，定製之玻璃棺，大約本月二十六日可以到此，一致主張先行試驗，並行重殮，并決于四十一日後，移柩西山碧雲寺暫厝。

二十二日 本日治喪處議定於四月二日午前十一時，恭送總理靈櫬於西山停厝，俟紫金山墓地建築完竣，再護運恭安窆塚，通告各界謂倘荷各界各團體惠臨哀送，卽盼推

派代表一人，於三月二十五日午後二時，到中央公園行健會正廳，會商一是。同時國民黨中央執行委員會亦通電海內外黨員，均於二十三日上午九時，各就黨部所在，同時哀悼。

二十三日 上午十一時，中國國民黨北平市全體黨員一千五百餘人，齊集社稷壇舉行哀祭，由林森主祭，戴傳賢讀祭文及遺囑禮畢，分五人為一組，相繼入靈堂，展視遺體，仍至殿前攝影而還。是日治喪處以明日起至二十七日，為正式受弔之期，特將次序公佈。

二十四日 上午十時始舉行發喪，奏樂後由夫人公子各家屬等，先行致祭畢，來賓乃按次入內行禮，上午有廣東代表，教育部長官及部員，下午有海法陸交各部長官及部員等，均上殿行禮，其他各團體及個人之來弔者，不計其數。治喪處於來賓入門時，各贈素花一朵，行禮後更贈總理紀念像片傳單各一紙，單上先列遺囑，後附短文，題曰：『孫先生遺囑下之中醫民衆與世界民衆，』是日下午三時，本為段氏親臨弔奠之期，段氏之閣員全體，府秘書長，大禮官，臨時法制院院長，善後會議秘書

長，各機關簡任以上官吏等一百餘人，已先後到齊，招待員乃引導各關員及陪祭官等相繼入靈堂，分文武爲左右立，至三時許，段氏竟借名足疾中止，改命其內務總長龔心湛代祭。首由內務部古裝舞樂生奏國樂，段氏代祭人龔心湛，率同全體關員及文武官吏至靈前，北面肅立，全體又三鞠躬禮，主祭人獻花圈畢，內務部特派禮官讀祭文畢，全體又行三鞠躬禮，家屬孫科戴恩賽，在旁三鞠躬答謝，並由治喪處招待股主任李烈鈞，致答詞畢，又奏國樂，禮成。主祭陪祭各人員散班，由招待員引至樞前，瞻視遺體後，卽回招待所休息，時已三時三刻，執政府祕書廳及海陸軍內務財政各部全體職員，及陸續分別致祭，由各該長官主祭，四時餘始竣。

二十五日 上午外交團致祭，由外交部特派員魏文彬等八人，爲外賓招待員，十一時許，蘇聯大使，美國公使，西班牙公使，法國參贊，英國參贊，日本參贊，及各使館人員，外國旅平紳商仕女，先後以團體或私人資格，前往致祭者，共八十餘人，由招待員一一導至靈前行禮。此外如僑務局數十機關，均於上午致祭，而下午前往致祭者，則有工業大學，廣東同鄉會等，二十餘團體，共計日本來賓約二萬餘人。是

日段氏之內務部亦擬 總理出柩時之送殯送葬各禮節，大致算還可以。

二十六日 是日爲各學校公祭之期，自上午十時起以至下午四時止，各學校到者，三十
七校，人數約至萬人以上，治喪處並在招待所公開留聲機，聽者莫不肅然起敬，並
由治喪處預備，四月二日移柩碧雲寺，用黨旗及青天白日滿地紅國旗，其下加「中
山主義不滅」字樣，其願送至西山者，備有汽車驢隊公用，李石曾今日在碧雲寺電
話報告，佈置已妥。

二十七日 是日，公園開放，任人入內致祭，故自上午十時迄下午，有北平大學，女子
師範學校等，及其他團體，共約三萬餘人，張作霖代表，亦於下午二時來弔，儀節
頗爲隆重，社稷壇左右招待所，又續開留聲機兩處，此片爲 總理在粵時所演，共
粵語普通話共六片，均屬勉勵國民及告誡同志之詞，又是晚八時，在鐵獅子胡同衍
館開特別會議，討論關於葬事，及永久紀念建築物等事務。

二十八日 午後二時至四時，招待員在社稷壇頭門外演樂亭內，設置留聲機，以無線電
機將聲浪放大，傳播 總理演說， 總理之遺音，猶存留於世者，僅此數片而已！

同時吳敬恆就留聲機之放大器上，演說 總理平生小史，頗爲簡明，聞者咸爲動容。是日治喪處以 總理靈櫬，將於四月二日權厝西山，特發出通告。

二十九日 治喪處以連日各方人士，欲瞻視 總理遺體者，自朝至暮，絡繹不絕，故自本日起，特延長時間至晚六時爲止，以免擁擠，會本日星期休假，故來賓至者竟達十餘萬人，團體凡五十四起。

三十日 正午十二時，蘇聯政府特派專員，將贈與 總理之靈櫬運送抵平，並齋有蘇聯中央執行委員會致家屬唁函一件，乃由孔庸之親至東車站迎迓，除代表家屬向俄專員道謝外，隨命人將靈櫬移至東車站偏甬之貨臺內，俄專員與孔啓棺檢視，完全未損。

是日治喪處以 總理靈櫬不日權厝，所有治喪事務，均行結束，特發出通告云：大元帥靈櫬，已定四月二日出殯西山，所有治喪事務，統於四月五日前結束，行館同人，除指定留護靈柩人員外，均發給三月份一個月薪水，仍回廣州供職，並希於四月三日以前，通知祕書股，以便預備車輛云云。

三十一日 是日各方往弔者，仍有十餘萬衆。內務部又下委任令，特派僉事王經佐，襄辦南京葬地一切事宜，主事郭昭王兆鈞，襄辦送葬事宜云。

四月一日 上午九時，北平公立大中小學七十三校學生，齊詣社稷壇前公祭，祭畢，入靈堂瞻仰遺容，其次第先以抽籤定之，藉免擁擠。十時至下午三時，旅京各省國民黨員約二千餘人，均先後詣靈致祭，如儀而退。計自總理逝世至本日止，治喪處共收到花圈七十餘面，輓聯五萬九千餘副，橫副五百餘件云。

治喪處又以明日爲靈柩奉安西山之期，特決定自靈堂至公園門口一段，遺柩仍由李烈鈞吳稚暉等親行舁出。至上車而止，公園門口備有馬車，以便舁至西直門之用，由西直門至西山，即乘協和醫院運送病人之汽車。沿途車旁，由家屬護送，并議決通電全國，報告治喪處於四月三日結束，以後所有函電，請寄上海法租界環龍路四十四號孫中山先生葬事籌備處云。

二日 是日爲總理出殯西山之期，上午八時許，由西長安街經善後會議東西轅門，至公園門口，天安門一帶。分段有各團體各學校樹立白旗，在預定地點集會，政府派

出之陸海軍護靈隊，與警察保安隊，先後按次排列，北大花園隊八各手持一花園，在公理戰勝坊集合，段氏代表各部總次長善後會議秘書長各機關代表各團體代表等，均於九時許先後到齊，九時三十五分，執政府代表各開員在靈堂行禮，三鞠躬，獻花園，各界代表亦先後行禮。十時二十分，家屬行禮，十一時發引，由于右任等八人，用青布帶挽棺，雙手昇出，馬湘手執宋夫人贈送之紅色花園後隨，羅馭雄手執青天白日滿地紅之國旗前導，吳敬恆李烈鈞等均左右執紼，李榮等，則奉遺像隨行，奏哀樂，至公理戰勝坊稍停。由治喪處準備之美國白鶴公司，拍照電影，國民軍第師手槍隊長率兵一連，作護靈隊，十一時五分至公園門口，全體來賓均脫帽行禮，有四鳥騷，高駕靈輜，伺於左，狀至黝黑，輿頂及邊，絡以青球，搖搖欲行，於是馬超俊與李仙根將遺柩昇上靈輜，首向前，足向後，宋夫人花園即至於棺上，馬湘李榮二人坐車內照料一切，孫科戴恩賽等將棺移正，並將車門關掩，宋夫人首障青紗，衣黑色夾袍，著黑色鞋在旁淚涔涔下，噎不成聲，公子科等，亦大泣不止。李榮奉遺像置馬車內，四圍繞以段祺瑞黎元洪贈送之花圈，宋夫人乘第一號

黑車，駕以兩烏騾，車頂亦綴青球，其餘家屬分乘馬車十輛，車頂皆綴白喪球隨于後。

經西長安街西單牌樓，西四門樓順電車道出西直門，赴西山本道，至高亮橋老爺廟大街，各街巷口及各戶樓上，均立有男女來賓恭送，電車亦暫停駛，路旁觀者，咸脫帽爲禮，隨靈後有國民黨重要黨員多人，執政府衛士教導隊，內眷馬車十輛，航空署派出飛機三架，繞空飛行，以便護送。內務部鳴炮三十三響，各機關一律下半旗，下午二時，全隊至四牌樓，各校學生與各團體代表軍警停止進行，分列兩行，直達西直門。花圈仍往前，進觀音庵抵老爺廟，花圈隊分列兩行。靈輓經過時，花圈隊各學生，紛向車上擲去，最後由汽車馬車，載往西山，遺像車與宋夫人車至老爺廟，即改用汽車。下午二時十五時分，由西直北門向西山出發，各校學生沿途均大呼孫中山先生主義萬歲，打倒軍閥反對帝國主義，等口號。

靈輓抵海甸，有培元小學西郊中學西郊女學列隊行禮，市民均肅立道左，婦女多就山穴席坐，以待靈輓經過。車經玉泉山，山口紮有白花牌樓一座，嵌以中山先生

主義萬歲字樣，又有小牌樓，標以哀音二字。下午四時二十五分鐘，遺柩到碧雲寺，郊外有香山幼稚院男女學生千餘人，與清華童子軍一大隊，戎裝持槍，倍極整齊。中法學校全體學生西郊小學紳商市民團，又用花製旛牌樓，雲輿經過，一一爲禮。至西山碧雲寺門口，有牌樓一座，橫額爲天下爲公四字，左聯爲人羣進化，右聯爲世界大同，至二重門，有牌樓一座，治喪處在寺內西院，設有臨時辦事處，東廂房，設有簽到處，茶點室，男女來賓招待處等所，再進爲奉安靈櫬處，其處在寺內第十一級之最高峯，乃一院塔，塔高四丈許，圍以白石，而空其中，又有石龕高二尺三寸左右，石級可登塔頂，俯視北平，全城在望，入夜登臨，萬家烟火，盡在目中，回視其後，則西山羅漢松百株，參天拔地，矢矯如龍，風聲謖謖，如怒濤之排空，頗具壯觀。治喪處因院塔過峻，運送維艱，特架一木橋，約三十度之仰角，當由吳稚暉等將靈櫬昇入一輿，其輿狀類木箱，配四鐵輪於其底，從者自橋上，用青繩徐引至顛。乃由孫科戴恩賽奉安於石龕之內，並置花圈其旁，而以藍繩欄干障其外。其餘設備，大率與社稷壇從同，橫額，爲「有志竟成」，「聯爲「革命尙未成功」，「

同志仍須努力，」時正五時三十分，遂舉行公祭，先奏樂，讀祭文，諸人三鞠躬，唱追悼歌，再奏樂，禮成乃退。

按碧雲寺在西山東麓，其始建歲月失考，據最近墾地所得石刻，列有壽昌年號，大抵爲契丹以前古刹。歷遼金元明清五朝，而名愈顯。清乾隆間，曾事修葺，立有碑記，厥後凌替，至民國六年傾頽益甚，由是蔡子民李石曾夏堅仲高曙青彭志雲等盡焉傷之，乃相與勸募，重行修理，並於其四周建設中法大學西山學院天文臺農場醫院等，而後榛莽盡闢，文化日新，在昔荒原，頓成名勝矣。總理石室，初亦殘破，嗣經修整，始復舊觀，頃且於其上，設有測風電表等儀，于美術中參以科學，亦古寺革新之一大徵象也。因紀總理權厝事并及之，冀瞻禮者益深其神往焉。

三日 治喪處以中央公園各項設備，已完全撤去，遂還鐵獅子行館，辦理結束事務，并決定所有由粵來平各職員，一律出平南下，至西山碧雲寺一切事項，則委由李石曾先生與中法學校各教職員，分別担任辦理，總理遺囑特派副官馬湘率領衛士七人留守，負保護責任，并爲留紀念起見，特在同生照相館製就遺像千張，分贈諸人。

四日 治喪處以前派林森前往南京紫金山，勘察葬地，已回京報告一切，因即推代表詣段政府接洽，當由祕書廳分電蘇省長官查照辦理，是日通電全球黨員，於十二日爲追悼之期。

五日 正午十二時，治喪處邀請各辦事人員，在中央公園來今雨軒宴會攝影，以資紀念。

六日 總理靈柩，前在協和醫院裝殮時，因俄國政府贈送之棺未到，係臨時趕造之棺。三月三十日俄國贈送之棺到平，經醫生檢查認爲不甚合用，故又由協和醫院，用楠木另製中式新棺，備到西山後改殮之用，該棺及改殮時需用之保存藥料，均於昨日協和醫院用汽車運往西山碧雲寺，今晨九時，協和醫院醫生史蒂芬劉保恆與家屬孫夫人孫科等，到碧雲寺石塔靈堂，由兩醫生指揮各衛士，將暫用之柩揭開，移總理遺體改臥新棺，棺楠木製，內襯鉛，裏滿貯「福末令」藥液，遺體全身皆浸於藥液中，上加玻璃片，可見全身，玻璃之上再加棺蓋，一切手續，需時極久，至午間十二時始殮畢，安置石塔內原址。家屬及隨員等皆至柩旁哀視，總理神采如生。

但顏色較黯淡耳。靈堂佈置如前，惟加鮮花及銅鼎等，石塔牆上之輓聯，均已除去，送至行館抄錄，今日適爲清明節，中外人士來碧雲寺，欲上石塔，瞻仰遺體者甚衆，因方改殮，皆被辭謝云。

治喪處是日在鐵獅子行館，舉行主任會議，議決各件如下：（一）派員前往各國答禮，（二）治喪處主任各人列名，函謝各國人士親弔及函電來弔者，（三）外交團方面除函謝外，並派員致謝，（決派孫科戴恩襄）（四）由治喪處電各省軍民長官各團體各報館，並轉全體國民致謝，（五）各省來弔專員，由招待股代表治喪處答謝，（六）孫科赴段氏處致謝，（七）函許世英催辦紀念圖書館地址事，（八）在燕暫設靈柩護衛員辦事處，

七日 是日正午十二時，治喪同人在中央公園來今雨軒，招待政界軍界教育學界新聞界各機關各團體及各省軍民長官代表等，到會者計有一百五十餘人，十二時三十分就席李烈鈞致歡迎詞，次來賓公推熊希齡致答詞，其他演說者甚多，至下午三時始散會。

八日 治喪事宜截至今日止，已完全終了，公使團方面，除孫科等親往答謝外，今日治喪處主任于右任李烈鈞等，復聯名致函各使館表示謝意，原函錄下：

敬啓者，敝國不幸，哲人其萎，前大總統孫中山先生逝世，承貴使惠臨弔唁，貴國人士哀悼有加，孫中山先生家屬及治喪處同人，均深感激，茲於靈輿告殯之竣，謹表謝意，并深信貴國與敝國邦交及人民團體之親善從此益敦厚也。孫中先生治喪處主任汪兆銘吳恒敬于右任李煜瀛李烈鈞鄒魯孔祥熙林森宋子文，中華民國十四年四月八日。

九日 治喪處行館人員摒擋一切，預備離平，至十日，先生家屬及行館同人，乘交通部特備專車，動身南下。

第四章 中央之哀典籌備與奠祭

(一)中央之哀典籌備及佈告

三月十二日下午二時，中央黨部接得 總理噩耗後，即通告各黨部黨員云：「爲通告事

，本日下午二時接大本營秘書處轉來北平電開，廣州胡省長轉國民黨中央執行委員會鑒，總理於本月(十二日)上午九時三十分鐘在北平行轅逝世，特此痛告，並請轉告各黨部，汪兆銘鄒魯侵(十二)等因，本會決定由本日起，各黨部一律下半旗誌哀，各黨員纏黑色背章一月，以誌哀悼，特此痛告貴部查照，即希轉告所屬各黨員一體知照，右通貴部常務委員，中央執行委員會三月十二日下午三時，」

胡代帥接到噩耗即由省署以電話通告各機關長官，立時伍部長，古部長，程部長，吳局長，鄧運使，林次長，羅總辦等，聞報均含淚而至，胡代帥即在大本營與各人商議舉辦後事，即議決組設大元帥哀典籌備委員會，並舉定胡漢民，伍朝樞，廖仲愷，古應芬，譚延闓，許崇智，程潛，鄧澤如，吳鐵城等，為籌備委員，同時並發出通電云：(一)略)鑒孫大帥痛於本月十二日午前九時三十分在北京行轅薨逝，茲特議定哀典條目如下：(一)各官署軍營軍艦海關下半旗一月即由三月十二日起四月十一日止(二)文武官吏停止宴會一月(三)民間輟樂七日，由本月十二日起至十八日止(四)文官左臂纏黑紗一月(五)武官及兵士左臂及刀柄上纏黑紗一月(六)官署公文大小印章用藍印色一月。

十三早十一時大元帥哀典籌備委員，假留守府開會，列席者爲胡留守，古部長，程部長，伍部長，鄧運司，吳局長等，胡留守主席，議決數項錄下：（一）設祭堂於省長公署，凡在省文武職員薦任以上，由十四日起至二十日止，每日上午九時至十時到堂致祭，（二）由大學校教育廳通告，無論國立公立私立各男女學校教職員學生等，均男臂纏黑紗，女襟綴黑花一月，（三）關於中外唁慰文件，逐日由委員會通告宣佈，（四）追悼大會會場，定於廣東大學，（五）追悼日期，十七日軍政界及外賓，十八日農工商界，十九日學界，（六）追悼會佈置由中央黨部大本營省長公署外交部各總司令部大學公安局派專員辦理，（七）各機關軍隊自設祭堂由十四日起望祭七日，（八）由大本營通告前方各軍隊激勵軍心墨經從戎，（九）由中央黨部向國民宣傳。

十四日哀典籌備委員會第二次會議議決案：（一）大本營德告前方各軍隊激勵軍心電備極欽崇，各國下半旗三日，並詢葬期屆時各國軍艦鳴炮，（二）指定專員，搜集大元帥遺著俟再討論，（四）大元帥遺囑付印刷，并分令各軍總司令及機關暨黨部，（五）各馬路

十字路口丁字路口士敏土電燈柱於追悼會期內，掛旒黑布白字各種標語。

十五日哀典籌備委員會第三次會議議決案：(一)哀典籌備委員會用款暫由大本營會計司墊撥，(二)印刷孫大元帥遺囑及肖像，(三)外交部長報告日美國領事親來吊唁，(四)追悼會十七日各機關停止辦公一天，(五)擬鑄銅像建國圖書館紀念用款，由衆人簽捐每人至多不過一元惟不限於黨員。

(二)中央黨部舉行哀奠禮

國民黨中央黨部昨接北平電告 總理逝世噩耗，殊深悲悼，經常會第六十次會議決定於十三日正午十二時在該會禮堂行哀奠禮，以誌哀思，是日該會各同志於十二時齊集該會禮堂，其禮節爲(一)齊集，(二)向 總理遺像行三鞠躬禮，(三)報告，(四)靜默誌哀五分鐘，(五)禮成後，由秘書處提出本黨 總理逝世應通告各同志舉行哀奠禮一案，決議：於十四日舉行地點在本會大禮堂。

(三)在省署哀祭之情形

祭堂設於省署之禮堂，自十四起一連七日每日由上午九時至十時爲致祭時間，十四日

爲開始致祭之期，是早九時胡留守即率同大本營職暨官署長員羅總辦等及各機關薦任以上各職員由大本營蕭副官引導致祭如儀，隨後譚總司令，程部長，古部長，鄧運使，伍部長，李市長，胡軍長，吳局長，等相率而至，均由蕭副官引導，隨到隨祭，直至十時始已云。

(四)黨員之追悼及宣誓

十五日國民黨中央執行委員會召集在廣東全體黨員在第一公園開黨員追悼大會，是日公園門首懸掛黑白紗，園之東隅運動場內搭蓋禮壇，壇上懸置總理遺像，上掛黑白紗，黨旗，標貼總理遺囑誓詞口號，四週均豎「主義不滅」「精神不死」等藍白字旗幟，各黨員均左臂纏黑紗，赴會者爲中央黨部，市黨部，黃浦軍校，滇軍幹校，桂軍學校，粵軍武校，市內各男女學校等黨員學生，各工團社團農團軍政界等男女黨員約三萬人，均各肅穆哀感。於一時開會，由胡漢民同志主席，(一)主席報告，謂我們同志，今天曉得我們總理孫中山先生是中華民國的領袖，國民的慈母，世界弱小民族的保護者，竟於十二日死了，就是我們同志失了一個導師，我們真是十分痛苦的啊！但是我們要曉得：

總理一生的精神，一生的歷史；在三民主義尚未成功，而總理死了，黨員當甚悲痛！可是總理數十年來無一日不向前奮鬥，此是我們的模範，此是總理的遺傳，我們同志要依舊繼續奮鬥；那末，總理雖然死了，無希望了，我們能這樣做去，即能使總理不死，總理的主義不死。至總理的歷史很長，大家都知道，我不用說，但簡直說一句，總理的歷史，就是一革命史，就是我們革命的大成功。(一)行三鞠躬禮，(二)五分鐘靜默誌哀，各同志演說後，即由胡漢民宣讀總理遺囑并宣誓，誓詞云：

「我們五十萬黨員，敬遵總理遺囑，承繼總理之志，實行國民革命，至死不渝，此誓，」誓畢始宣告散會巡行，其巡行總共人數一萬餘。

十七日爲軍政警界追悼期，十八日爲工商農各界團體追悼之期，十九日爲學界追悼之期，盡皆萬人空巷，備極慘壯，詳情因篇幅關係，未錄。

全國各縣各鄉村，海外僑胞足跡所至之地，無不舉行追悼會，皆是悲憤悽壯，亦因篇幅關係，未能一一盡錄。

第五章 總理逝世後之輿論

(一) 外人評論

菲律賓

自由周報——忠誠澹泊一清貧之平民——

一般人士之於孫博士，無論爲敵爲友，皆必有同情之觀感，即孫博士之「忠誠澹泊」是也。中國之所謂一般領袖人物者，無不剝削備至，故皆腸肥囊滿，惟孫博士則依然故我，爲一「清貧之平民」也。總之孫博士行爲之動機，無非出於「至忠至誠，」此則無可置疑之事，是故孫博士若果成爲歷史上之人物，亦殊不愧爲中國之真正偉大人物矣！

美國

美國各報——世界現代大傑之先知先覺——

中山先生爲現代五傑之先知先覺者。五傑者，印度之甘地，土耳其之凱美爾，俄之列甯，美之威爾遜，與中國之孫中山也。中先所以推爲先知先覺者，乃以五傑始得國際聲望之年代爲準。甘地成名在一九一九年，後中山二十三年。凱美爾成名在一九二〇年，後中山二十四年。列甯成名在一九一七年，後中山二十一年。威爾遜成名在一九二一

年，後中山十六年。中山成名，早在一八九六年倫敦遇難之時。三十年來，孫逸仙博士之聲名，一經報章不斷的顯揚，再經華僑狂熱的崇拜，世界留心時事之人，幾已無不認孫逸仙博士，爲近代民族自決運動史上獨一無二之突出人物。印度，土耳其，波斯，埃及等國，尤爲彼等所理想化的孫逸仙爲喚起國民革命之口號。甘地，凱美爾，卽爲此口號之貴重產物云。（按西人崇拜英雄心理，較華人爲烈，此係美報在中山死後各方所載之蓋棺定論。）

日本

大版每日新聞——實際的政治運動家——

世人目孫氏爲一思想的空論家，此言或不盡善，其實孫氏乃一實際的政治運動家，乃一富於天資之思想家；其主義主張或被人誤認爲空論，氏嘗著孫文學說對世之反對論者，曾下一知難行易之答案。距今二十年前，能以社會民主主義之新思想改造國家社會者，舍孫氏外，實無第二人，其在東洋之天地間更有幾人？中國先覺者之榮冠，自不得不讓諸孫氏獨戴矣！……如孫氏最近之主張亞洲聯盟，廢除不平等條約等，豎立大旗，

在民衆前吶喊，今祇留下孫氏理想之影，在中國四萬萬民衆之腦海，故孫氏之死，在國民解放運動中頓失一領導者，吾人亦爲之悲痛不置也！

東京朝日新聞——具改造民國熱忱畢生犧牲革命——

吾人回憶孫氏具有一腔改造民國之熱忱，於去年北上後，卽無日不與病魔戰，致不得參與政治，追思孫氏之心情，吾人實有無限之同情也。……氏之革命的精神，感化力甚強，氏一生全爲革命犧牲；氏不僅一思想家，亦一學者，同時又爲一實行家，今此民國偉人竟溘然長逝，此吾人無限愛惜哀悼者也！

東京日日新聞——具大精神成大偉人——

孫文爲母國革命，曾出入於幾度生死之中，屢經困苦艱難，氏之一生最多奇績，具有大精神，乃成一大偉人。……今孫氏死矣！此後國民黨黨員，服從孫氏主義及擁護生前主張，自無疑間，卽一般民衆思想，亦不得受孫氏支配之下，故孫氏雖死，精神猶在也。

國民新聞——亞洲民族和平民運動之領袖者——

氏爲一近代傑出之革命思想家，其革命主義，不僅是法蘭西式之政治革命，更進一步有達到經濟的社會革命之路，今不幸西逝，民國前途，將起波濤，抑暫時安堵乎？此不得不人人憂慮及之也！……孫氏晚年之主張絕對反抗英美帝國主義，一面高唱大亞細亞主義，茲欲覓如孫氏第二人，恐不可再得矣！今後亞洲民族之和平運動從此失一領袖者，吾人對此，不禁衷心痛惜者也！

上海日報——爲主義生爲主義死——

自光復武昌，建設民國後，南北奔走，席不暇暖，十四年來，仍爲革命盡力，焦頭爛額，始終不變其志，爲主義而生，爲主義而死，孫氏實爲中國歷史上等第一人！

臺灣

有志社——帶着愛人類國家的精神——委身救國運動革命事業——

唉！大星一墮，東亞的天地忽然黯淡無光了！吾們所敬愛的大偉人呀！你在三月十二日上午九時卅分這時刻，已和吾們永別了嗎？四萬萬的國民，此刻爲了你的死，全哭喪了臉了。（消息傳來，島人五內俱崩，如失了魂魄一樣，西望中原，禁不住淚痕滔滔

了！）先生！你在西紀一八六六年帶著你超羣的天才，滿身的愛人類愛國家的精神，革命思想和實行的毅力，深入吾人類之伍以來，前後六十年了！你年才弱冠，便委身於救國運動和革命事業，在四十年中間，始終用了你的萬撓不屈的毅力，你的表示始終一貫的精神，來實行你千移不易的主義，那專制橫蠻滿清朝廷的迫害，（那無惡不爲的軍閥的壓迫，那野心勃勃的外國帝國主義的嫉視，）終不能奈何先生。你的精神，你的理想，雖未十分實現，但是你的毅力意氣，已推了滿清，建造了民國，嚇壞了（無恥的軍閥，和殘酷的外國帝國主義，）喚醒了四萬萬沈睡着的人們了！可是啊！三民主義還未實現，（中國的革命還未成功，）大亞細亞聯盟還未實現，前途正乏導師之時，你殘忍刻薄的死神，意把這位千古難獲的導師奪到死的國去了！嗟！中國的同胞呀！你們要堅守這位已不在了的導師的遺訓「革命還未成功」，「同志尙行努力」哪！先生的肉體雖和吾們長別了，然而先生的精神，先生的主義，是必永遠留著在人類的心目中活現，先生的事業，是必永遠留著在世界上爛燦。（注意，括弧內的文字，是被那日政府削去的，攻臺灣爲清廷所棄已三十年，至少中國人的眼中已無臺灣，但臺灣人眷戀祖國之心，日深一日

，全無怨中國之心，此次追悼孫先生在強壓力之下尙如此之熱忱，真令吾人又驚又愧了，上文爲該社張我軍作孫先生弔詞，全錄之，以見孫先生的精神所感，無關國內外也。

平津

平津泰晤士報——功徧天下聲震華夷——

嗚呼！中山先生死矣！夫人誰不死，若中山先生手造民國，創中國數千年來未有之局，功業動天地聲名溢華夷是非所謂雖死猶生者耶！雖身際暮年有志竟而平生宗旨已具見所著三民五權書中，果後死者踵其志而行之，則卽謂中山萬歲千秋，永永不死可也。

天津華北明星報——中國之名震全球者唯中山一人——

吾人於中山先生，殊不願以崇拜偶像之態度，進阿諛之言。吾人之所欲言者，乃本良心之自由，而貢獻微衷耳。就以往之事實觀之，孫中山不愧稱爲世界之偉大人物，彼本高尚之愛國熱誠，犧牲其爲第一任之中華民國大總統，而彼在任時，又未嘗發生任何事變，實爲中國各總統之特色，中國人之名震全球者，亦唯孫中山一人。在今日之中國

人中，爲國民所竭誠擁戴者，除中山外殆無他人。中山堅持其所抱之主義，故一班自私者因其有害於彼輩，故視爲敵人，多方宣傳，謀所以中傷之，然皆徒勞而無功，蓋善意的宣傳，固足以揚名，但苟其人之地位已確定於羣衆之心目中，雖有人謀所以毀謗之，亦不能也。吾人觀於歷史上之偉大人物，即可知之。

(二) 外人評論

英國

康聽黎氏——全無自私自利之心——

孫先生革命的抱負，及由此抱負所產生的苦心苦行，百折不磨，大有耶穌救世的精神。孫君立身處世，對人交友之道，他確無自私自利的野心，當辛亥起義，南京軍政府成立時，孫在此得電報一則，催促回國，受選臨時大總統，他遲回再四，而後決定東歸。我自己是醫生，同時和孫君相處又久，確知中國人，是世界優等民族，腦力重量，愈於西人，故中國人智力魄力特長，復經四五千年的進化，循天擇演進之例，愈經天擇愈精良，所以不是西洋人能够趕得上的。（按康氏 James Cantlie 係總理之師，年逾七十

，即二十九年前往倫敦被難時救護總理者也，衝動已不甚自由，當旅英華人大追悼時，竟然到會，言下涕淚盈襟，幾令全場欲哭。）

愛迪斯氏——中國大政治家——

孫逸仙博士，的確是中國一個大政治家，具有大政治家的眼光和手段，中國人都敬愛他，歐美人士和他有交情的也作同一的感想。他現在死了，他的理想還活着。我們縱論他有時失敗，過於理想，而不切實際，然而一時失敗，算得什麼，中國人若肯把他的理想當作目的，達到的時期將不在遼遠，而在目前。（按氏名 Charles Addis 爲英大銀行家）

愛爾蘭某氏——愛爾蘭無先生其人——

孫中山之革命，反對帝國主義運動、中國處於帝國主義壓迫之下，與愛爾蘭情形相同。惟愛爾蘭缺少一位孫中山先生，今中山先生逝世，使吾人表同情之哀悼云。（按氏爲國際勞工救濟會代表）

美國

林百克氏——人間之活上帝——

孫中山者，世界之大師傅也；人間之活上帝也；奮鬥成功之苦公僕也；未嘗悲觀之冒險家也；不自大，不報讎³之道德家也；站在時代前面，而缺乏隨從之超人也；生被嫉惡，而死受崇拜之大英雄也。（按林氏爲總理摯友，二十年前爲美國巡迴法庭推事，來往菲律賓羣島，舟行遇險，幾喪性命，得一華人援救，詢知爲總理部下敢死隊員，遂辭推事，操律師業於上海，發願犧牲後半世之生命，專助總理事業，艱辛備嘗，不稍反悔，六七年來，費盡心力，著成孫中山傳，凡三七二頁，書方付印而總理已罹不治之症，書方出版而總理已不及見。此次自美京遠道至紐約躬與國際追悼大會，既登講壇，全身戰慄，若將昏倒，大聲哀呼，語無倫次，哀情汎濫，不能自已，狂呼半時餘，猶覺愁腸未轉，主席告以時限，始拭淚下壇，坐於杜威夫人之側，全場目光，咸集其身。）

杜威氏——中國平民代表——

中山先生一身，最能代表中國平民精神，故中國平民遲早必奉中山爲理想的完人，中山之患，不在中山之屢起革命，而在政客之忽南忽北，如果中國人民皆能模倣中山之

政治節操，人人認定方向，不常隨風轉舵，中國早當富強云。（按杜氏在華二年，躬與五五總理就非常大總統典禮，且與總理討論知難行易學說，故評論至爲懇切。）

德國

盧森堡氏——德人永不忘先生偉大之工作——

中國民衆之仇敵與德人相同，——即國際資本帝國主義是也，歐亞兩洲反國際資本帝國主義之運動，與夫中德兩國反對國際資本帝國主義之運動，亦異地相同。德國革命人永遠不忘孫中山偉大之工作，並永不忘其目的，即是使全世界從國際資本帝國主義壓迫之下，解放而得自由。（盧森堡氏 Rosen Berg 爲德國國會議員）

日本

宮崎龍介氏——全世界偉人——

予父會與孫先生共革命患難甚久，予從幼即常追隨中山先生，故於其人格，其主義，其事知之甚稔。先生之志，不但從事中國革命，實欲實行全世界革命之計畫，目前世界正變動，忽失此革命偉人，殊爲人類惜，蓋先生之三民主義，實較風靡一時俄國所試

行之馬克斯主義更進一層，其民族主義，主張解放全世界被壓民族；民權主義，主張人類皆得有參政之權，民生主義，主張節制資本，發展實業，脫離在國主義經濟侵略；帝日本亦必實行，予即正作此工夫者。先生思想與主義，匪但爲「中國一國之偉人，實爲全世界之偉人。」（按宮崎氏與總理志同道合，過從最密，故措詞極爲沈痛，此爲氏在旅日國民黨支那哀悼大會時之演說，並有總理主義雖未實現，我青年應實現之，必爲吾人之責任，予以日本人之地位，盼望諸君努力奮鬥云云。）

犬養毅氏——爲中國革命生爲中國革命死——

先生明治十餘年來，與予爲知己，其時宣傳主義，同志甚少，康梁之保皇黨且與先生爲敵，先生卒不灰心，而終達推翻滿清之目的；是先生爲中國革命生，更爲中國革命死。無先生即無今日之中國，先生凡所作爲，實古今中外歷史上第一人，此次之死，不獨國民黨受打擊，即全中國全世界東西民族皆受打擊也。

堺利彥氏——中國新思想之代表——

中國新思想得有今日之發達，完全爲中山先生之力，吾人認先生爲有偉大之進步主

義者，新思想之代表，且佩其度量宏大，能包羅能統率各種革命分子，立於共同戰線，實行國民革命云。

頭山氏——求亞洲民族之解圍——

孫先生之功績，非特欲圖中國之自強，其求亞洲民族解放之決心，亦未嘗稍變，我與先生相知三十餘年，先生每來日本，必來顧我，今聞此噩耗，能無愴然欲涕耶！

俄國

加倫氏——中國革命民族首領——

俄國人人承認中山先生是中國民族革命首領，我代表俄國人民及黨，對各位有一希望，即前年吾們的領袖列甯死了，現在你們的領袖中山先生死了，但吾們俄國同志不單是傷心就了事，吾們更繼續奮鬥。我希望中國人民亦如此，死者是身體，精神是不死的，所以希望諸君把傷心變為忠心，即刻實行中山先生民族革命之志，此決心即是為民族革命而鬥，打倒帝國主義，使中國確成為獨立的國家。

克倫鼎新基氏——世界平民大革命家——

予代表俄國農人及工人對中山先生之死，同情哀悼，中山先生爲世界平民中之大革命家，言符極堪欽佩，今中山故，吾人不禁生無限悲哀，但仍希望諸君努力前進奮鬥，務達中山先生之所懷抱也。

錫琴女士——民族自由運動之羣衆領袖——

中國國民爭民族自由之羣衆領袖孫逸仙逝世，中國男女國民皆應使其哀痛浸透於革命戰爭之準備中，節哀止淚，共呼前進。

法國

馬爾昂氏——先生是大革命領袖——

法國聯合英美日意一致對華侵略，使中國完全殖民地化，幸得孫先生率領民衆起而反抗，……今昊天不弔，忽然死去大革命領袖，這是何等淒涼，願東方一切被壓迫民族大家聯合起來，完成孫先生未竟之功云。

印度

達斯氏——亞洲之精神領袖兼備孔佛耶之人格——

中山先生爲亞細亞洲之精神領袖，不僅爲中國之革命元勳，中山先生之死，爲全世界被壓迫民族之損失，不僅爲中國革命同志之損失。中山先生之人格，兼備孔佛耶之人格，宜乎不爲庸衆所賞識。（按達斯氏爲印度獨立運動中之大宣傳家，足迹徧全球，曾在東京上海等處屢晤總理，十年前旅居西美時，常與孫哲生來往，故知總理頗深。）

蘭斯密氏——力爭中國主權的主將——

如這樣的大偉人的死亡，不但中國力爭主權的人們，失了一個主將；即亞洲全部，亦失了一個最偉大的公僕，與最足頂禮的靈魂；亞洲偉人，爲數不多，今忽去其最偉大的一人，嗚呼哀哉，我們不痛惜公共的損失嗎？（按氏爲印度報界領袖，）

安南

路亨利氏——開東方民族解放之途——

中國與安南毗連，唇齒相依，可惜彼此都殖民地化了！孫先生生於殖民化之中國，忍不住帝國主義，聯合東方民族做反帝國主義運動，實開東方民族解放之一條生路，望

東方人民快些照孫先生所指示的策略做去，孫先生雖死，東方民族解放萬歲。

朝鮮

李天民氏張如同氏——千古流芳萬邦共淚——

大聲高呼東亞之革命父母中山先生，嗚呼！革命未達目的，先生何忍逝耶！哀哉！痛哉！大中華民國大元帥中山先生，千古流芳，萬邦共淚。

李晶夔氏——將使遠東民族得脫離羈絆——

我們高麗久受日本壓迫，想呼吸都不得，與中國被列強壓迫無異，所以彼此同病相憐，正冀孫先生率遠東方痛苦民族，一齊進攻，使遠東民族得到脫離奴隸地位，何圖大星忽墮，望此後中山信徒，一律依照孫先生政策，努力進行。

(三) 中報評論

上海新農業季刊——民生主義與農民關係愈切——

孫先生一身的專業功績，只要中華民國一日存在，便值得吾們一日的紀念。雖然現在的民國，只是一塊空招牌；外國帝國主義者，一層層的把不平等條約，緊緊地束縛着

；國內的軍閥官僚，盤據着要津，幹他們稱霸爭雄的勾當；然而孫先生已明白地告訴我們，叫民衆團結着繼續地奮鬥，尤其在先生所提倡的民生主義，對於一向被社會所輕視的農業與農民，已漸漸地被世人所認識了。如平均地權，節制資本，理想既切實可行，辦法又合於事實，如果吾們更能從這一點上共同努力要求，吾們四萬萬人民從此得救了。吾們謹在此全國舉哀中。致以此自勉。並敬告全國三萬萬農民！

上海暨南學生刊——促醒僑胞襄成偉業——

我們對於孫先生之死，感受着莫可名狀的悲痛，因為他是創造中華民國的元勳；努力民衆事業的領袖；醒覺海外華僑的導師。吾們知道：孫先生從事革命四十年，在他的歷程中，曾經過許多艱難困苦，許多挫折失敗，然而他並不灰心，並不改變初志，只是勇往直前，只是百折不撓，卒能改專制爲共和，到今日，且深得國人的同情和擁護了。這種光榮的人格和偉大的精神，是吾們青年人應該佩服敬仰的。吾們知道：今日的中國，既陷入半殖民地的狀態中，內有專橫跋扈的軍閥，外有野心殘暴的列強；而國民受着軍閥的蹂躪，列強的欺侮，痛苦的程度既到了極點。孫先生立志要拯救被壓迫的國民；

更建設三民主義五權憲法，去打倒軍閥，打倒軍國主義，使中國屹立於世界之上，於是勞神苦思，櫛風沐雨，始終不懈的要完成他的工作，這種優美的思想和完善的主張，也是吾們青年人應該效法努力的。吾們知道：中國國勢孱弱，海外華僑受人凌辱既久。各居留地之政府，均以待亡國奴之苛例待吾國僑民，苟仍無澈底之覺悟，不盡力扶植祖國，則世界五洲，將無華僑立足之地。孫先生在從事推倒滿清的時候，便奔走國外，促醒僑胞，故革命種子，滿佈着華僑的心中，傾囊倒篋，襄成偉業。年來吾僑界中之愛國志士日益加多，根基既固，枝葉方榮，行將開出革命之花，結成自由平等之果：這種仁慈的訓練和嘉厚的賜與，尤其是吾們暨南青年應該牢記不忘的。

徽社微音月刊——崇拜先生因下列九種情形——

我們以國民資格所要盡心誠意來追悼孫先生的，便是：（一）因為他是一個打倒專制時代的滿清政府，手創中華民國的元勳；（二）因為他是中國歷史上第一個代表民衆利益而奮鬥的偉大領袖；（三）因為他曾歷盡了艱險困苦，曾經過大挫折大失敗，而不改其本志的四十年如一日爲中華民國獨立而努力而奮鬥的革命首領；（四）因為他是始終爲被壓

迫民衆的利益而奔走，沒有存貯私產的平民；（五）因爲他是外察潮流，內考國情，啓明三民主義，五權憲法之樸實學者；（六）因爲他有三種美德，不要錢不殺人和不怕死，爲今日一般當權者所缺乏的；（七）因爲他臨終的時不及私語，最後的呼聲還是「和平，奮鬥，救中國」之愛國者；（八）因爲他是亞洲一個首倡革命的始祖；而且使全世界震驚的一個革命家；（九）因爲他是始終一致的爲打倒國際帝國主義和國內軍閥階級而革命的一個導師。

上海東方雜誌——以革命爲手段建設爲目的——

世人因中山先生致力於革命垂四十年，故稱爲革命首領。實則革命不過爲先生所採用之一種手段；至於先生終身所努力者，其目的全在建設。先生於二十餘年前在日本東京組織同盟會時。即提出三民主義以爲進行之方針。三民主義之目的，不在破壞，而在建設。據先生自云：「民族主義在促進中國國際地位之平等；民權主義在促進政治地位之平等；民生主義在促進經濟地位之平等。」此均建設之事業，革命惟其中所用之一種手段而已。

北京衝鋒旬報——著作等身精神一貫——

大家都知道孫先生是三民主義的創造者。先生曾經自己下過三民主義的定義，說：「三民主義。就是救國主義，」吾們知道這三民主義，是孫先生思想比較具體，比較實際的一部分，但在這三民主義之外，有沒有另外做他思想基礎的最高概念呢？要知道這一點，要看孫先生一切的著作，第一種是民權初步，這本書是講會議方法的，就是教我們國民應該有方法，有秩序，有組織，才能救國。第二種是孫文學說，孫先生是倡「知難行易」的人，先生反對古來「知之非艱，行之維艱」的話。他在自序的文中說：「大家若不知知難行易的道理，什麼改革的事都不能做。」他倡這種學說，就是要做改革中國的根本，他要使國民先有「心理的改造」和「心理的建設」不蹈古人的弊病；什麼事才不畏難的來做。第三種就是去年在廣東高師講的三民主義。初講民族主義，第一點知道孫先生是很有熱忱救中國的人，第二點，他救中國是要從復興中國文化下手，所以孫先生是中國文化的贊美者；又是中國文化的復興者。他的政治哲學，人倫思想，在讀民族主義講演時，也不可忽略。第三點就是孫先生說中國古代孔子的正心，誠意，修身，齊

家，治國，平天下的道理，古今來只把他當做道德方面看，不當做知識方面看，這是認錯了的。要從知識方面看，才能把這知識拿來應用，真正做到齊家，治國，平天下的地步。若只從道德方面看，那就只能做到個人的正心，誠意，修身就止了，這是孫先生思想最根本的一點。次講民權主義，讀民權主義可知孫先生在政治學上是一位創造者，他把權能的分別說得最明白，這一點已經佔了創造的地位。最後講民生主義。民生主義可惜沒講完，只講衣食而止，住行還未講。現在孫夫人手裏還有先生的稿子，是說生養死葬的道理，我們未睹民生主義的全豹，不僅是中國人的缺恨，實是世界全人類的缺恨，民生主義與西方科學社會主義者的唯物史觀同一精神，其內容就是說的衣，食，住，行，生養，死葬的道理。再有一本書就是孫先生在桂林講演的軍人精神教育。內講的是智，仁，勇，決心四點。第四種就是建國大綱和建國方略。建國大綱乃孫先生手自抄寫，看了這兩種書才曉得國家應如何建設，如何組織。要看了以上的書，才明白孫先生是有如何的思想，是如何熱心的救國，是用什麼方法救國。（戴季陶同志在中國大學講

演）

上海國聞周報——富有平民政治精神——猛進中有穩健覺悟——

(一)中山思想最稱豐富，民國以前之民族革命宣傳，與民國成立後所標榜之三民主義及五權憲法，咸爲世人所稱道；而後者尤富有平民政治之精神。去年北上之前，在滬招待新聞界，發表改訂關稅，廢除不平等條約之主張，亦極得國人之讚許。世人論之者，輒惜中山先生理想太高，每爲事實上所不能行，故理想恆多於事實。其實中山之所謂理想，恆能在國民希望心理之中，其所以不能實現，並不在中山自身之不能力行，而在環境與時會之關係。中山平常對於國際問題及政治問題之見解，大抵皆超越常人，與歐西各政治家，不相上下。惜時會未熟，致卽有主張，亦多無由實行。中山自身所抱主義至堅且久。惟左右缺和衷共濟之精神，故以陳炯明黃大偉之關係，而至中途分是確已。噫嘻！走筆至此，吾心哀，吾心喜矣。哀者何？舉世混濁，先生獨清之不易挽回也；喜者何！猶幸先生獨清足以砥柱中流也。(二)爲不怕死，先生固早已九死一生之人也！遠如晚清之亡命南洋，英倫之被誘捕；近如陳炯明之轟擊廣州，均無在不可以死先生。而先生卒不死者，民衆尙未有如今日較普遍的覺悟，獨立平等自由博愛之神不允先生撒手

而遺人類前途於魍魎魑魅之慘暗世界也。先生飽經思難，宜若可以休矣！而先生不然。惶惶然似有所失，日惟以國家前途民衆福利爲想。先生真愛國男兒也。伍秩庸公嘗自謂能活二百歲，卒以廣州之變，爲國捐軀，不永遐齡。先生之體力魄力毅力設安閒度日，不勞心焦思，不佞敢斷言縱不得二百一百之高齡，亦決不至於「出師未捷身先死」也。而今也已矣！是死先生者，非先生，民衆也，黑暗之魔也。

北平現代評論——生前未完成事業無損於人物——

中山先生之從事革命事業垂三四十年。他的人格的優越，應該是全國一致所公認的。就他的政治事業而言，他的成功的程度，也許各人見解不能一致。但是我們知道凡站在時代前頭的人，多半是不能及身親見其事業完全成功的；而凡能及身親見其事業成功的人；他們的事業却也不一定很偉大。中山先生就是站在時代前頭的人，他生前未能完成的事業，本無損於他的人物。

河南青年——青年的明聲——

中山先生的體軀死了，現在所望的是一般繼續中山先生的青年，奮鬥！革命！中山

先生是青年的明燈；中山主義是民衆的救星，我們要在中山先生死後，本依先生的建國方略建國大綱；替中國作工，替弱小民族奮鬥。以期達到先生志願，這是中國青年第一責任「革命尚未成功，同志仍須努力。」這兩句話，我們永遠不要忘記呵！我們要更進一步的犧牲！所以最後對於青年警告是：我們負有重大責任，我們的導師死了，我們應當自己努力盡我們的責任。

北平猛進——力爭國民人格及自由——

孫中山先生已於三月十二日上午九時十五分逝世。中華民國國民失去了唯一的領袖，世界上失去了一個革新的健將，這實在是我們所最悲痛的一件事。孫先生的功業，概括的說起來，就是：在前清時代，對滿政府爲漢族力爭人格及自由。在民國時代對惡政府爲國民力爭人格及自由，他一直到死，每天所抱定的，全是奮鬥的主義同犧牲的精神，所以我們四萬萬人對於他的死應該同聲一哭！

北平語絲——知難行易警告民衆——

我對於孫中山先生底思想，久已想研究了。要研究他底思想，除了打聽他底事實以

外，當然是要找他底著作和言論。可是中山先生底著作，嘿！真不容易找到了！什麼緣故呢？原來中山先生不但是什麼清政府也者底敵人，他又是號稱民國政府也者底敵人。民國紀元以前，他固然被僞清皇帝認爲「孫汝」；而民國成立以後，他又被僞洪憲皇帝們認爲孫文小史和國賊孫文中底「孫文」，所以他底著作，一直就列在新的『禁書總目』中的。我走到青雲閣，東安市場等處底書攤上去望望，孫文學說建國方略這兩部書是大家知道的，還是極不容易見到。在這樣的狀況裏想研究中山先生底思想，幾乎同研究春秋以前底歷史要感到同樣的困難了。……顧頡剛先生說得好：『若我們肯對中山先生作真實的追悼，應當把他的主張努力的實行，把他的歷史盡心的搜集，把他的人格充分的表現。』我再來贅說幾句：崇拜中山先生或想進國民黨的人，要是不高興把中山先生底學說思想精細研究，知道他底真諦，這樣的人只能說是『盲從』或『隨聲附和』，他就不配做中山先生底信徒！不聽中山先生『知難行易』這句警告嗎？他是最希望大家注重『知』的呵。

上海新江蘇——以革命始以護法終——

孫先生鞠躬盡瘁，爲國捐軀，臨危猶神智清明，殷殷以祖國爲懷，諄諄告誡同志，貫徹主義，繼續奮鬥，努力報國，先生真愛國者矣。不問毀譽，不論失敗，視四十載奔走宣勞如一日，備嘗艱險，不屈不撓，身可死而志不可奪，甯失敗而主義不變，以革命始而以護法終，先生誠千古一人矣。

廣東社會評論——無私財無私怨無私恨——

先生一生無私財，無私怨，無私恨，致力於革命四十餘年，以求民族之解放，而建獨立自由的國家。民衆的熱淚，如果是表示悲哀，那末，民衆對先生的哀悼是無窮的；如果，是表示懦弱，那末，民衆快快用袖把臉掩起來，照先生所抱的三民主義，建國方略，努力於先生未盡的工作！

北平民國日報——復興中國以仁義爲中心之文化——

中山先生以三民主義爲基礎，創造中華民國。其事實及理論，爲全世界民衆所共知。而其道德的基礎，則在復興中國以「仁義」爲中心之文化。先生最後在日本神戶之兩大講演：一則崇高，一則悲痛，而其精神則皆在表現中國之民族的道德；而冀全世界之

人類，皆知仁義爲人類至高尙之德性，一切創造，皆賴此爲泉源。先生現身羣衆之前，吐露其抱負，以此兩大講演爲最後。吾人苟舉先生全部之著作講演及四十年之行事，而以最忠實之思考研究之，則知復興中國以仁義爲中心之道德的文化，實爲先生思想行爲之基點。以此兩大講演及四十年之功業，蓋爲先生遺示世界人類最高之道德的教訓，而亦爲先生之全人格的表現也。

上海申報——不能盡如人意乃社會之孽非先生之罪——

中國數十年來爲主義而奮鬥者，中山先生一人而已。中國政界中之人格，不屈不變，始終如一者，中山先生一人而已。中山先生真愛國者也。於愛國之外。無其他雜念，可謂純潔之愛國者。中山先生真實行者也。不顧成敗，不問毀譽，可謂勇往之實行者。以中國今日之情形言，人才少，奸佞多，有所措施，每反初願，不能盡如人意。此乃社會之孽，而非中山之罪也。故以有名於世者言：中山先生誠中國一人而已。惜乎天不永年，僅及中壽，不能得見先生最後奮鬥之大願。嗚呼！

上海民國日報——三民主義之實行家——

軍閥政治。依然存在不算，且由大軍閥中斷，破裂成許多小軍閥，漸向割據的趨勢；沒有了孫先生，誰還能向大小軍閥奪回民權來，實現和平統一？帝國主義者用各種方法，長驅直入，要吞滅中國的產業，奴隸中國的人民，軍閥是他的爪牙，官僚更願仰他的鼻息，獨有孫先生毅然倡民權主義，來和帝國主義者奮鬥。中國民族的生機，只此一线；帝國主義所忌憚，只此一人。沒有了孫先生，誰還能作中國民族和國家的保障？環顧國內，一切實業，大多數操於外人，若不趕快收回，滅亡中國，不待槍砲。但民間無力力量與訓練，所以每一企圖，總遭失敗即不失敗，一方雖減少國際經濟的壓迫，一方又將發現勞資不均的危機。孫先生看明白這一點，決定提倡民生主義，一方以國家的能力對外競爭，一方對勞資的不均預先防止，沒有了孫先生，誰還能使中國脫離國際經濟侵略的魔難，社會經濟鬥爭的劫數？孫先生為國民手創的種種未了，國民忽失了這一個始終為國民奮鬥的偉人，如何不憂慮惋惜，痛哭失聲！

上海商報——銘仁義觀念與奮鬥精神於一爐——合超適意量與簡毅氣

質爲一體——

孫中山之全人格如何，倉卒間未易以一二語論定。時人之評中山者，大抵僅得其一體。戴季陶君謂余隨先生二十年，「偉大」二字之外，不復更得其他適當之贊語。吾人細玩其詞，亦嘆爲至當不易。蓋中山實能鎔中國傳流之仁義觀念與西方之奮鬥精神爲一爐；合海國超邁之意量，與中原簡毅之氣質爲一體。不知有身，不知有家，不知有敵，有友，不知有危害，不知艱難，恕於待人而嚴於自律，敏於觀事而忍以圖功。寢饋食息，必於救國；造次顛沛，不忌奮鬥。人或以理想太遠短中山，苟一察中山之所誅伐，宜不能否認其爲建設歷程之階級。人或以理想太深短中山，苟一讀先生之建國方略，則最求適合國情而不驚高遠者又莫如中山。人或以主觀太深議中山，苟回溯中山昔日之要求直系均等裁兵與最近之所以應付臨時政府，則知最能爲國家而妥協者，又莫如中山。中國人方相競於現實權利之攫取，而中山身後，任何惡意之誣蔑者，不能指證其生活必要費以外，有存儲何處之羨餘財產，中國人承國勢積弱之後，其腦筋因周圍之抑壓而趨於重滯，惟中山能照澈外交環境，爲國家定未來十年百年之大計。中國人承近代文敵，好

爲玄虛無薄之談，惟中山能於理想遠邁之中，有發展國家之實質計畫。中國需要純公爲私之犧牲者，中山如何肯死？中國需要永遠向前之指導者中山如何可死？中國政治若有一日上軌，尤需要切實之政治家，中山如何可死？中國之經濟社會，變動非常，尤需要周知今古，能爲典突徙薪之計畫，而防止階級惡戰於未來者，則中山又如何可死？更進而言之，東洋民族與自種本位國家間之搏戰，漸達短兵相接之候，而國際上政治經濟兩大高潮之衝擊，亦各扶其奔騰之勢以俱來，誰能瑩颺世變，解決二十世紀之大問題乎？此又全球哲士，所當悼惜於中山之仙去者也。

上海新聞報——志在建設——

孫中山北行至津，風疾復發，輾轉入燕就醫，刀圭頻施，終難挽救，遂於昨晨十二月十二日十九時在平逝世。中山創造民國，志在建設，願以時局關係，民國成立已十餘年，終未能上建設之軌道，遂未能展其抱負。此次入燕，適當政變之後，百事翻新，中山主張以國民會議解決一切根本問題。方冀其沈疴漸起，指導國事，俾觀郅治之隆；孰意病魔纏繞，竟至不起，此可爲嘆悼者也。

上海神州日報——成功不居護國護法——

滿清之倒，雖原因多種，而首先提倡共和，驅逐異族，於沈沈五千年來專制君主制下，以此喚醒民衆者，孫中山先生也；民國肇建，功成不居，以總統一席奉諸項城，潔身而退，不爭權利，孫中山先生也；護國護法，兩次與師，袁氏於以死，曹吳於以倒，雖有桀傲不馴之軍閥，至今無人敢昌言廢國體廢法律者，孫中山先生也；辛丑以來，國家常屈伏於外人勢力之下，畏之敬之，絕少明目張膽，以與之抗爭者，而首言廢除不平等條約，內以勸其國人，外以警彼外族，不屈不撓，毅然進行者，孫中山先生也。

上海時報——積極的負國民之責任——

中山先生亦一尋常國民耳。彼能以國民資格，艱苦卓絕，百折不回，積極的負國民之責任而已。於是乃造成孫中山生前之功業，與死後之令名，吾人於哀悼之餘，應以孫中山爲楷模，各國的以國民資格，積極的負國民責任，則中華民國之前途，庶有改善之希望，亦後死之國民對中山先生應有之感動也。

廣州民國日報——謀解放中華民族救濟其疾苦——

首創三民主義，創立中國國民黨，提攜全國人民實行國民革命，反抗國外帝國主義之侵略，與國內軍閥之壓迫，謀解放中華民族，救濟人民疾苦的中山先生，竟因勞苦過度，一病不起了。他四十年如一日的致力國民革命，一生的事業，全幅的精神，都用在「犧牲」「奮鬥」四個字上面，所以死後蕭條，一無所有，所遺留下給我們的，祇是他所提倡的主義，與為民族獨立，為人民利益而奮鬥犧牲的革命精神，已深印在吾們的腦海中。吾們不要因中山先生之死而灰心，我們因失了一個導師，更加要努力。親愛的姊妹們！我們試想，我們現在世界的惡劣社會中，如何被人專制，被人欺凌，如何受惡家庭的束縛，舊禮教的壓迫；一般貧苦的姊妹們，在工廠中又如何受東家與少東的苛待與污蔑；吾們在學校中，又如何被人特別看待更；回想指導吾們的中山先生，他的革命精神尚留給我們紀念着，他的革命主義尚指導吾們向光明之路前進。（廣東婦女解放協會）

上海東南晚報——精神永永不死——

中山先生德行之高尙，志氣之堅卓，操守之康潔，事功之偉大，環顧中國，實鮮其

儔。昊天不弔，喪此哲人，其爲悲悼，復何待言！然而猶有進者，則以中山先生之德有，之志氣，之操守，之事功，我人不當徒追悼之，必思有以紀念之；不當徒紀念之；必思有以力行之。夫如是即中山先生之精神，永久不死，而中山先生之紀念，亦永永常存矣。

北平大陸晚報——主張足與天地同壽——

死者先生之軀殼，若先生之精神，先生之主張，則足與天地同壽，互萬古歷百世而不死者也，繼其生平之志，竟其未盡之後功，死者之責也。

浙江浙民日報——終身盡瘁於革命——

中山先生是首造民國的元勳，是革命的領袖，是終身爲革命盡瘁的一人。今不幸去世，中外莫不同聲一哭，笑態迎人的西子湖，在這春日融融的春光裏，近日亦現出愁容來。唉；莫不是悼孫吧！素稱快樂場所的新市場，昨今兩日，滿目都變雪白，香市期內之武林城，却變爲大哀悼，人同此心，多麼淒涼呵！以文化先進稱的浙省，據今日的民衆心理測驗起來，還是不差。中山先生已矣，尙望人人奮起爲中山先生。

(四) 國人評論

黨員

邵力子——砥學礪行與普通人不同——

昔孔子之死，門弟子悼之。列言語科之子貢亦無能稱揚其功德，惟曰泰山其頽梁木其壞耳。我於中山先生亦有此感。先生盡力革命之事實及學術志願，諸君可自於其所著書籍暨遺囑中求之。先生諱文字逸仙，全世界人無不知中國有孫逸仙博士者。「中山」二字，乃孫公亡命日本時懸於其門之別號。原籍廣東省香山，生於一八六六年，家貧，十歲時在家誦讀，後至檀香山讀書，旋回國，入廣州廣濟醫學校，又轉入香港皇仁書院。在求學時代，目睹粵省政治社會之腐敗，及英人治香港之得法，愈覺相形見絀，遂決心傳布革命主義。吾人試思數十年來在香港及與香港類似之地方讀書者何限，然惟孫公有此銳利之眼光與熱烈之心腸，諸公在上海學校讀書，何異中山當年，然則紀念效法中山者首當在此矣。先生死於今年乙丑，四十年前乙酉，有中法之戰，適為先生最初決心從事革命之年。時國民祇知仿製鎗砲兵船以禦外侮，先生乃知民族精神為重要，故創立

會以圖革命。又十年爲乙未，適爲甲午戰後，有識者均知中國積弱不在兵力而在政治，於是主張改革者漸多，先生以是年謀襲廣州失敗，其後乃往來歐美；聯絡志士及華僑。傳其間會一度冒險回國說李鴻章以革命，李以老辭，而慰勉先生勉力。再十年至乙巳，先生至東京，成立同盟會，提出三民主義。蓋乙未以後，經庚子辛丑之變，國人益知非革命無以禦外侮，故從先生者益衆。先生凡十舉事而十敗，至辛亥三月黃花岡之役，同志死者尤衆，然至八月武昌起義，遽推翻清廷。革命之成。常出人意料，惟恃主其事者魄力宏偉耳。然民國規模至今猶存者，惟先生就任臨時大總統第一日所佈之剪髮改歷兩令，殊足痛心。乙卯年先生又出亡國外，憤袁世凱借外債以亂國，乃組中華革命黨，蓋先生每受一次外患之激刺，其欲有強固之組織以號召羣衆革命之心乃益堅。一年以前仍有改組中國國民黨之事。先生讀書最勤，在極危險極煩勞中常手不釋卷，足以風示不好學之國人。人謂先生不審國情，諸君若細讀其書，當知最能洞悉中國今日需要何物者無過於先生，人嘗以先生主張建造二十萬里鐵路，用不兌換紙幣政策，爲空談而不能實行，不知此二議均切合事實，且深含學理，決非空言。但我亦承認先生有與一般中國人不

同處。孔子曰，「君子有三戒，少之時戒之在色，壯之時戒之在鬥，老之時戒之在得」今之老人無不患得者，先生以六十高年，不置產，（言其小者，從未聞先生做過一次壽，）不苟且妥協以求權位，實與一般中國人不同，而先生之可敬處亦即在此。諸君能學先生自至少老始終爲中國之自由平等努力，則今日之紀念爲不虛矣。（此氏在上海約翰大學追悼會演詞）

葉楚傖——革命都在民衆裏做工夫——

我們已失悼導師了！追悼嗎？唉！還講什麼？記得去年孫先生北上經過上海的時
候，對我們說：「我老了！烈甯也死了！不知道命在今年，還是明年呢？但俄國已經成了有組織的黨，失一領袖，却無妨礙，至於我們如何呢？所以從今日起要抱這重大責任交給你們去做了。」當時，我聽這番話，覺得是很不祥的：那知道未到一年，就真如此了！現在，我的腦袋裏，只記得「我老了，你們去做罷！」的遺言了！孫先生的歷史，黨員和非黨員，都很知道。但先生革命的出發點，究在那裏？當讀遺囑內「必預喚起民衆，及聯合世界上以平等待我之民族，共同奮鬥。」這些話，當中法之役的時候，先生

就覺得社會上非革命不可。彼時，尋不着一個同志，先生就覺得，革命的種子，是向下去求的，常在一般人看不起的地方裏。因為讀書人及上等人，他們的思想，總是受了滿清的束縛；他們的心志，總是受了帝制的磨練，所以便注意到一般的民衆。此是先生革命第一步的出發點。此中革命雖多，効力却少，於是先生遂想到第二步，要尋有知識的青年，共同合作。所以一般青年，同先生談話，每接見時，或分晰其主義之內容；或詳示其革命之經歷，常忘飢渴殷懃，毫無厭倦，必使青年瞭解始罷。所以革命的唯一希望，就在於青年，有革命之決心。先革一人自己之命；再革一家一國之命。於是先後組織「興中會」（光緒十八年，）和「同盟會」（光緒三二年，）先生的革命，每逢到外人來欺辱中國一回，就發動一回，所以先生革命的原因，就是因外侮壓迫，想來抵抗，謀民衆的獨立，從頭至尾，先生都是在民衆裏面做工夫。

胡漢民——先生爲世界和平救主——

先生爲民國國父，蓋中國數千年均專制政體，先生首創民國。共和中經幾次破壞，均由先生竭力挽回。此次以六十餘歲殘年毅然赴京，亦係爲謀國民會議及廢除不平等條

約，使民國基礎永固。先生一生無他嗜好，惟有終身力行革命，爲革命而奮鬥，歷次革命失敗，屢仆屢起，前年陳逆倡亂，先生在兵艦數十天，與逆軍奮鬥。此次臨終遺囑，亦惓惓以革命爲念，謂革命尙未成功，同志仍須努力。可見其革命精神，足爲吾輩模範。先生爲革命之導師，蓋先生之主義，爲至正至大，縱古今中外偉人，當不及先生之純正。先生爲世界和平救主，因先生不僅爲中國謀幸福，實欲打倒世界之帝國主義，扶持被壓迫之弱小民族。先生之志願成功，不特中國爲之增長幸福，卽世界和平亦爲之實現。

汪精衛——「和平」「奮鬥」「救中國」——

孫先生於三月十一日下午，還能和侍疾的人談話，入夜以後，體氣越弱了，聲息越微了。一間靜悄悄的病室裏，一個垂死的病人，睡在牀上，面色漸漸的淡了，眼光漸漸的溷了，一種微微弱弱的聲息，斷斷續續的從唇吻間勉強的發出來，不知是呻吟，還是呼叫。「和平」「奮鬥」「救中國」，一聲復一聲的，約莫至少也有四十餘聲，漸漸的連聲息也不發出來了，所能看見的，只唇吻間的微動了。噫！充滿了這病室的空氣，還是極悲涼呵！還是極熱烈呵！「和平」「奮鬥」「救中國」，孫先生說時是不連屬的。這三句話各自的

意味，和連屬起來的意味，應該讓各人自己去尋繹，沒有一個人敢說他自己的解釋是適合於孫先生的原意的。如今我只能將我自己所尋繹的說出來，與大家相印證。「救中國」是孫先生一生的事業。他對於救中國不但有志願，而且有方法與條理。所謂方法與條理，便是他遺囑上所列舉的建國方略，建國大綱，三民主義，及第一次全國代表大會宣言，和最近主張開國民會議及廢除不平等條約。中國得救與否，全視以上主張能貫徹與否以爲斷。他用盡四十年的心力，以上主張遠未達到。至於垂死之日，連開國民會議及廢除不平等條約兩件事，明明是可以做到的，却還被人阻礙着，不能做到，真是他一件傷心的事情。他口口聲聲的說「救中國，」「救中國，」他不止含着無窮的希望，他還含着無窮的痛苦。「和平」與「奮鬥」兩句話，表面看來是矛盾的，細按下去，却正是一貫的。孫先生所希望的是什麼呢？是和平。孫先生的畢生奮鬥，爲什麼呢？是爲和平而奮鬥。孫先生平日爲人揮毫，常常用「博愛」兩字，或常常用「天下爲公」四字，這便是和平的真諦。孫先生心目中的和平，是如此的。蘄求和平的心事愈切，則對於人世間不平的現象，愈不能放過去。因此便打破一切不平等的現象，使歸於平；因此便有

四十年不斷的奮鬥。三民主義賅括一句話，不過使不平者歸於平而已。和平是仁者的心事，奮鬥是勇者的心事；惟其大仁，所以大勇。孔子說：「仁者必有勇；」老子說：「慈故能勇；」都是這個道理。爲和平而奮鬥，以奮鬥求和平。平和是中國唯一的希望，奮鬥是救中國唯一的方法。去年十二月四日以來，孫先生病了，病何足以困孫先生呢？三月十二日，孫先生死了，死何足以困孫先生呢？「和平」「奮鬥」「救中國」，「從垂死的病人，極微弱的聲息中，傳入四萬萬人的耳鼓，顫動四萬萬人的心弦，一齊起來，往「和平」「奮鬥」「救中國」做去。

戴季陶——慈悲心深——

孫公之最可崇拜者，可以「慈悲心深」一語括之。孔子有言：「不嗜殺人者能一之，」此蓋謂欲圖世界或國家之統一者，非不可殺一人，殺人當以「不嗜」爲條件耳。有時竟不得不殺，有時竟非殺不可，有時竟不能不殺，特好殺人者，嗜殺人者，必無成就也。好殺者不能統一天下，此孔子之旨，余深表贊成。爲國家，爲世界，欲求一政治家，當以慈悲心深者爲堪崇拜。無能力，無智識，無實力者，自不能謀統一。然最要條件

，莫如慈悲心深。觀夫近數十年之中國人物，若孫先生之慈悲心深的政治家，未之有也，孫先生始終以平民態度爲態度，是盡人皆知。然彼持自由之思想，其所以能如是而異于當代人物者，亦慈悲心深有以致之也，余之獲隨先生，已十餘年，未嘗聞計及個人之語，足以見其公而忘私也。對於孫先生之批評，自不能一致，而孫先生實一慈悲心深者，可斷言也。先生革命數十年，無養育之私財，無自圖便利之私意，無私怨，無私仇，無私人，政治家能如先生者，非特中國古今，卽西洋諸國，恐無其匹。吾輩果就學於先生，其智識學問，各就專門，或有到達之一日，惜無匯通之能；至其尤難學或竟不可得學而成者，卽先生之『慈悲心深』也。

唐紹儀——中國民主主義之成功人——

中山先生從事於民主政府之運動。革命勢力之所以臻於強健，與輿論之所以集中於民主運動，要以中山先生之力爲多。中山先生所領袖之國民黨，仍將存留。該黨爲中國唯一之政黨。其黨員頗多能爲國家而犧牲一己之人物；民主主義思想如長留在中國，國民黨亦必永久存在。中山先生之死，及於政治上之影響，吾人將悼其失此一人。吾人尤

應注意一事，即中山先生實爲中國民主主義之成功人，其他各種之對人問題，及意見之爭論，均不必記憶。其學生存留最大之事實，爲反對專制之奮鬥，反對腐敗之奮鬥，及爲政府正義之奮鬥。

吳稚暉——以學生首領而爲革命首領——

今日中國爲秀才與學生打仗之時。秀才首領爲康有爲，康當甲午以後，伏闕上書，漸次而有強學會，而有「戊戌政變」，而有保皇會，其部下最得力者爲梁啓超輩，今日之所謂整理國學，由學生而紳士，而官宦者，皆屬秀才之流。中山先生爲四十年前之學生，其主義學說，均由學問而來：故與學生最爲默契，是以學生首領而爲革命首領也。其部下最得力者爲胡漢民汪精衛等數人。余從前亦一秀才，後游學日本歐西，與先生接近，漸入於學生一途。今躋躋一堂，不必悲哀，從此向上進行，於孫先生之主義，必可以發揮而光大之。

許崇智——中山主義非無實現之可能——

本黨 總理孫大元帥之三民主義，生前未曾實現，至爲痛心！非主義無實現之可能

，乃各黨員不認真奮圖之咎。黨員中道德薄弱，往往伺同黨得勢時，即來趨附，藉圖富貴，若一旦失敗，便相率脫黨，變節投降，如民二時代，此種怪狀，公然暴露極而至於背叛黨綱，仇視黨魁者，如陳炯明之類，尤爲痛恨。其中真正黨員，實居少數。如吾友汪君精衛所說，本黨黨魁立在樓梯最高級，黨員僅在樓梯下三四級。中間階級相隔懸遠，不能努力向上，以致主義未能實現於生前，是皆黨員之罪也。現在本黨同志應如何繼志述事，恪遵遺囑，努力奮圖，以求達三民主義五權憲法實現之目的，方可慰大元帥在天之靈。

廖仲愷——青年時即有革命思想——

孫先生青年時即有革命思想及民族思想，未實行革命之先，則有想達到中國國民幸福，強中國之思想。因其當時爲滿清政府剝削，先生已見得實顯明，故在中日戰爭後，即上李鴻章萬言書，主張製兵艦，起製造廠，然後可以振中國。此先生之懷抱，苟可以容納，或不致流血革命？但此書不見用於李某。中日戰後，先生見得比較不及我國土地十分一大之日本，竟爲所敗，是證明滿清政府之無能，不能抵抗各國之侵略，故決心革

命。但當時吾國處于二百年專制壓迫之下而欲革命，實在極難，故乙未年在廣東舉行第一次革命，就遭失敗，而先生遂往各國，研究革命學問及方法，其同志亦日廣，再接再厲：克底於成。

盧思諦——先生手劍之國民黨並未赤化——

國民黨三民主義五權憲法，中山殊希望其實現。一年來本黨政敵，每利用本黨之親俄政策，評為拋棄三民主義，而採取共產主義；且謂有共產黨人加入國民黨，亦足以證明國民黨之改換主義。此種謠言，余可為簡要之聲明：親俄係本黨外交政策，若以親俄而即目為採取共產主義，則與俄國訂立國際條約，而承認其地位之國家，均可稱之為共產化，豈不笑話？況共產主義之絕對不適用於我國，中山先生已於俄國越飛來華時，已鄭重表示之。至表同情於共產主義之青年之所以加入國民黨，乃係烈甯在世時之主張。蓋烈甯向中國共產黨表示，亦謂中國現狀不適用共產主義，故指導他們使投入中國國民黨，而奉行國民黨之主義，在國民黨主義亦視為必要之舉；故少數共產派今雖相繼加入本黨後，即須服從本黨主義。而本黨則決無舍己以從人之事。故因彼等少數人之投

入本黨，而誤認本黨爲可以一旦犧牲數十年苦心經營之三民五權主義，稍具常識者，當不信之。

于右任——爲天地立心爲生民立命——

總理四十年胼手胝足之功，直是爲天地立心，爲生民立命，歷史中揖讓征誅，舉成塵土。流九萬里志士勞民之淚，應知其生也有自，其來也有因，瞑目後精神肝胆，猶照人寰。

吳鐵城——中國歷史之光——

吾們在悲哀中，想起吾中國民族有一個孫先生，有一個平民領袖爲四萬萬平民謀利益奮鬥的孫先生，在四萬萬人民，奮鬥前線上衝鋒的孫先生，中國歷史是非常光榮的。惟世界上有小部份人，聞中山先生逝世是很喜歡的；此小部份人，是世界上最以帝國主義侵略中國，以經濟壓迫中國之外國人；剝奪中國人利益，據我疆土的外國人，又中國野蠻勢力中，聞孫先生死了，也均歡喜的。因孫先生代表四萬萬人民與他們奮鬥，先生常率領吾們在前線上衝鋒。但孫先生雖死，其精神主義永不死，常在吾們腦海中。吾們由

先生逝世之日起，努力爲全國人民謀利益奮鬥，使大革命成功！

李石曾——三特點——堅強進步容納——

中山先生之特點有三：一曰堅強，此國人所共知者，無待贅述；二曰進步，如同盟會初起時，僅爲種族革命，漸進而有民權民生各主義，漸進而有五權憲法是也；三曰容納，先生之主義事業，并非一己之主張，舉凡海外最新學說，及國內社會情形，無不兼收并集，鎔化一爐而結晶之。

李烈鈞——真正羣衆哀悼雖死猶生——

我國不幸，元首上賓，舉國悲哀，山頽安仰。今世之開會追悼者甚多，惟真正之羣衆哀悼，與人類有密切關係者，只此次之中山追悼會而已。中山先生有遺像可見，有遺書可讀，羣衆之精神，無日不可與先生接近，所謂雖死猶生也。

楊杏佛——能破壞能建設未嘗以成功者自居——

自孫先生之喪，國內外陡生兩種聲浪；一爲全國人民竭誠哀悼之聲，一爲先生彌留

時遺囑之言：此種聲浪，都足以喚起國民之興奮。有人謂先生爲破壞者：此言誠然：儲大之大清帝國，已爲先生所破壞，然破壞之後，已建一革新之民國。有人稱先生爲失敗者，此言亦然：則先生以四十年奮鬥之力，未嘗以成功者自居，故時時刻刻向前進取，無有止境。有人謂先生有目的而無手段，殊不知先生前進的精神，卽其手段：終使大清帝國，袁世凱均被打倒，較之一般僅有手段而無目的者，究竟何如？三民主義爲建國之良策，猶之高山，挺拔聳峭，先生以四十年之力，挽吾民趨向峯顛，未嘗一日撒手，果也已挾四萬萬同胞躋於民族主義之域。惟是仇疾者流，力挽吾人使下，而先生亦一旦撒手而去，故同志此後任務，惟有極力向上爬而已。

孫伯蘭——大公至正爲國民及政黨之好模範——

中山先生逝世，非獨吾民黨之痛，全國人士皆應痛哭者也。先生奮鬥數十年，皆爲國爲民，其爲吾國政治界先覺，固盡人能知。若其持身待人，至誠無私，反對黨固不知之；卽民黨中亦有不能盡知者，實爲國民及政黨之好模範，吾人一刻不能忘者也。年來道德墮落，國人皆以權詐相矜，營私罔利，毒國殃民，對於異黨及同黨，均無能推誠相

與者，而先生皆異乎是。大哉先生之言曰：「凡贊成吾救國救民主義者，皆爲吾友。」此是何等氣象，何等規模！朱子論三國人物，謂諸葛亮是「公正無私」千古聖賢豪傑，終不出這四個字。而先生有言：吾輩救國，終賴羣策羣力，非有全國人民之團結不爲功；凡維持同黨，感化異黨，均非至誠無私不能作到。故吾人與其頌揚先生之掀天揭地之事，毋甯崇拜先生大公至正之精神，以挽救每况愈下之人心，續成先生未竟之志願；則先生雖死猶不死也。先生持身待人既如此，而所以示範於吾民者，曰法而已矣，手創共和之精神，已全寄於民，民之保障則在法。此次北上，抱始終一貫之志願，而事與願違，憂煎甚，肝病日劇，遂不得不死，而以身殉法與民矣。先生身分如此純潔，國人崇德報功，宜以最純潔而高尚者報之，方不負先生之心。今國會不能行使職權，而執政府又屬臨時性質，國葬典禮無合法機關爲之舉行，祇好暫行民葬，留待將來追加國葬，方合先生之身分。飾終事大，決不可苟且牽就，誣及先生一生也。

何香凝——實行先生之志乃真追悼——

孫先生爲民衆奮鬥而生，爲民衆奮鬥而死。中國之民衆，多不肯宣勞國事，遂使先

生獨勞。去年由上海至日本，帶病演說，疾由此增劇；臨死時猶不忘民衆，主張廢除一切不平等條約，垂危時口喃喃仍言奮鬥和平救中國等語，其精神何嘗死！余在先生病榻之旁，三月未離一步，衣不解帶，食不知味，以先生之精神爲精神。使吾人永念不忘者，則爲孫夫人，夫人之精神與勞苦，爲吾輩所崇敬愛。先生日語夫人，盼同志繼續努力革命；今先生死矣！夫人尙在。吾輩當念先生之言，隨夫人之後，共同奮鬥，先生已死，吾輩之責任愈重。先生已爲我輩播三民主義及廢除不平等條約之種子，吾輩當日日汲水灌溉，使之滋生長大。不然，且爲人踐踏，終至枯槁而死。先生在民族主義中，言中國在爪哇，某富商，至一處，因忘帶手票不得出，幸賴一日本妓女引之，始免受辱。是中國富商且不如一日本妓女，不平等莫甚於此。四萬萬人乃不知一洗此恥，何以對先生。故追悼先生，惟能實行先生之志，乃真追悼，乃真不忘先生也。（按何女士卽廖仲愷夫人，此在上海各公園追悼大會之演說詞。）

馮玉祥——比迹湯武追蹤盧列——

中山先生手造共和，身許邦國，承天革命，比迹湯武，覺世牖民，追蹤盧列，哲人

雖萎，名譽猶存。當此國亂未平，百端待理，凡屬後死，自當奉茲圭臬，勉步前塵，本堅忍不拔之精神，爲世界大同之奮鬥，以副縣愷之苦心，而慰英靈於天上。

蔡子民——識見卓越，魄力強毅，度量豁達——

孫先生有卓越的識見，強毅的魄力，豁達的度量，我們所信仰，所敬愛的，不是孫先生的體魄，而是孫先生的精神。先生提倡二民主義，便可證明他於識見魄力度量三方面，面面俱到，現在孫先生去世了，他的體魄，我們就是無法保存，也無時候活動了。然而他的精神還是活現在我們的精神上。我們大家若是都能奉着他卓越的政見，能師法他的毅力爲不斷的奮鬥；師法他的度量，爲無涯的容納；將來終有一日把孫先生所提之三民主義完全實現。那就今日的追悼，也未嘗不可算是孫先生的復活紀念節了。

其他各界

王傑三女士——愛護海外僑胞之慈母——扶助勞工及婦女之恩人——

先生革命主義固爲救拯一般貧苦民衆者，先生對吾幾千年來被壓迫之婦女，主張於法律上，經濟上，教育上，社會上確認男女平權的原則。助長我女權之發展，先生非但

爲中華民國之父，愛護僑胞之慈母，扶助勞工及婦女之恩人，且爲全世界被壓迫民族之良友，吾人應效先生之犧牲奮鬥，實現其主義以救世。

穆志英女士——愛護工界出自天性——

孫公在日，素抱工業救國政策。前在廣東時，曾創全國裁兵之議，主張將被裁之兵，從事各種農工事業，國家富強，在此一舉。又前滬上紗廠工潮劇烈，先生病已垂危，身臥北京協和醫院，猶遣代表來滬調解，愛護工界，出自天性。望吾工界仰體先生德意，自今以後，各宜努力自愛！

胡適之——先生是一個真實行家——孫文學說是有正當作用的書——

孫文學說這部書是有正當作用的書，不可把他看作僅僅有政黨作用的書。中山先生是一個實行家。凡是真實行家都有遠見的計劃，分開進行的程序，然後一步一步的做去。沒有計劃的政客，混了一天算一天，嘴裏說『專尚實際，不務空談，』其實算不得實行家，只可說是胡混。中山先生一生所受的最大冤枉就是人都說他是『理想家，』不是實行家。其實沒有理想計畫的人決不能做真正實行家。我所以稱中山先生做實行家，正

因為他有胆子敢定一種理想的『建國方略』。但是大多數的政客都是胡混的，一聽見十年二十年的計劃，就蒙着耳朵逃走，說『我們是不尙空談的。』中山先生一生就吃了這個虧，不是吃他的理想的虧，是吃大家把他的理想認作空談的虧。他的『革命方略』，大半不會實行，全是爲了這個原故。本書第六章記民國初年民黨不信任他的計劃的事，很有研究的價值。後面附陳英士寄黃克強的長信，也很可供史家的參考。這部書的根本觀念，簡拒說來只有一句話：『知之則必能行之，知之則更易行之。』（頁五十）他這部書所舉許多『行易知難』的證據，有幾種是『不知而行之』的，如飲食用錢之類；有幾種是『行而後知』的，如古時沒有化學，先有瓷器豆腐等化學品；有幾種是『知之則更易行』的，如現代化學工程學電學之類。全書最注重的是『知之則更易行』一句話。作者的意思是說：現在是科學昌明的時代，從前不能得到的參考材料現在都可得到；從前無法計算的種種方面，現在都可通盤籌算；從前決不能征服的困難，現在都有征服的法子。在這個時候，若能用科學的知識定下一種切實的遠大計畫，決沒有不能實行的道理。從前不知尙且能行，現在有了正確的知識，行起來更容易了。這種學說是不限於一

爲一系列的。無論那一種正常的團體，都該有根據於正確知識的遠大計畫，都應該希望大家承認那種計畫是『能行』的，都應該用合法的手續去消除大家對於那種計畫的懷疑。——換句話說，無論是何種有理由有根據的計畫，必須大家有『知之則必能行之，知之則更易行之』的信仰心。方才有實行的希望。現在的大危險，在於有理想的實行家太少了。現在的更大危險，在於認胡混爲實行，認計劃爲無用。陸放翁說得好：『一年復一年，一日復一日，譬如東周亡，豈復須大疾？』沒有計劃的結果必至如此——所以我說中山先生這本書是不僅僅有政黨作用的。這是我對於這書大旨的贊成。書中有許多我不能贊同的地方，如第三章論中國『文字有進化而語言轉見退步。』第五章論王陽明一段，比較的都是小節，我可以不細批評了。

錢玄同——只嘆中國人見了良途便咬牙切齒——

孫先生以國民之導師自任，大家也都承認他是國民之導師。我不但認孫先生是導師，我並且希望國民奉孫先生爲導師。但從事實上觀察，截到現在爲止，孫先生確乎還是『國民之敵』。『國民之敵』是一本戲劇名著底名目。戲裏底主人翁醫生發見了本地浴場

底水裏有傳染病菌，想要去改良它。不料浴場董事會和一班股東們因為改造浴場要耗損資本，所以拚死反對，地方——又都是些沒有眼睛，只會盲從附和的人，於是竟被市民大會宣告爲『國民之敵』（以上抄自潘介泉先生底易卜生傳。）孫先生就是這樣的一個『國民之敵』。國民要大清皇帝或真命天子坐在金鑾殿上；孫先生偏要排滿，而且還要廢除皇帝。國民要爬在青天大老爺底公案下面，褪下褲子，等着打屁股；孫先生偏要叫人民去管理政事。國民以富人享福而窮人要受罪爲天經地義；孫先生偏要來主張平均地權，節制資本。國民安於晴天踏香爐，雨天踹醬缸，刮風時開七香散，『糞便四濺，泔水激揚』這種『精神文明』；孫先生偏要來鼓吹物質文明。國民最愛吐痰，放屁，留長指甲，不洗牙齒；孫先生偏要勸大家把修身底工夫做得有條有理（民族主義第六講第一三〇——一三三頁。）國民甘心做獸『不識不知，順帝之則』和『民可使由之，不可使知之』這兩塊大石碑的；孫先生偏要叫他們『知』（孫文學說一書，幾乎全部都述此義。）國民願意苟安旦夕，喜歡維持現狀；孫先生偏要提倡奮鬥，主張革命。其他國民要如彼。孫先生偏要如此，說起來真是更難數，一句話，國民要靜坐或倒退，而孫先生要抖擻精神地跑

，而且要向着廖廓無盡的前途不息地跑。

孫先生這種精神，真是我們這疲癯老朽的民族起死回生的唯一聖藥；他具有這種聖藥，他當然是一位良醫，可是有祖傳痼疾的國民們，是以做『膏盲問二』子之恨』爲天職的，見了良醫，便咬牙切齒，不與其戴天；他活着，他們咒他死——咒他不得好死；他死了他們於是乎大樂——但因必要；故又在笑眼中擠眼淚，有人說我這話過火嗎？我絕對不承認，我只承認我底文筆大笨拙，不會描寫他們這種鬼心思百分之一二而已。謂予不信，請閉目一想：不是孫先生發表遠大的建國方略，他們便說是『大砲』嗎？不是孫先生實行救國救民的事業，他們便說是『搗亂』嗎？只此兩個名詞，便如見其肺肝了。人焉瘦哉！人焉瘦哉！這不是孫先生是『國民之敵』的鐵證嗎？

盧紹稷——東西兩國父——

西方有一大共和國，曰美國；東方有一大共和國，曰中國。美國之所以得稱爲共和國，華盛頓 George Washington 之力也；中國之所以得稱爲共和國者，孫中山先生之力也。當北美美合衆國於一七七五年，開會於費拉得爾非亞 Philadelphia 時，決意採

英政府者，非華盛頓其人乎？爾時革命，若無華盛頓爲領之袖，則殖民地十三州，次年，何能聯合獨立爲合衆國乎？故曰：美國之所以得稱爲共和國者，是在華盛頓之力。至吾國辛亥之役，數月之內，卽能推倒四千餘年之君主制政體，及二百六十餘年之滿清征服階級，非孫先生鼓吹奔走之力乎？若無孫先生之二十年辛勞經營，則「中華民國」之建設，豈能有如此之具乎？孫先生者，誠民國之元勳也。故曰：中國之所以得稱爲共和國者？是在孫先生之力。或曰：華盛頓與先生，皆革命之首領，固也；然一則革命能竟其功；一則否，兩人有難可相提而並論者。余謂不然：評論英雄，不當在於其成敗，當察其所行之主義與毅力如何？倘以成敗論英雄，則如震動全歐之拿破崙，其結果爲何如乎？華盛頓爲獨立而爭，孫先生爲三民而鬥，其爲公則一。華盛頓血戰祇有七年；而孫先生革命，幾死者十餘次，四十年如一日，吾恐華盛頓之毅力，亦未能逾乎孫先生也。况彼此情境各異，使華盛頓生於今日「受帝國主義與軍閥壓迫」之中國，吾恐其革命，未必成功；使孫先生處於彼時「全國一致戮力同心」之美國，其結果亦豈遜於華盛頓，以是言之，孫先生所以未竟其功者，亦命矣夫！

周瘦鵑——先生始終不忘一個民字——

有孫中山然後有中華民國，沒有孫中山，未必有中華民國。美國人稱締造美國的華盛頓爲國父，那我們對於這中華民國的華盛頓，也應當尊一聲國父，中山先生始終不忘一個「民」字，他所主張的三民主義和國民會議，都能替吾們國民說幾句話，做吾們國民的喉舌。

嚴獨鶴——一生爲國家做事——

平心而論，中山所持的主義和所行的政策，國人贊同的，欽佩的，固然不少；而懷疑的，立異的，也未嘗沒有，不過中山一生，始終爲國家做事。就最小的限度說，也是爲民黨做事。並沒有私人謀着什麼權利，積着什麼財產。所以就他個人的人格，以及對於創造民國的功業上說起來，無論如何有紀念的價值。這是大家所公認的。

西澧——氣度雍容始終保持本來面目——

在民國沒有成立以前，孫先生在一般人的心目中，是一個神話傳說裏的人物；就是民國已經成立，那時的神話傳說還並不減他們的勢力。吳稚暉先生的幾句話，使我們覺

到孫先生的偉大的人格。他說，革命黨得了志。他門的面目全變了：始終保持着本來面目，沒有染着些官僚習氣的，只有寥寥的幾個人，尤其是孫中山先生。他又常說，孫的度量真大，有許多曾經困難時背棄他的，現在來了，現仍舊一視同仁的看待他們。政治家像孫先生這樣的有氣魄而無架子的，歐洲還偶然見過，在中國可以說沒有。

朱經農——保存中國文化優點把取西洋文化精英——

中山先生病革時不絕呼喚「和平」「奮鬥」「救中國」三語，先生愛和平，爲求和平不得不奮鬥，而歸結在救中國。先生生一所事，即是救中國，至死猶呼救中國。吾人興念及此，哀感何如？中山先生能保存中國文化之優點，而挹取西洋文化之精英以爲補助。一般人相驚伯有，以爲民生主義即共產主義，以爲國民黨赤化了，實爲無識。民生主義中之平均地權，節制資本二端，實皆歐美各國已行者，與共產主義大相逕庭也。

熊希齡——持身清廉非其他偉人所能及——

孫先生方行革命，四十年毫無懈怠，故能使全國人士，一致欽佩，足見公道自在人心。孫先生做過大總統，僅遺留數箱破書與宋夫人，其持身清廉，非其他偉人所能及。

魏宸組——先生主義是唯一無二救國良藥——

孫中山先生之死，是不可補救之損失。先生是革命元勳，依據其主義而奮鬥，四十年如一日。雖歷受艱難，始終不改。姑以吾國之國情而論，孫先生之主義即是唯一無二救國之良藥，惜先生未竟其志而去世！吾輩未亡者應本先生之主義，繼續奮鬥，以達先生未竟之志。

江洪傑——為民衆奮鬥死非為升官發財死——

孫公之死，所以影響全國更及於全世界者，即其為人類犧牲之精神，與孔佛耶為一貫。吾人考其畢生革命事業，無一日不與惡環境奮鬥，以改造腐敗社會為羣衆謀自由平等之幸福。故其三民主義皆以民為本。彼今日之死，即為民衆奮鬥積勞而死，非為己身升官發財而死。蓋彼至死亦一平民態度，而身後並無遺產與金錢。吾人從今日起，急永遠紀念之，如信服孔子及佛與耶穌基督然。

楊草仙——不有孫公何有民國雖非黨員服膺心折——

余非國民黨員，余信服孫公實如國民黨員。蓋孫公所創之黨，實為國家為民衆謀幸

福之團體。吾人雖非黨員，受賜不淺。當較黨員更努力以實現孫公之主義。不有孫公？何有民國？吾人在海外何能得到今日之自由？孫公雖死，主義不死。吾人能實現其主義，孫氏雖死猶生。

第六章 唁函與唁電

唁函

譯函一

哲牛先生素鑒：尊公抱命世雄才，作中華砥柱，遽聞溘逝，寰海同悲，余及余之眷屬，尤深愴惜！閣下遭此大故，自必異常哀毀，尚乞以禮制情，勉承偉略，藉慰薄海人民之望。吾人將於下星期日舉行追悼會於紐約，並以奉聞。專函馳唁，順候孝履。一九二五年三月十七日，林百克自美京華盛頓拜上

譯函二

孫宋夫人禮鑒：本會全體會員，驚聞中山先生逝世，愴悼莫名！孫公一生，為自由平等

努力奮鬥，是專制之勁敵，作共和之元勳，一朝撒手，萬古流芳。其對於猶太教民族運動，贊助之力，屬望之殷，誠令吾人感不能忘。一九二〇年四月二十四日，孫公會致書本會機關報之主筆，以示其對本會堅強之觀感，尤足以永銘心版。孫公之函曰：『凡德謨格臘西主義之愛護者，對於偉大古國如貴國者之光復運動，莫不以至誠贊助，熱烈歡迎，良以貴國於世界文化，曾多貢獻，在國際間應享受尊榮地位也。』吾人聆孫公上述之遺言，益加愛戴，今聞噩耗，於哀痛之餘，敬此奉唁，幸垂察焉！猶太教名譽幹事愛瑞臘啓

哲生先生閣下：日昨噩耗傳來，驚悉尊公中山先生於十二日午前溘然仙逝，莫名震悼！惟念尊公倡導共和，締造民國，偉業彪炳，中外同欽，現雖音容頓渺，鶴駕仙遊，但功業遠著海外，遺愛猶在民間，生榮死哀，亦復何憾！素稔閣下孝思純篤，突然丁此大故，定是哀毀逾恆，然何以慰尊公在天之靈，尙希閣下稍自節哀，勉襄大事，是爲至禱，專泐奉唁，並請孝安！吉田茂拜啓

精衛哲生稱暉石曾諸位先生均鑒：敬惟諸位先生謀人民自由奮鬥，四十多秋如一日，至

今革命之目的未達，遽遭中山先生逝世，哀痛何似，傷心何似！然中山先生雖逝，而中山先生主義不逝，應由諸位先生之熱誠，而重爲之倡明矣！伏懇諸位先生強加寬抑，節哀省悲，努力前途，到達目的，豈非東亞幸甚，世界幸甚耶？僕等負有亡國罪過，可憐討活常在暗無天日之中，惟以革命方面，作我等活路，是不易之事實也。今不幸遭革命導師中山先生之逝世，在強權公敵，雖云萬幸，於吾等則實如喪考妣也。噩耗傳來之時，奔赴行館致吊，再赴協和醫院移靈時，隨繞到殿，今又代表諸同人之區區微忱，僅具晚聯祭文拜吊靈前，除表萬一之同情外，并冀諸位先生恢復健康。大韓革命黨臨時代表，李天民，李社隱，趙世忠，張如延，秉昊等同叩

閱報，驚悉中山先生逝世，薄海人民，同深悲悼！惟先生先覺，導民生路，至言讜論，久已印人心肺，此次遠道北上，驅曹斐逆，解除種種束縛，功在民國，沒世不忘；又况積勞成疾，爲國捐軀，身後蕭條，尤足動人觀感！民等不求聞達，不涉勢利，名不列黨，心實隨之！所望繼承諸公，尊重遺囑，貫串主義，悉本公心，統籌全局，戡除阻力，奮鬥到底，底功於成，奠民於安，勿使黨部自裂，閭閻失望，則國家幸甚，平民幸甚！

卽先生在天之靈，定必呵護於無已焉！崇明縣內沙三十五萬平民謹叩弔

敬啓者：昊天不弔，總理棄世，舉國倉皇，全球震悼！凡我黨人，如黨考妣，爰於十五日邀集省黨部及特別市黨部同人，開籌備追悼大會，當已推選各股職員分別籌備追悼事宜，曾經電告，諒邀鑒察！除俟籌備完竣，定期舉行追悼外，特派李齊民君北上，恭致弔唁，並贊襄一切，祈賜接待，俾有遵循，此致孫總理治喪事務所。中國國民黨漢口特別市湖北省黨部追悼孫中山先生大會籌備處謹啓

唁電

(一) 國外

孫宋夫人及家屬鑒：孫公遽逝，哀甚！謹唁！Dr. Cantileand Fr ends (康德黎，於倫敦)

孫宋夫人鑒：值此夫人與全國重大損失及哀痛之時，吾人謹表極深之悲悼，並獻弔唁之忱。紐約 Lukoching 夫婦

謹表哀悼孫中山先生逝世之忱！犬養毅

田中大將，驚聞中山先生逝世，不勝哀悼之至！

床次竹二郎驚聞孫中山先生之訃音，不勝哀悼之至

聞孫中山閣下長逝，謹表哀悼之意！陸軍大臣宇垣一成

聞貴國元勳孫中山閣下長逝，謹表甚深哀悼之意！參謀總長河合操

近於報端聞中山先生之病狀，有挽回之訊，喜此偉人戰勝病魔，正祈其早日痊癒。不圖於今十二日接令嗣孫科先生之快電，知已仙逝，痛哭無量！中華民國統一之大業，方將就緒，而遇此痛恨事，中國上下之悲痛，誠不堪設想，豈獨中華，實為中日兩國與東亞之一大問題，無論其遺族固多悲傷，即在各同志亦咸同情。小子於私情自第一革命時，得拜晤於滬甯之地；其後於中日兩國時，接醫咳亦常敬慕不置，今接訃音，驚悉作古，追懷往事，不能自己，茲草一函，特對遺族表示悲痛，其微意非筆紙所能盡也。於弘前本莊祭。（以上日本）

汪精衛先生並轉中國國民黨諸位公鑒：中山先生手創中華民國，力主民族平等，為中國革命領袖，為東亞被壓迫民族之良師，同人等平日欽慕先生之人格，贊仰先生之主義，

並切藉倚重望。此次不幸遽然長逝，噩耗傳來，曷勝痛悼，謹此奉吊，並禱諸位節哀，並切藉倚重望。此次不幸遽然長逝，噩耗傳來，曷勝痛悼，謹此奉吊，並禱諸位節哀。

勵，貫澈先生之主張，則東亞革命幸甚！韓國青年同盟會敬唁

二〇各黨部

汪精衛先生轉全體中央執行委員鑒：總理逝世，噩耗傳來，黨與非黨，同深哀悼。革命尙未成功，導師遽喪，今後黨人責任愈大。此間連日各級黨部同時舉行大會，精神緊張，步趨一致，誓遵遺囑，爲主義奮鬥，作黨的活動，以完成總理未竟之志。昨日開全市黨員大會，并進行誌哀，謹此電聞。中央執行委員會銑

孫夫人暨哲生先生鑒：噩耗電傳，總理逝世，國喪慈父，人失導師！川沸山崩，莫可比况，哀痛同深，矧在骨肉，惜大業未成，遺訓在耳，圖慰冥漠，莫如繼志，所望節哀順變，共此遠圖，勉進糜粥，爲國自愛。中央宣傳部叩刪

孫夫人哲生先生鑒：傳來噩耗，薄海同悲。總理爲國積勞、爲民盡瘁；精神魄力，感極人天；革命未成，不忘努力；哲人雖萎，浩氣長存，所望繼志述事，以竟全功，勿過

哀毀爲幸。臨電愴然，伏維鑒察。中央青年部叩元印

孫夫人暨哲生先生鑒：總理逝世，噩耗傳來，驚聞之下，深爲悲痛。第總理雖死，

精神不死，同人誓努力向前，以竟總理之志！謹電唁候，伏冀節哀順變，爲國珍重，

臨電不勝悲悼之至！中國國民黨中央執行委員會婦女部電

孫夫人暨哲生先生：昊天不弔，奪我導師，驚聞噩耗，涕泗滂沱！尙祈勉節哀忱，并再

接再厲，謹遵遺囑奮鬥！中國國民黨江蘇省黨部泣叩

接侵電後，知總理逝世，驚痛莫名！昔者滿清爲虐，奴隸國人，總理奮鬥二十餘年

，遂將滿清顛覆。不料軍閥繼起，任意爲亂，加之帝國主義指揮於後，以致國人肌無完

膚，脂膏殆盡，總理勇氣不撓，繼續革命，佔東南半壁，奮鬥十有餘載；茲者曹吳失

敗，受段張之邀請北上，與議國事，不幸抵京之後，肝疾逝世！一生奮鬥，四十載爲人

類爭自由平等，今既總理逝世，吾儕之自由平等，惟有本總理之遺囑，努力繼續革

命，則自由平等不難實現也。謹電哀唁，伏希矜察。內蒙省黨部啓

孫公行轅治喪辦公處轉諸同志均鑒：頃聞本黨總理大元帥前大總統孫中山先生於文

日遠逝，哀我總理事功未竟，遽爾棄國，永別同志，曷勝惋悼！謹先電唁。吉林臨時省黨部同志刪

鐵獅子胡回孫哲生先生苦次：驚聞總理於文日逝世，山頽大壞，普海同悲。嗚呼！蒼天曷其有極！同人等號泣之餘，心膽俱裂，後事如何，不勝系念。河南國民黨黨員同叩
元孫宅秘書處執事鑒：接奉訃電，我總理志切救國，溘然長逝，四萬萬同胞，驟失師導，同志尤深哀悼！在濟追哀誌悼如儀外，尤當振奮神力，繼我總理未竟之志。魯省黨部全體公叩刪

鐵獅子胡同汪精衛張溥泉先生等均鑒：總理凶聞到皖，市民雨泣，黨員震悼，罔知所措。竊念總理手造邦家，宏烈未竟，繼述光大，責在後死。諸先生躬膺付託，冠冕羣倫，宏濟良難，惟賴協力。臨電不勝哀痛迫切之至。安徽全體黨員泣叩寒

孫夫人暨二女公子慰鑒：總理逝世，薄海同哀，矧屬黨人，悲痛尤切，尙望夫人爲國節哀，繼承總理遺志，領導我女界同胞，繼續奮鬥，以光吾黨，以救祖邦，總理雖死，亦當瞑目於地下矣！臨電不勝哀悼之至。江西國民黨全體女黨員同叩

中央執行委員會鑒：總理抱建國之主義，具建國之精神，未竟建國之志願，遽來噩耗，悲悼同深！此間同志除籌備治喪外，誓謹遵總理遺囑，爲民衆奮鬥，臨電哽咽，謹申哀忱。上海執行部全體叩

急鐵獅子胡同孫哲生先生中央執行委員諸公鑒：噩耗傳來，同人不勝悲痛！惟念總理爲國盡瘁，雖死猶榮，尙乞節哀，以襄大舉。中國國民黨滇省衆黨員叩唁個

孫夫人孫哲生先生暨治喪處諸兄哀鑒：孫總理功業未竟，中道崩殂，傳來噩耗，薄海同悲；同人等尤深哀悼，繼志述事，責仕後死，誓加努力，以成大業，伏祈節哀順變，爲國珍重，掬淚馳唁，痛悼不宣。廣東大學特別區黨部寄

孫哲生先生哀鑒：讀電，驚悉總理逝世：國父云亡，民生誰託，宣瞻前途，怒焉如擣；惟主義昭然，百世不易，急起直追，責仕後死。尤望節哀順變，爲國珍重，謹電哀唁，不知所云。中國國民黨建國湘軍黨團最高幹部臨時執行委員會叩寒

宋夫人暨哲生兄鑒：總理噩耗傳來，同志泣血，誓奮鬥繼，總理遺志，先電表哀。國民黨港澳總支部叩元

孫行轅汪精衛先生轉中央執行委員會：總理溘逝，舉國同哀，屬部除電派劄蔚如同志就近親唁以表哀忱外，並督率全省黨員，繼總理革命精神，以竟未竟之志。哀此電聞。湖北省黨部叩寒。

孫夫人鑒：孫總理爲黨爲國，積勞成疾，驟聞噩耗，同深哀悼！伏乞節哀。爲國珍重。紐約國民黨叩。

孫夫人鑒哲生兄鑒：驚悉總理逝世，至深哀悼！請節哀爲國，以竟總理未竟之志。墨西哥總支部支叩。

孫夫人哀鑒：驚聞總理仙逝，悲哀莫名。惟功績長存，雖死猶生，伏祈節哀。柏林國民黨支部叩。

外交部轉孫夫人哲生先生鑒：總理昇遐，聞訃痛極！哲人其萎，邦國疹瘁，遐邇悲哀，黨員泣血，尚祈節哀順變，爲國珍重，繼續奮鬥，以竟厥志。南非總支部。

國民黨中央執行部鑒：驚聞總理薨逝，駭痛莫銘！竊前自總理北上，黨員等方期總理導率吾黨，剷除軍閥及帝國主義惡魔，爲民請命，不圖昏昏蒼天，假縱惡魔之意未

歷，終不欲斯人逃出死運，奪吾黨導師萬民教主以去！遠望燕雲，不禁血淚交掉；茲黨員等，謹以在遠之軀，望空叩悼，遙奉誓於 總理在天之靈，此後當一遵 總理臨終遺囑，本吾黨主義，隨同志繼續與萬惡軍閥戰，與帝國主義戰，為全國全世界被壓迫人民請命，俾竟 總理在生之志，完吾黨之使命，除接電為 總理成服以志悼痛外，謹此唁聞。哈爾濱全體國民黨員馬叩

(三)各團體

孫公治喪處暨中國國民黨中央執行委員會公鑒，我民國開國元勳，國民革命領袖中山先生，薨逝都門，全國國民，莫不悲悼。正革命尙未竟功，民衆遺失導師，敵會同人，倍勝哀痛！除在滬籌備追悼大會外，謹先電唁，並望諸公恪守遺訓以期國民革命之成功。

上海各公團追悼孫中山先生大會籌備會印

中國國民黨中央執行委員會公鑒：我中華民國開國元勳，國民革命領袖孫中山先生薨逝都門，驚耗傳來，悲痛曷極。胡天不弔，奪我元良，國是未定，導師先喪！國父雖死，國父永生，國父之主義未去，國父之主義萬世不朽，望貴黨諸公：為國節哀，遵守遺訓

；繼續努力，爲民奮爭；本會除在滬另行追悼外，並茹素一月，以表哀悼，謹此弔唁。

上海工商學會全體叩

頃聞中山先生逝世之電，皇天不弔，喪我元良，薄海人民，同深哀悼！惟以先生改創民國，功在萬世，黨綱永烈，主義長存，繼志承先，責在後死；臨電哀痛，不盡神馳。廣東省教育會叩文

孫夫人哲生先生鑒：捧讀俊電，總理已於是日薨逝。伏維總理手創民國，備著憂勤，建設未竟全功，斯民正深屬望，人寰攬手，薄海同悲。維國是方殷，百端待理，尙祈勉節哀思，爲國珍重，謹此電唁。廣東省教育會同人叩元印

北京孫哲生兄哀鑒：接電，驚悉中山先生於十二日上午逝世，噩耗傳來，普天同痛！竊念先生爲翹造民國元首，扶助工人，力圖利益，奔走革命，數十年不倦，悉本三民主義，以謀勞工幸福，今聞薨逝，羣衆如失慈父母！然先生雖死，主義不死，尙望節哀順變，務竟先生全功，努力前途，爲國自愛。燕雲北望，心愴神馳，謹電唁問。廣東總工會

九十六團體全體會董工人同叩

鐵獅子胡同孫公行轅祕書處鑒：頃誦優電，驚悉前臨時大總統孫公逝世，飛來噩耗，悲悼莫名！惟公迭經艱鉅，創造共和，成功不居，晚節彌勵。緬元勳於開國，羣仰斗山，悵愴海之橫流，方資依柱。胡天不弔，遽殞大星！遙望雲旌，心傷腸碎！遙馳電唁，不盡悽愴，除另期追悼外，特此奉復，湘南省議會叩

孫夫人暨汪精衛孫哲生兩先生鑒：邊哈國父喪耗，如喪考妣，除誓繼志述事外，肅此電唁。省港建造工會聯合總會十五萬餘人叩誌

孫夫人暨哲生先生哀鑒：噩耗傳來，驚悉帥座逝世，薄海同悲。天厄蒼生，喪我國父，痛哉！惟念帥座雖死，主義猶存；伏盼節哀，以竟其志。廣大學生會哀叩刪

北京孫公治喪處並轉孫哲生先生鑒：中山先生首創共和，功在國家，素志未竟，與世長辭；國喪元老，民失導師，噩耗傳來：薄海同哀！除籌備追悼外，特此電唁。山東省議會簡印

孫哲生先生鑒：尊翁中山先生盡瘁國事，志節皎然，勳業未就，齋志以終，凡屬國民，同深悼惜。尙祈繼志述事，順變節哀，益勵遠猷，以慰輿望。上海總商會

孫中山先生治喪事務所鑒：國家不幸，天喪元勳。噩耗驚悉，薄海同泣，特電奉達，藉表哀忱。江西省議會叩篠

孫中山先生行轅秘書處鑒：先生手造共和，心存蒼赤，天生先覺，福惠齊民。方期此次北來，籌劃國是，奠定邦基；奈蒼天不弔，竟奪公去，聞電之下，痛悼殊深，謹代表我奉一區三百萬人民，敬陳哀弔；本當哭臨，伏維鑒察。奉天省議會省教育會總商會省農會叩

孫大元帥治喪處諸同志鑒：孫公元日逝世，惡耗傳來，不勝悲悼。國事多艱，正賴孫公扶持，一旦棄世，薄海失依。萬望各同志貫徹主義，羣推繼起之人，臨電神往，不禁弔唁。四川省議會叩刪

北京中國國民黨中央執行委員會諸公鈞鑒：惡耗傳來，驚悉貴黨總理國父孫中山先生薨逝郊門，曷勝悲悼。中山先生爲民國元勳，國民導師；客歲由粵北上，提倡國民會議，思出吾民於水火，尤復歷經艱險，而今事業未成，哲人先萎，瞻念國事前途，同聲一哭！所幸貴黨同志，團結一致，貴會諸公，矢志靡他，繼中山先生未竟之功，以求早日實

現國民革命，解放我被壓迫之羣衆，使勿爲敵所乘，則國民幸甚，民國幸甚。除在當地參加發起追悼孫公籌備會外，謹此電唁。杭州反帝國主義大同盟叩巧

驚悉孫公逝世，僑民皆極悲傷，望同志努力，以竟孫公未竟之志。南墨西哥全體華僑叩

(四)個人

汪精衛先生轉孫夫人暨孫哲生兄鑒：頃聞哀耗，中外崩摧；伏望節哀，勉當大事。此間卽舉行哀典，併聞，漢民，侵酉

孫公行轅祕書處鑒：刻接來電，驚悉總理痛於本晨逝世，天厄蒼生，奪我國父，椎心泣血，五內崩摧！自愧後死，羈滯粵中，既不克侍奉湯藥，又不及躬親屬纊，撫躬自問，百死莫贖。竊念總理雖死，主義不死，其百折不撓之精神，當如炳炳日星，永在人寰，而照耀於本黨同志之前途，以完成其革命未竟之事業也。萬望節哀順變，爲國自愛，臨電推痛，不知所云。吳鐵城叩文

孫夫人暨哲生兄鑒：惡耗傳來，悲痛無已，總理爲國而死，人格永存；主義未伸，後死有責。乞爲國節哀以竟未完之志，臨電隕涕，不知所云。許崇清叩文

鐵獅子胡同孫哲生先生鑒：伏聞噩耗，不勝悲痛，薄海失望，豈惟私人！謹唁。延闈侵。

汪精衛先生轉孫夫人暨哲生兄鑒：帥座薨逝，薄海同悲，謹電弔唁，崇智叩感。

孫夫人孫哲生先生鑒：伏聞噩耗，悲痛同深；惟有益勵戎行，期副遺命。特電奉唁，不勝哀思。譚廷闈，魯滌平，謝國光，吳劍學，陳嘉祐，岳森，譚道源，張輝瓊，戴岳，吳家銓，朱耀萃，喻先攸，成光耀，易紹英，楊傳烈，王鉞，洪振櫛，陳寅，張以祥，李韓珩，廖家棟，唐支廈叩銑。

鄒海濱先生汪精衛先生哀鑒：電音飛達，帥駕歸天，草木含哀，風雲變色。嘉祐職守所在，聞病未能親待，殯殮又不得憑棺縞素，臨風無限哀悼！建國湘鑒第五軍軍長講武堂堂長陳嘉祐叩元印。

孫先生行轅孫夫人哲生兄鑒：驚悉大元帥噩耗，天喪元老，薄海同悲。當此曹吳敗亡，陳逆逃竄，大局正有轉移機會，何期元勳撒手，以致九仞功虧，國難未平，天心莫測。伏望節哀，爲國珍重，同心協力，以竟先生未完之志。福林雖愚，忻慕執轡，臨電不勝慘痛之至。李福林叩元印。

孫夫人暨哲生兄鑒：驚奉電傳，總理薨逝，昊天不吊，奪我元良！國亂方殷，治平孰主！中外失望。痛悼同深！願以黨義永昭，端資繼述，務懇爲國節哀，用竟先志。臨電鳴咽，神與俱馳！鄧澤如叩元

孫哲生兄鑒：得電，中山先生仙逝，木壞山頽，老成凋謝，一時噩耗，四海哀思！惟望爲國自珍，節哀順變，謹此電唁，惟鑒不宣，海軍總司令楊樹莊元

孫哲生兄鑒：昊天不弔，遽喪元勳！兆庶何依，邦國殄瘁！我兄純孝，哀痛可知，惟是繼述需要，國事爲重，尙希順變節哀，勉襄大事。特電奉唁，不盡瞻馳。閻錫山寒

鐵獅子胡同孫前大總統行轅祕書處公鑒：文電奉悉。中山先生手造共和，身許邦國，承天革命，比迹湯武，覺世牖民，追蹤盧列。哲人雖萎，名譽猶存，盛誦迴環，益增涕泗！當此國亂未平，百端待理，凡屬後死，自當奉茲圭臬，勉步前塵；本堅忍不拔之精神，爲世界大同之奮鬥，以副綿綏之苦心，而慰英靈於天上也。馮玉祥篠

哲生先生禮鑒：國步方艱，總理遽逝！世界失唯一之英雄，民衆失唯一之先覺，同志失唯一之導師！愁塞江雲，淚添海水，夫何待言！惟吾儕尤抱憾無窮者，總理訃病而

未及省視，易簣而未及面訣，忝爲黨員，因風憑弔，撫衷自問，積咎實深；然總理之主義與精神，已磅礴于大地，從此努力孟晉，紹述而光大之，謹遵遺訓，以圖革命成功，後死者皆與有責焉。先生於國憂黨憂外，益以家憂，悲悼當較吾儕爲甚；是用掬忱致唁，並希繼承先志，勉節哀思。何世楨，何葆仁，何世枚，孫鏡亞，郎醒石，郭任遠，劉蘆隱同啓

哲生仁兄禮鑒：昨讀侵電，愴悉大元帥雲馭上賓，天崩地坼，悲痛莫名！竊念大元帥手造民國，功耀寰宇，四萬萬人，胥受其賜，固已無復遺憾。吾兄至孝性成，猝遭大故，何敢以節哀順變之說，強爲寬解；惟大元帥諄諄遺命，無不以國家爲前提，所有未竟事功，自應同心齊力，以策進行，尙祈勉抑哀忱，繼事述志，以慰在天之靈，是所切禱。肅此奉唁，敬頌禮祺，朱培德啓

哲生同志兄鑒：總理仙逝，國事誰倚，普天同悼，如喪考妣！竊念大局未定，風雨飄搖，定傾扶危，後死有責；唯有節哀順變，繼志述事，竟革命未成之功，以慰總理在天之靈耳。凡屬同志，當懷此心，此後黨事宜如何遵守常軌，力圖進行，尙祈隨時指示。

南鍼，以匡不逮。肅此奉唁，並請禱安。弟宋淵源叩

哲生尊兄哀鑒：頃得噩耗，驚悉先生遽逝，天胡此醉，殲我元良！吾民何辜，遘喪國父！凡有血氣，莫不悲痛，矧在骨肉，痛悼可知。惟先生雖逝，主義長存，繼志繼事，責在後死，尙祈兄節哀順變，毋過毀傷，能完先志未竟之功，卽所以成吾兄至孝之道矣。肅此奉唁，伏維爲國自重，弟陳樹人拜

孫哲生兄鑒：接電，驚悉總理逝世，元勳傑折，薄海同悲！尙乞自珍，毀無滅性，謹代表英荷兩屬特電馳念，不盡拳拳。中國國民黨南洋總支部朱赤寬叩元

外交部轉孫前總統治喪處：聞孫先生作古，曷勝驚悼！懇轉告孫夫人順變節哀，鄭毓秀叩自巴黎。

外交部轉孫前總統治喪處：哲人其萎，薄海同悲！王寵惠自巴黎。

孫哲生兄禮鑒：頃奉電驚悉中山先生棄國上仙，天奪元老，哀痛曷勝！伏念中山先生，手造共和，萬方攸歸，凡有血氣，莫不尊親；創紀之勛，遠邁今古，九京下視，足慰平生。我兄肯構靡愆，繼承有緒，尙冀順變節哀，爲國鄭重爲盼。專此奉唁，順頌素履。

李鳴鐘叩銑

孫哲生兄鑒：頃接來電，驚悉先生逝世，邦瘁人亡，昊天不弔，山頽木壞，溥海同悲！伏念先生，手創民國，身繫安危，中外之所歸心，蒸黎之所託命；數十年艱難締造，百折弗撓，四百兆涵濡共和，萬流共仰，不惟五族之先覺，抑亦六宇之靈光。方今時局初平，綱維待舉，導指民治，端賴元勳，遽痛騎箕，曷勝揮涕！斯實黃族之不幸，非僅一黨之私痛也。謹申哀忱，特馳電唁，胡景翼叩元

鐵獅子胡同孫前大總統行轅秘書處鑒：侵電奉悉，中山先生手造共和，力揚民治，豐功偉烈，照耀山河。方冀日月長明，苞桑永奠；天胡不憖，遽爾升遐，噩耗驚傳，彌深愴痛！祈爲轉唁，孫公瀛眷，節哀順變，以禮制情。特電表哀，維希察照。方本仁刪

孫公行轅秘書處鑒：侵電檄悉，前哲其頽，未能親往哭弔，殊深愧悼，特派參謀長劉竹坡君代表致祭。孫岳叩元

治喪處公鑒：噩耗傳來，驚悉前大總統孫公謝世。惟公人格，中外同欽，創造共和，堅持主義；英光瀰氣，星山能迴，先覺先知，再接再厲，孑然一老，費志九京，棟折榱崩。

，山枯海泣，匪維私感，實屬國喪！除另行追悼外，謹電申唁。鄂軍混成旅旅長夏斗寅叩號印

孫夫人孫哲生君鑒：中山先生，爲人類宏正誼，爲華夏建新命，溘然長逝，愴悼同深！謹唁。國會非常會議議員，李汝翼，白瑞，梁登瀛，彭施濼，高杞，王兆雖，竇應昌，劉盟訓，李臨陽，周恭壽，丁超五，楊山光，尹宏慶，周兆沅，張嗣良，謝持，李文治，于洪起，焦子靜，閻秉真，王樂平，胡鄂公，盧仲琳，韓玉辰，彭邦棟，羅上霓，陸祺，田稔，李英銓，王斧，王葆真，張宏銓，王宗堯，張光煒，褚輔成，范熙壬，黃序鵠，覃壽公，鄭衡之，彭養光，李慶芳，張瑾雯，朱溥恩，王秉謙，向乃祺，王紹雄，何海濤，李爲綸，劉景晨，王家襄，丁文瑩，凌鴻壽，汪秉忠，焦易堂，張曠，王廷弼，張善與，雷殷，黃攻素，盧鍾嶽，張華瀾，孔昭晟，林繩武，張華祖，丁儁宣，陳燮樞，陳國璽，張雅南，克輿額，戰滌塵，邱珍寒。

孫行轅治喪事務所鑒：頃奉來電，中山先生於文日逝世；噩耗驚傳，莫名哀悼！先生手創共和，盡瘁民國，卅年奔走，艱苦備嘗；以不撓不屈之精神，行民權民生之主義。前

國會商國是，稅駕郟城；方冀偉畫匡時，又安寰宇，詎料天不愍遺，竟大星之忽隕。世無先覺，趨正軌以何途；北望燕雲，欲揮無淚。謹申哀悃，再鑒愍忱。劉湘叩銑叩

北京鐵獅子胡同孫哲生世兄汪精衛先生：頃接京信，驚悉中山先生於本日逝世。患難之交，一朝永訣，震震踴躍，愴痛如何！人之云亡，邦國瘁殄！既哀身世，復悼丞黎；謹命黎秘書謝先行弔唁，藉達哀忱。黎元洪侵

孫哲生先生密轉國民黨中央執行委員會公鑒，得報知孫公逝世，論功本應國葬，惟現在未有正式政府，正式國會，此事無法可循；應由家屬及人民以禮行葬，待正式政府成立，追予國葬，始受命令，毋使孫公身後認非法之羞。唐紹儀章炳麟等元

孫公治隱事務所汪精衛先生孫哲生先生：接電驚悉中山先生於文日逝世，哀悼曷勝，先生爲國先覺，手造共和，冊載經營，心力交瘁。現國事方艱，正賴先生楮柱；天星忽隕，深爲國痛。竊念先生指導羣倫，發皇民治，揭櫫主義，昭若日星；此後吾輩益當同心專志，擁護國家，以承先生未竟之功，而竟後死應負之責，始可奠定國本，以慰在天之靈。茲特派周鍾嶽等就近襄助治喪，並在滇開會追悼，知會領圍，下旗誌哀。除通電海

內外一致追悼外，特此奉唁；臨電泫然，未能罄意。唐繼堯叩誌

孫哲生先生鑒：頃接電訊，驚悉尊公中山先生於本日逝世，昊天不弔，殞此元勳，薄海人民，同聲哀悼！我兄大故猝遭，必深哀毀，惟希爲國愛身，以承先志，順變節哀，是所企禱；專此奉唁。盧永祥文

孫前臨時大總統治喪事務所鑒：頃得電，駭悉中山先生遽驟箕宿，愴悼殊深！伏維先生旨誓鋤非，累頻危殆；漢旗旣舉，秦社卒湮，肇共和之初基，廓專制之積毒。成功不享，勁概彌堅。學說徧於藝林，方略紀之策府；正資元老，共奠危邦，詎二豎之爲災，竟一棺之忽戢。人亡國瘁，有識同傷！恆惕華屏悲深，驛程迹阻，除通令本省各機關各學校及各商店均懸半旗三日，以表哀忱，並另期開會追悼外，謹派鍾君才宏，代表襄助喪禮，敬以奉聞。趙恒惕叩元

孫公行轅祕書廳鑒：奉侵電，驚悉中山先生，於本月十二日逝世。國事方艱，元勳遽隕，偉敬懷績，哀悼曷勝！除派代表恭致祭唁外，特此復聞，惟希台察。蕭耀南篠

孫哲生先生鑒：閱報驚聽令尊中山先生噩耗，不勝哀悼；先生手創民國，五族一人。大

虞未安。兩楹遽奠；普天共惜，環海同悵！特電馳唁，并問孝履。孫傳芳篠

北京楊滄白先生，謝慧生先生，靈錫卿先生，吳玉章先生，王子騫先生，石青陽先生，趙鐵橋先生均鑒：頃奉文電，祇悉中山先生遽爾長逝。國是未定，元老先摧，莽莽前途，罔識所屆，望風隕淚，曷罄哀忱！諸先生警效素親，遺言在耳，宏謨傾畫，繼述有資；此後救國良規，尙祈時賜明教，庶幾老成雖隕，靈爽猶憑。北望燕雲，彌深悵惘。劉文輝叩皓印

孫公行轅秘書處公鑒：頃奉俊電，驚悉前大總統孫中山先生於本月十二日逝世。竊念民國肇造，公爲元勛，保障共和，厥功尤偉。值此戰禍粗平，亟謀善後，慨然命駕，力疾入都；本其素抱，發抒嘉猷。政府設施，視爲電鑿，蒼生喁望，更切雲霓。奈何大星遽隕，泰岳忽頽，天不憖遺，吾將安仰！撫膺太息，舉世同悲，北望燕雲，黯然無色。謹電奉唁，并誌哀忱。頤心輝叩號

鐵獅子胡同哲生世兄孝鑒：頃讀訃電，驚悉尊公仙逝之訊，曷勝哀悼！尊公一代偉人，手造民國，今以國事焦勞，沉疴不起，中外有識，同聲一痛！迴憶客歲，同寓津邸，握

手言歡，感情至洽，人天頓隔，惆悵何如。以職守所羈，不克親臨奠弔，特派祁道尹克莊代表恭詢，敬電唁慰，尙希節哀襄事爲禱。張作霖元叩

孫哲生兄禮悼：尊公之薨，舉國痛悼，泰頹梁壞，吾徒安仰！寔以職務所羈，不克親臨執紼，景行在望，感想良深。謹致唁詞，敬維珍攝，並唁孝履。楊宇霆有

北京鐵獅子胡同孫公行轅汪精衛兄孫哲生兄惠鑒：前聞先生病篤，屢欲京候；素臥病纏綿，傷寒之後，心疾復劇，雞骨支牀，不能出戶。突聞噩耗，悲痛彌深。迴憶光緒丙丁之交，屢謁先生於東京寓邸，循循善誘，如在目前；改革以後，天各一方，雖蹤跡稍疏，而精神嘗嚮。泰山其頽，竟成千古，吾儕小子，將安所親炙耶！病重不能躬弔，復不能以隻字宣揚，謹述最切怛懇摯之忱，乞達靈右。饒漢祥叩有

第七章 祭文

(一) 各黨部

中國國民黨全體黨員祭文

維中華民國十四年三月二十三日，中國國民黨全體黨員，謹以至誠哀告於故 總理孫中山先生之靈曰：嗚呼！樹欲靜而風不息；全世界被壓迫之民衆，今方漸進於覺悟之途，我中華民國之民衆，亦方自覺其地位，知一致興起，接受三民主義爲自己解放之要道，而我崇高偉大仁慈之保育者，竟不能久留棄我民衆而去，吾民衆之悲痛，爲何如耶！吾黨雖有三十年之歷史，然改組以來，爲時僅一年，全體同志，方由我 總理之陶融指導，以從事於最基本之工作；而我三民主義之創始者，竟捨同志等而去，我同志之悲痛與失望，更如何耶！我 總理四十年來所昭示於民衆者：一曰「博愛」，一曰「天下爲公」，而手草之建國方略，則以「建國之首要在民生」一語冠其總，此實我 總理以仁自待，以仁待人，以仁救國，以仁救世之真諦，爲全世界人類——尤爲中國國民所永不能忘者。吾人今日敢誓於 總理之靈前曰：吾同志全體自今以往，願以至誠，於一言一行奉 總理之遺教以爲則，而共結合於以仁愛爲基礎之三民主義之下，以此自救以此救人，以此救國以此救世，以繼我 總理以革命救國爲起點，而達人羣進化世界大同之志；而「革命尙未成功同志仍須努力」之遺教，則更爲我同志努力之方針也。嗚呼！我崇高偉大

仁慈之總理遺矣！總理四十年之歷史，及一切著作以至講演紀錄舉爲我總理昭示吾民衆之遺教，而病篤時同志紀錄之遺囑，則爲舉此遺教全部付與吾民衆之信物，亦卽爲我同志全體之楷模。吾人惟承奉不忘，力荷不懈，永久之世界，惟賴人類永久之努力而存在，吾人僅有以此告慰我總理在天之靈而已！尙饗！

福建國民黨全體黨員代表施明等祭文

維中華民國十四年三月二十八日福建國民黨全體黨員代表施明等，謹昭告於總理孫中山先生之靈曰：嗚呼！人誰無死？顧或重於泰山，或輕於鴻毛，死同而死之所繫者異也。我總理崛起粵海，艱難險阻，歷四十年，爲全國人民之幸福計，不爲一身之安富尊榮計，善迎世界思潮，以立進化基礎，融會貫通，折衷至當，其自信也篤，吾人之信之也亦益堅，所志未成，中道殞謝，此全國人民所旁皇震悼知其所繫者大也。然總理雖舍吾人以去，而其主義之學說炳如日星，光氣常不可掩，精神旣長留天地間，可毋庸以死生論者也。吾黨今後之努力向前，以副總理之遺囑者，具見於全體黨員告祭之文，茲不復贅，而同人所不能已於言者，我總理生長粵省與福建特一水之隔耳；故總理之

同志以閩人爲多，黃花之役其最著也。辛亥革命功成逾年，總理親蒞閩省，以與閩人相周旋海邦僻陋，得聞總理之言論而挹其丰采，閩人實引爲榮幸焉。今總理長已矣！而閩中水深火熱，迥非民國初年之比，駐防之師，無異遜清宰割肢削，我民窮無復之，則挺而走險，餓殍載道，羣盜滿山，食肉之夫，迄無體。總理意而談民生主義者，博愛如我。總理在天之靈，得無騰閩土而怨恫乎！臨文哀愴，不知所云！尙饗！

陝西國民黨全體黨員代表惠有光等祭文

維中華民國十四年五月一日，陝西國民黨全體黨員代表惠有光李元鼎蒙發源等。謹以清酒庶羞之儀致祭于總理中山先生之靈位前曰：我族建國，奄有亞東，開物成務，實遠且宏，晚近國家，故步自封，天欲啓之，篤生我公。偉哉我公，首倡革命，羣倫繼起，影從響應，專制顛覆，共和奠定，功成身退，皎焉若鏡，奸雄盜國，來軫相逾，動搖邦本，民黨爲仇，我公返粵，北伐是謀，崎嶇歷年，夙志莫酬，自頃政變，翻來北國，栖皇一老，天荆地棘，豈謂說行，豈謂計得，實欲主張，自南阻北，天造昧昧，民生渾渾，大亂未艾，遽奪元勳！神州莽莽，舉目荆榛，世界不幸，豈直吾民！惟公主張，皎若

日星，麗行兩間，晝夜更明，雖有隱晦，弗滅光晶，國步維難，失此罔行，勵行之責，端在後起，凡我黨人，勉力終始，毋爲利奪，毋爲勢惑。繼繼繩繩，我公不死，香花爍爍，遺像溫穆；何以荐之？惟蘭與菊，神其來饗，載瞻雍肅，謹陳蕪詞，爲我公祝。

中國國民黨上海市全體黨員祭文

中華民國十四年四月十三日，中國國民黨上海市全體黨員，敬搵涕竭誠以致祭於 總理孫先生之靈曰：嗚呼國喪其父，民失其師，爲子弟者悲淚填臆，其尙復何辭，自今以後，哀悼之日終，奮鬥之期始，遺言在耳，念茲在茲，道遠任重，有百險而無一夷，生死且不可知，又尙復何辭！自 總理之逝，羣魔塞道，將以昔日之搏噬 總理者搏噬此七十萬之孤兒，若不指天誓日，如兄弟姊妹之相依，則將覆亡無日，而又尙復何辭！不有吾黨，國誰與扶持？民誰與提攜？痛念 總理彌留之時，國民救國之語，幾經面命與耳提，苟吾儕而不鞠躬盡瘁，前仆後繼，則將誤此民國，辱及父師，更尙復何辭？嗚呼龍蟠虎踞之上，青天白日之旗。 總理之靈，其鑒此至誠而默指揮之！尙饗！

河南旅平國民黨黨員祭文

中華民國十四年四月二日河南旅平國民黨員敬致祭故總理中山先生之靈曰：嗚呼風雲黯色，辰曜鬱華；聖哲殄瘁，悲騰彌遐！導師遽失，懼覆邦家！嗚呼珠江靈域，誕維先生，業邁華頓，志錚列甯，虛梭衍說，水寒遜冰，方弘漢德，混壹寰瀛，彼蒼憤憤，天折地傾，嗚呼陶植冶鎔，奄背俄夕，緬懷音儀，淚漸聲噎，奠饋肅陳，神其來格，哀哉尙饗，河南旅平黨員鞠躬

四川旅平國民黨追悼大會祭文

民國十四年三月二十七日，四川旅平國民黨追悼大會，謹致祭於中山總理先生之靈前曰：肅肅總理，人倫之宗，學賅百氏，量孕羣雄；道之先覺，國之元功，馳觀域外，倡義實中，同盟樹幟，薄海同風，華陽之國，黑水之封，人事熱烈，士效功忠，颺風響應，雲合景從，政摧專制，運啓大同，蹶而復起，明而有融，生民之本，天下爲公，知行合一，光大含宏，崑崙極峻，淵海能容，罔有內外，畢致欽崇，如何不弔，嗟彼蒼窮，哲人竟萎，吾道其窮，嗚呼總理，睥睨國賊，揖讓自宮，爲忠爲佞，一蛇一龍，光爭日月，辜抗喬松，大功未竟，令譽克終，伊予後死，敢倍初衷，瓣香敬奠，神聽惟聰，哀

哉尙饗。

中國國民黨貴州黨員祭文

維中華民國十四年乙丑三月二十九日，中國國民黨貴州黨員等，謹致祭於前大總統本黨總理中山先生之靈曰：嗚呼！維天降命，誕生我仁明 總理於中土，改革五千年專制之朝廷，爲華夏共和之元祖，憶昔公在東瀛，以中國同盟會召同志，吾黔人士之游學者，乃初識三民主義，五權憲法之門戶。甫越七年，太歲在重光大淵獻仲秋之月，江漢之間，遂首舉義旗，赫然斯怒，不二日竟光復諸夏，應天順人，追休烈於湯武，猶記公自歐通電，謂今後之中國，當以工商實業爲競點，爲中國開一新局面，卓卓乎視政權如毛羽，紀元之初，公正位金陵，祭告明太祖皇帝，以表章中華民國之告成，豈知吾黔黯澹之革命歷史，正丁其時，宜含淚以哀鳴殘賊之人，於是歲之中，累殲我良士，其冤抑猶至今而未申，公昔著書，曾引證此事，代寫我同志之不平，癸丑之役，我師失利，項城尤仇視吾黨，公亦含辛茹苦，率同志以東征，幸項城爲帝制所累，失敗以逝，公乃返旆於國門，而是役也，貴州亂政之輩，本樂受項城之好爵，實無意於民軍，吾鄉同志之英

年，深明大義，獨提義旅，效命湘西，輸我公以精誠，繼又護法北征。督師蜀境，冒死前進，以追隨我公爲光榮，是我公大仁大智之所感。豈彼逐名逐利者之可以爲衡，自是以還，又七八年間，公或旅居於滬，或秉政於粵，皆欲求三民主義之恢張，五權憲法之不沒，或以懸河辯口爲鼓吹，或以曜日兵戈爲征伐，所謂歷千劫而不朽，經百難而不歇，而吾貴州同志之慕公者，雖其才其智其力不足以助公之毫髮，而改節易操奔走權門反唇相議之醜行，幸無迹之可訐。嗚呼，我公薨矣，三民主義之訓，猶朗朗如日星，黔土雖僻，黔十雖陋，其矯矯孤幹，實夙秉於山靈，北燕人海，庠序菁英，隸黔籍者，大都奉公爲模範，而今而後，其酬公者，將以三民主義，爲汽車以克復，爲煤以禮讓，爲水以敬信，爲司機之士，納此任重致遠之利器於正軌，日千里而不停。嗚呼，我公之德澤深矣！我公之勳業成矣！公方謂民未安，國未泰，強鄰未抑，世界之弱小民族未振拔，皇皇焉若有所恐懼而不甯，將何以竟公之大志，乃切切焉，屬望於吾黨之後生，嗚呼，公靈邈矣！天闕白雲，精誠可格，惟德斯馨，神其不昧，鑒此哀忱！嗚呼，尙饗。

國立北平師範大學國民黨全體黨員祭文

維中華民國十四年三月二十五日國立北平師範大學國民黨全體黨員謹哀告於故總理孫中山之靈曰：嗚呼，厥初生民，時維黃帝，造我區夏，初開草昧，亦越夏商，專制流毒，湯武革命，未能免俗，自時厥後，攘奪相役，郊生戎馬，民靡有甯，大明失馭，羣盜跳梁，東胡猖獗，據我朔方，中原版蕩，淪於胡虜，南風不競，胡宮禾黍，惟彼蠻夷，豺狼成性，嘉定揚州，屠戮殆盡，鄙哉曾左，爲虎作倀，奴隸異族，殄滅洪楊，滿清末葉，叢脞萬幾，黃鐘毀棄，瓦釜雷鳴，政以賄成，喪權辱國，危若綴旒，奄奄待滅，惟我總理，崛起田間，艱難險阻，遍歷瀛寰，三民五權，主義救國，奔走呼號，聲嘶力竭，堅苦卓絕，再接再厲，之死靡它，成敗何計，風起雲揚，豪傑奮起，旗幟一揮，胡塵披靡，大功告成，正朔改易，天下爲公，急流勇退，天不悔禍，大憝盜國，號召西南，與師討賊，元惡就禽，燕北底定，飄然北來，共籌國計，風霜辛苦，隱疾入闈，天胡此醉，木壞山頽，山河慘淡，草木悽悲，舉國哀悼，靡所瞻依，矧在吾曹，服膺主義，方冀疾痊，親聆訓誨，喪我師表，百身莫贖，憑吊撫棺，同聲一哭，瞻言國步，荆棘縱橫，軍閥構禍，外侮憑陵，宵小弄權，覬覦非分，賣國媚外，摧殘民氣，狐城鼠社，尙

待肅清。吾曹責任，綆短汲深，誓以教育，喚起國民，繼公之志，慰公之靈，尙鑒。

中國國民黨日本東京橫濱神戶各支部全體黨員祭文

維中華民國十四年四月一日，中國國民黨日本東京橫濱神戶各支部全體黨員，謹以至誠致祭于 總理中山先生之靈而泣曰：嗚呼 總理，革命導師，德冠羣倫，學貫中西，少倡革命，矢志不渝，飽嘗辛苦，卅年於茲。三民五權，獨標真諦，建國略書，遍傳寰宇，辛亥倡義，首創共和，袁氏稱帝，洪憲自號，丙辰護國，我公倡之，四方響應，獨夫目殂，會黎馮徐，先後遞嬗，民國不幸，禍結兵連，公愛民國，護法西南，興師討賊，道義是擔，建設伊始，破壞爲先，內除奸賊，外蕩腥羶，不圖炯逆，陰險性成，犯上喋亂，作血羊城，數年經營，廢於一旦，功敗垂成，識者所嘆，義師崛起，開府廣州，再接再厲，聲討曹吳，曹吳既倒，段氏繼之，我公北上，歡聲如雷，解決國是，惟茲一舉，奠定吾國，指日可期。天胡不吊，降此鞠凶，積勞成疾，藥石無功，喪我導師，失我國父，噩耗驚傳，痛哭悲呼，嗚呼痛哉，緬維 總理，爲黨爲國，畢生奮鬥，老而彌烈，謀民幸福，博愛自由，功在民國，萬古不休，今雖告終，精神不死，光爭日月，吾黨

主義，嗚呼痛哉，同志後死，誓繼公志，完成革命，決心永矢，願公在天，默顯神靈，呵護黨國，萬世維馨，嗚呼痛哉，尙饗。

神戶中國國民黨支部祭文

維中華民國十四年三月二十四日，神戶中國國民黨支部同人等，顯以鮮花輓聯敬祭於前臨時大總統中山 總理之靈而告之曰：鑿革命之先覺兮，惟我 總理。性堅強而警敏兮，天之所畀；憫前代之專制兮，引爲奇恥；糾同志於海外兮，鼓吹伊始；歷險艱之千萬兮，流離瑣尾；卒百折而不同兮，旋仆旋起；迄辛亥而奏功兮，共和開史；今大局猶混沌兮，未知底止；正奮鬥之直前兮，再接再厲；胡昊天之不弔兮，溘然燕邸；嗟歷年之卵翼兮，遺失依倚！更後繼之茫茫兮，誰爲鉅子。警效兮如聞遺容兮，尺咫，薦一炷兮心香，靈有知兮，鑒此尙饗。

(二)各機關

留守胡漢民暨軍政界全體祭文

維中華民國十四年三月十七日，胡漢民暨軍政界全體，謹致祭於大元帥前大總統本黨

總理孫中山先生之靈曰：異人崛起，橫絕穹蒼，冊載艱勤，手造玄黃。廣宣漢威，莫我抗行，十葉之虜，殷如壞牆。大功弗居，其德彌光。國難方適，桀梟詭詭，鹵簿自娛，大法中圯，一戎衣，義師突起，雲興龍從，神典褶死。自是國事，日以糾紛，遺囑未淨，張彼游魂，信約鼎重，毀重塵氛，雄城鉅社，鬱鬱狐羣，黨偏敗類，復讎受恩，亦張獍噬，甘爲亂民；數載辛勞，弗弛宵旰，傷我黎庶，委於塗炭，屢伸撻伐，以力扞難，風雨飄搖，義旗璀璨；雄師北舉，兎窟爲空，南服逋蕩，糜鹿已窮。天胡不弔，遭此閔凶！艱危困苦，悉集厥窮！曾不宿留，以竟鉅功！嗚呼哀哉！追隨杖履，明訓夙聆，新詣獨創，除惑解醒，三民主義，炳如日星；五權憲法，爲國大經；建國綱領，言簡而明；物質建設，義顯而精；功邁前史，民無能名，曠四千年，僅此典型！嗚呼哀哉！吾黨不幸，失却導師，遺訓具在，音容永離；主義精神，衆爲護持，努力前進，毋敢自欺。嗚呼哀哉尙饗！

建國湘軍總司令譚延闓率全體將士祭文

中華民國十四年三月十七日建國湘軍總司令譚延闓，率全體將士謹致祭於大元帥孫公遺

像之前曰：嗚呼先生之生也，爲東方民族而生也！先生之死也，爲東方民族而死也！民族國際地位不平等，則非先生之志；民族政治地位不平等，則非先生之志；民族經濟地位不平等，則尤非先生之志。先生具慈悲，發宏願，誓必碎民族之鎖鍊，解民族之倒懸，拯民族生命危於累卵之颶風顛簸中；我民族生命之能否保存，全恃乎先生，先生下決心於乙酉之歲，獲成效於辛亥之年；其間七繞地球，十遭挫敗，意志因蒙難而益堅，主義更光輝而獨發。先生之志犧牲愈大，卽民族之解放愈可期，乃者十四年來，大盜竊國，梟兒叛黨，幾乎事不可以促先生於死者，先生猶毅然自持，不顧一切，外而資本帝國主義之侵略，內而封建軍閥之壓迫，先生不屈威武，不避艱險，率領黨徒，號召民衆，與國內軍閥及國際帝國主義者戰；心力已瘁，懈志不萌，且益形其堅銳不拔之概。下軍領受使命，努力殺賊，亦甚欲革命成功，爲先生所目睹，以償四十年之宿願。乃癥病發肝臟，百身莫贖，而先生死矣！先生之死，爲打國際帝國主義而死！爲打國內軍閥而死！湘軍將士，謹遵遺訓，從事努力奮鬥，誓必掃除一切國際帝國主義，一切國內軍閥及剿滅叛逆之陳炯明，以慰在天之靈而後已！嗚呼哀哉！嗚呼痛哉！尙鑒！

建國粵軍總司令許崇智祭文

建國粵軍總司令許崇智致祭於大元帥文曰：大元帥孫公，齊聖廣淵，泛愛博容，心燈炎天；赫曜九夷。民之無祿，溘然長逝，邈哉睠矣！智以壯年受命討伐，夙夜起舞，奔奏殺賊；更歷歲寒，自頃東征，罪人未得，北望幽燕，執轡以淚。謹率三軍，載酒百拜以告。涉降之靈曰：顛顛皓天，篤生異人；其仁如天，其知如神。復夏創制，舊邦可均，利物濟艱，不於其身。行易知難，以覺斯民。在險而正，不屈愈伸。跨世凌時，磨而不磷。日月則陰，春秋獲麟，聖哲崩殂，四海沉淪！有酒在筵，有車輪輪，弓矢斯張，束藋是陳；南轅北轍，彷彿音塵。公之主義，銘劍書紳，後死有責，敢忘諄諄！何以報公。不絕火新！何以慰公？和協四鄰。心光永照，遺形守真；凡有血氣，莫不尊親，於乎不顯我公之德之純！

大韓民國統義府祭文

維中華民國十四年大韓民國七年三月二十六日，大韓民國統義府謹以熱血同情泣告於大中華民國革命大偉人前大總統孫博士中山先生之前曰：倭之吞韓作橋，洵屬侵略大陸之

最要政策，敵府之專門殺倭，豈非謀東亞和平之最大工作耶！雖然互助精神，尙屬薄弱，竟至革命尙未成功矣。伏維先生在天之冥靈，深助此次中韓之同志，切實之攜手，共赴聯合戰線，打倒帝國主義，廢除不平等條約，他日東亞如成和平，則千萬歲下對先生之銅象者，未有見而不拜矣，處非常之環境者，不能盡胸懷之萬一，只此數語，伏冀尙饗。

青島日本領事囑內謙介祭文

維大正十四年四月十日，青島日本總領事囑內謙介，謹告於中華民國前臨時大總統孫中山先生之靈曰：先主少壯夙懷民族革命之大志，往年先起義軍於廣東，事與願違，不幸失敗！爾來或避難於日本，或幽居於英國，臥薪嘗膽，靜待時機，至宣統三年，武漢革命成功，建中華民國萬代之基礎，而當時中國政情未明，不容先生之思想實現，先生暫行寄身廣東之一隅，鼎力維持民國法統，苦節七年。客歲時機漸臻，親自北上，當善後會議將開之際，欲大施策劃以濟時艱，乃天不假年，於三月十二日溘然長逝！驚耗傳來，中外同悲，山河慘淡，日月失光，悲風颯颯，淚雨蕭蕭，痛惜良深，惟先生天資高潔

，操行熱烈，雖幽明異處，四十年間高遠之思想，與不屈之壯志，千載而民氣，置民國基礎如泰山之安，維持東亞和平，先生始可瞑目於地下也，略表微忱，伏維尙鑒。

(二) 各團體

大韓革命黨代表團祭文

維一千九百二十五年三月十八日，大韓革命黨代表團李天民李社際趙世忠張如延秉昊等，謹以輓聯祭文，哭告於大中華民國革命大偉人前大總統孫博士中山先生之前曰：中韓兩國，輔車唇齒，深有歷史關係凡三千餘年矣；理當親猶骨肉，情同弟兄，不幸蒙帝國主義之魔，夙視楚越，幾成麻木，遂爲侵略者垂涎，竟至國際地位墮落到人民將滅未滅之際，天使先生貽中國四千餘年遺傳帝制，到先生熱血裏宣告死刑，然尚有餘孽伏在海島，迷信陰謀與暗殺搗亂平和與安甯，斯民處此水深火熱，凡有血氣，毋不以革命作生命。嗚呼蒼天！適此目的未半，胡奪我導師耶！嗚呼痛哉！哀哉！我們絕對愛戴之中山先生也！先生真百折不擾之歷史奇傑，純粹革命之人類明星。先生去年在廣東宣言打

倒帝國主義廢除不平等條約，登高一呼，羣山響應，爲弱小民族聯合戰線下動員令，我們地球上最被慘痛最被壓迫之韓國民族，如子夜之忽聞雷霆，渾渾之精神新醒，若風波之中遇救星，渺渺之希望初萌矣。到先生北上之時，久處層層壓迫之我們，萬死餘生，深恐先生或不貫徹初旨，又懼我們處不切實攜手，中夜焚香祝先生之前途樂觀，終日奔走，圖我們圓滿之合作矣。嗚呼哀哉！誰知先生先得肝病於海島，而到中外名醫之束手耶！雖然，先生逝而先生之主義不滅，可信惡魔演而惡魔之末日立至，我們非革命不可活之一般同志。對強權安得不絕對奮鬥，伏乞中山先生在天之冥靈，時常格外默佑，快現我們勝利，并與公理倡明自由解放之至，臨風涕淚，伏維尙饗。

中華全國鐵路協會祭文

維中華民國十四年三月三十一日，中華全國鐵路協會會長葉恭綽副會長關廣麟謹率全體會員致祭於名譽會長孫中山先生之靈曰：吁嗟先生，命世之英，重離繼明，光我民族，與我同盟，猶龍雲起，如鳳岡鳴，千英萬傑，風從景衍，王綱紐解，民約道成，禹勞墨劬，爲民之生，坤維既奠，天柱斯擎，跨邁黃農，顛覆滿清；衆流競仰，奇志竟成，溯

厥元紀，大漢揚聲，中山鍾山，千古齊名，第一元宰，冀福編氓，何圖克讓，白宮載更，全國鐵路，俾之經營，太阿旁持，軻坎不平，戰伐驛騷，游說縱橫，稱帝復辟，叨富寵榮，先生屹立，險阻不驚，九計萬方，掄擊譏評，胼手瘠口，孤寄支撐，大勇無畏，在屯而亨，爲國隆棟，爲民長城，黃髮諸豪，厥功可旌，各具壹體，遜公恢宏，尙武右文，博學多聞，三民五權，條貫次分，建國有方，著述殫勤，易行難知，高識軼羣，絕作民族，橫掃千軍，傷心兵火，藏書盡焚，遺墨滿家，英雄淚傾，平等大同，舉世欣欣，天下爲公，先生則云，言爲事母，遠媿皇墳，公志未終，淚恨何窮，二十萬里，輪軌棊通，公始規畫，寅亮天工，吾儕後進，思紹前功，旁達交會，與歐美同，遺愛載路，遐想英風，舉奮銜悲，淚雨灑空，哀哉尙饗。

中國國民修改不平等條約研究會祭文

維中華民國十四年三月二十八日，中國國民修改不平等條約研究會公推代表梁汝成等，謹致祭於革命元勳前大總統孫公中山先生之靈曰，嗚呼，歷朝專制，日月無光，惟公首義，民氣始張，百折不撓，奠我家邦，方期統一，萬世無疆，昊天不弔，遽隕元良，中

外哀悼，俎豆馨香，豐功偉烈，德媿武湯，勳德如此，匪公之榮，公所榮者，天下爲公，縱然抱憾，未竟全功，遺囑主義，貫徹始終，吾民誓守，何功不崇，富國強種，世界稱雄，公靈不昧，含笑融融，嗚呼哀哉，伏維尙饗。

女子參政會祭文

維中華民國建國之十四載四月十二日，女子參政會謹以清醴鮮花致祭於中山總理孫公之靈曰，懿惟吾公，蓋世之雄，創斯革命，薄海景從，顛連困若，卒告成功，共和五族，張大黃種，專制永滅，上下和同，登庸大位，正朔改陽，服裝從衆，協和萬邦，刑律除苛，法約三章，兆民受惠，女權伸張，三民義振，五權法揚，從此中國，軌入康莊，方期帝堯，大年永享，詎意天醉，漠視東方，正人避位，當道豺狼，破壞約法，毀棄綱常，義旗再舉，民國重光，魑魅雖去，又來魍魎，公欲救國，不恤犧牲，東南轉戰，彈雨槍林，拚將鐵血，正義斯伸，大功垂竣，四海昇平，昊天不弔，遽奪斯人，若喪考妣，欲泣無聲，讀公遺訓，涕泗縱橫，繼續公志，奮鬥進行，務將公意，共負完成，大宰告廟，以慰公靈，千鈞一髮，責在後生，於戲哀哉，魂其來馨。

華僑聯合會祭文

維中華民國十四年三月二十七日，華僑聯合會同人，謹致祭於中山先生靈前而言曰：嗚呼先生，吾族之英，憫念同種，罔知有清。昔在海外，與僑爲友，提倡正義，循循善誘，吾僑智識，先生啓之，吾僑生聚，先生勗之，內外一心，建造民國，辛亥功成，清祚以革，更定國計，民權惟尊，一切平等，民生惟均，華僑於公，信仰夙厚，贊襄偉業，夫豈敢後，胡天不弔，奪此元良，雲山慘淡，薄海淒惶，外侮頻仍，吾僑安托，來日大難，敢忘先覺，同志努力，願守遺言，臨奠致詞，惟靈察焉，嗚呼尙饗，

江蘇軍政各界祭文

維中華民國十四年四月越祭日乙亥，江蘇軍政各界謹以清酌庶醴之儀，致祭於前大總統孫公逸仙之神位前曰：唯珠江之浩瀚兮，爲靈奇所鬱蟠，歷五百年而生名世兮，偉我公之桓桓，公之志行光於日月兮，具瓌偉之抱負，閱卅年如一日兮，雖艱難而不顧，一擊而不中兮，屢潛蹤於海外，卒能奮門以底成功兮，實精誠之所逮，國微睚其瑣瑳兮，悉公腦血所渲染，功旣成而身退兮，尤國人所景仰，憫干戈之未戢兮，滋我公之憤憤，飭

車旗以北指兮，良欲推誠以共濟，詎二豎之見侵兮，賊我國之元良，輟春兮停織，貽國人以愴傷，公雖騎箕以長逝兮，精神猶照於宇宙，奠桂而酬椒漿兮，惟冀在天之福佑，尙鑒。

上海市全體市民代表唐紹儀等祭文

中華民國十四年四月十二日上海市全體市民代表唐紹儀等，敬以香花清樽致祭於國父孫中山先生之靈曰：嗚呼，先生之生，人各其心，羣疑衆謗，集于一身，是何異鸚鵡之自得，豚魚之頑冥。先生之死，人各其辭，刻畫肆應，嬉笑涕淚，曾不知棟折榱崩之下，將靡有孑遺。居今之日，民誰與立，外有鷹鷂，內有虺蜴，工無完衣，農無餘粒，其他質遷居衍之流，江湖市塵之上，莫不轉輾死亡，朝不及夕，以待先生登諸衽席，今先生之已亡，孰出斯民於斯劫！嗚呼！居今之日，國已非國，河山無悲，風雲變色，排闥而來，侵略政策，不假戈矛以入吾之室，不操斧柯以眩吾之篋，曾不數年，載胥將溺，是惟先生，綢繆先及，震生氣于寰中，爭民族之獨立，今先生已亡，復誰與爲提挈。嗚呼！國之父，民之師，志士仁人之血，青天白日之旗，而今而後，所不遵先生之遺言，繼

之以鞠躬盡瘁者，滅亡無日，將慰先生之靈於何時，嗚呼，哀哉，尙饗。

西安全體市民祭文

中華民國十四年三月十一日上午九時三十分，中國國民革命領袖孫中山先生病歿於北平行轅，噩耗傳出，舉世哀悼，嗚呼痛哉！西安市民全體謹于同年四月十五日設壇望祭，敬致哀詞曰：先生推翻滿清，創建共和，二千年專制之政治，經先生一舉手而廓清之，其功偉矣！民國以來，政不入軌，外迫於列強，內困于軍閥，先生感觸落後民族之呻吟痛苦，起而爲中國全民族之獨立與自由而奮鬥，數次赴粵，屢倡北伐，曹吳失勢之後，先生毅然離粵北上，力主召集國民會議以定國，是今不幸，先生死矣！但死後遺囑我民衆以最可寶貴之物者，約有三件：一爲民權民生等三民主義；一爲組織堅固，紀律嚴密，規模宏大之中國國民黨；一爲先生熱心革命四十年如一日之革命精神。先生死矣！主義常存，自今以往，吾民衆當努力先生主義之宣傳，當努力國民革命之成功，爭得獨立自由，于自由之世界以上安甯幸福，豈不善歟，如此庶可慰先生之英魂于幽冥也。敬謹致詞，遙望先生冥察！

廣東留日學生祭文

維中華民國十四年四月一日，廣東留日學生等，謹以清酒香花，致祭於逸仙先生之靈曰：嗚呼先生，其春風爲氣，秋水爲神乎？璞玉爲質，渾金爲性乎？其慈悲之釋迦，睿哲之老聃耶？博文之尼父，力行之墨翟耶？抑南池之英，東岱之靈歟？正神而爲人歟？正人而爲神歟？嗚呼先生！維木之鐸，維金之聲，發聾振聵，起我蒼生，亞洲之聖，神州之父，愛護黃魂，至死不渝。嗚呼先生！功雖未竟，洪範流芳，河嶽並壽，日月齊光，璀璨莊嚴，不滅精神，感召後死，強莫與京。嗟我後輩，敢不竭誠？仰體公志，延公之靈，於粲聖者，鑒此丹忱，飛雲駕鶴，來格來歆，嗚呼尙饗。

旅英全體國民祭文

惟中華民國十四年四月十二日，旅英全體國民，謹以清酌庶羞奠前大總統孫公中山之靈：嗚呼公乎，疇謂公死，公則猶生。死者五十九年暫聚之形，未死者千秋萬世不朽之名。古有不朽三：曰立德，曰立功，曰立言，三者殆備乎公之一身，論功則犯危難，歷艱辛，復舊物，踣清廷，取大象於獮夫民賊之手，而公諸四萬萬人民。論德則功成身退

，示天下以不爭，爲而不恃，長而不宰，而不得復起者，蓋以革命之未畢，民權之未伸。論言則建國大計，布在方策，而三民之義，五權之法，尤炳炳若日星，凡此皆國人所共見所共聞所共尸祝而香馨。嗚呼公乎，咨惟民國稚弱，猶嬰公之孕育，亦旣恩勤，縱岐嶷其可憐，惜羽翼之未成，內則虎兇脛突，鼠社狐城，魍魎罔兩，白晝橫行，外則視耽耽而欲逐逐者，有封豕與長鯨，旣取子之可慮，復毀室之足驚，掃毒霧，洗妖氛，由軍政而訓而憲政兮，猶未集於大勳，春秋三世，進化是程，始乎據亂，升乎太平，與其託之空言，不若見諸行，事之深切著明，此爲公未竟之志，未卒之業，其繼起而荷艱鉅者，繄惟後死之人。嗚呼公乎！珠厓公之桑梓，神州公之戶庭，日東西所出入，皆公之車轍馬跡，海內外炎黃神明之胄，皆公之同胞之弟兄，卑華盛頓，小拿破崙，觀政兮日本，遭疾兮天津，捐館舍兮燕北，卜窆窆兮金陵，龍蟠兮虎踞，人傑兮地靈，吾儕今會而追悼之地兮，則公昔嘗就逮焉，而十二日在囹圄，撫今追昔，感慨不禁，恍然若有見乎其激昂之狀，僂然若有聞乎其歎息之音，公之魂誠無在無不在兮，庶幾其來格而來歆，尙饗。

國立北平大學全體學生祭文

維中華民國十四年三月二十七日，國立北平大學全體學生謹以至誠祭告於中山先生之靈曰：先生矢志革命，始自中法戰敗之年，蓋內苦異族之侵陵，外怵強隣之壓迫，本先覺之心，爲斯民領導，席不暇暖，突不得黔，前仆後繼，百折不撓。迨武昌起義，舉國風從，數月之間，邦基以奠；然而功成不居，飄然引去。其後狐鼠弄權，狗奴復辟，十餘年來，徒擁共和之名，益重民生之苦，先生義師數舉，與之周旋，復以庸柔掣肘，叛卒強梁，終未能翦盡么麼，掃清醜類，然先生矢志既堅，未嘗因之而稍輟也。去冬政變驟起，全國沸騰，先生不遠萬里北上，以召集國民會議爲職志，甫抵津門，卽纏痼疾，休養未遑，力疾入燕，方期吉人天相，旱展宏猶，奠民國之邦基，登斯民於衽席，豈謂天道無知，竟使先生不祿耶。嗚呼傷哉，先生從事革命，以三民主義爲論據，五權憲法爲指歸，內除軍閥，外抗強權，爲世界謀和平，爲人羣謀幸福，手著建國方略，三民主義諸書，斯旨尤精，今夙願未償，賚志以沒，我民何辜，竟不能憇遺一老以相導耶！雖然成功不必及身，責任猶在後死，小子何知，竊聞慕義，惟一息之尙存，願從風以

述志，先生有靈，其亦鑒於斯言，鞠誠哀告，伏維尙鑒。

第八章 輓聯

(一) 黨部及各國團體

主義昌明如日月氣象剛大配乾坤道公天下學辨知行鞠躬盡瘁而後已
感化五十萬信徒改革四千年古政三期未完中央失宰昊天不吊誰與歸

中央監察委員會

大勇實大仁革命未成責任於今留後死

中央宣傳部暨中央通訊社

救國兼救世遺言猶在敢忘努力慰先生
倡三民主義立五權憲法務使天下爲公實謀大地人羣咸除痛苦
具博愛精神負完全人格借問古今誰比感動環球士女崇拜英雄

廣州第六區黨部

從此當聯合全鄂廣大羣衆樹革命旂於黃鵠山頭誓除國賊
今後惟協助世界弱小民族建獨立邦在白日幟下共樂民生
帝孽猶存軍閥猶在不平等條約猶存撒手丟開民國其何能國
主義不死公理不死億萬衆人心不死同力合作先生究竟長生

中國國民黨湖北省黨部

中國國民黨漢口特別市湖北省黨部執行委員會

和平奮鬥精神掏心血喚同胞大志未終吾黨莫忘遺囑意

中國國民黨南京市黨部

功業立何關生死病肝瘴殞大星五洲景仰鍾山合寄偉人靈

打倒帝國主義打倒封建軍閥護國良謀於今仍在

中國國民黨青島市第二區黨部

廢除不平條約廢除治外法權救民宏願此後彌彰

學說倡知難行易主義揭三民主權吾弱族解放未遂何期先生遽西去

國本正創鉅痛深時局當一髮千鈞我同胞匡救有心應奉遺言作南針國民黨蕭山第二區黨部

建國粵軍第一軍司令部同人

金馬門前落日旂旂哀國父

紅棉樹下殘春風雨吊英雄

開追悼賦歸來沐雨櫛風涉數萬里重洋情難自己

美洲同盟會俱樂部

創共和倒專治撥雲見日覽五千年歷史功莫與京

粵軍總司令部

百粵旌旗驚後死

九州縞素哭先生

地獄當入力疾北上

神精不死吾道南來

建國翰軍司令部全體官佐

愛戴者趕快來促成憲政實行三民學說這才合先生本意

繼起者莫鬆動打倒軍閥撲滅帝國主義還是我們急圖

新經濟學會同人

奔走卅年首創共和次護法藥揭五權三義抗衛強鄰論締造之功民國以來公居第一

憑眺萬里眷懷故舊念鄉邦惟求統一和平保安疆土惜元勳倏逝海天在望私痛無窮

旅英華僑協會

積一生革命精神艱難備極那不令世界被壓迫民族同聲齊哭

僅百字臨終遺囑熱烈異常還期許國際不平等條約努力廢除

中華留日學生廢除不平等條約同盟會

懦夫立頑夫廉遺風與百世

民我胞物我與大義足千秋

北京交通大學學生全體

大業未成先生竟溘然長逝

總理哀思錄節錄

強敵在望我輩當勇往直前

武昌大學社會學研究會

試看十餘年變亂相尋無論若何魄力若何聲威不服從先生主張轉瞬總歸失敗

方爲四百兆人民託命那料遽染沉疴遽歸大暮長太息前途黯淡同胞安所皈依

阜陽南二鎮第三小學

百折不回了却一生惟奮鬥

寸心可表臨終片語是和平

黑龍江甲種工業全體學生

一身繫全國安危望重天南問豎子胡爲詎忍看蒼狗白雲縱橫海陸

舉世爲我公痛哭魂馳幽北歎英雄已矣止剩得黃花碧血輝映河山

福州各界聯合會全體

三民主義五權憲法建國方略遺著滿蒙瀛起廢針盲有良策

貧賤不移富貴不淫威武不屈精誠貫宇宙蓋棺論定此完人 國立武昌商科大學學生自治會

是政治家是革命家中華之母世界之母

爲奮鬥死爲主義死同胞所悲人類所悲

溫泉中學校同人

數十年爲國犧牲東奔西馳此日噩耗傳來淒迷風雨疑血淚

冊餘載爲民奮鬥南征北伐一旦靈光盡殞頓效後起失長城

爪哇協議會學校學生

爲亞洲衽席黃裔倡三民立五權曠古絕今開世界難開之局

願天下肝胆青年合一體掃羣孽惟鐵與血竟先生未竟之功

隴東留京學會全體

革命猶未成功看神州莽莽後事何如敢云非後死者責

平權亦須努力歎女界沉沉先驅安在欲乞諸先生之靈

松江第一女高

痛生靈如蓼如荼誓起沈疴九仞功勞虧一篑

願我輩再接再厲善爲繼述五權憲法並三民

慈幼院男校全體學生

功高華盛頓識邁馬克斯衍易知難並有名言傳後世

骨瘞紫金山靈棲碧雲寺地維天柱永留浩氣在人間

中法大學全體教職員學生

三百萬台灣剛醒同胞微先生何人領導

四十年祖國未竟事業舍我輩其誰分担

北大台灣學生會

(二) 個人

博愛無窮革命造共和盡瘁猶爲民衆死

知行不二遺書遍天下創垂自與昔人殊

胡漢民

粵東話別倏屆七年溯我公組織同盟鼓吹革命推翻帝制創建中華三民五權河嶽日星同不朽
燕北歡迎纔逾兩月悵小子身羈病榻神繫行轅腸斷九迴緣慳再面千愁萬緒研轅轅覆載痛難名

張人傑

才逾湯武功蓋桓文九萬里震威名天授如斯前無古人後無來者

持節疆場運籌帷幄二十年共患難山頽安仰上爲國痛下爲私哀

李烈鈞

旭日麗中天數千古英雄孰堪匹敵

大星沈朔野率三湘子弟共哭元戎

譚延闓

革命仗先知痛未竟全功皎好友列甯猶有遺憾

吾儕慚後死誓勉遵遺囑俾創造華氏終遂雄圖

柏文蔚

總四十年胼手胝足之工直是爲生民立命爲天地立心歷程中揖讓征誅舉同塵土

流九萬里志士勞民之淚始知其來也有因其生也有自瞑日後精神肝胆猶照人寰

于右任

聞道大咲之下士應多異議

貽謀後世者成功不必及身

吳敬恆

繼往開來道統直承孔子

弔民伐罪功業並美列甯

受業戴傳賢

萬歲三民三民萬歲

一人千古千古一人

伍朝樞

國有以立

民無能名

許崇智

中國尙紛爭一柱可擎天黨義遍傳安大局

東江雖捷報渠魁猶未獲靈光遽殞失長城

李福林

革除數千載君權成功不居高蹈遠追華盛頓

奠定四萬里民國方略豫定艱難應勝舊公劉

朱培德

不怕死不愛錢憑一個新腦經撐開天地

是聖賢是耶佛抱三種大主義直貫古今

蔡公時

唐虞湯武合冶一爐至彌留時猶爲同胞呼後起

松柏蒿蘿忝聯十載於痛定後更從羣衆哭先生

約法壞民國危革命未成功誰復能支大廈

議和終致位去補天太無術自愧有負使君

道不能亡三民主義長留天壤

國鳥乎建冊年辛苦盡瀝胸肝

作君作師天生之獨胡奪之速

造黨造國人忌其能終佩其誠

朱培德 楊 籌

胡明揚

姚 敏

范石生

伍毓瑞

歐陽琳

楊廣笙

三民主義闡化萬方九原應無遺憾

半子恩情侍疾累月寸心唯以永傷

舉世崇拜舉世仇恨看清崇拜或仇恨是些甚麼人愈見先生偉大

畢生革命畢生治學倘把革命與治學分成兩件事便非吾黨精神

子培戴恩養

邵力子

姻慝弟孔祥熙

唐紹儀

徐紹楨

人羣進化天下爲公壯志竟未伸大廈棟樑歸後死

國難方殷台星遽質平生期不負十年藍筆愧元功

閻錫山

但知愛國利民革命歷艱危屢仆屢興成大業

開億萬世大同置網存紀繼維興事業屬吾人

蔣作賓

幕府感殊恩憶關中轉餉圖外記言南北追隨一知己

中原論革命問生前救民死後垂教古今憑吊幾明神

黃昌穀

先二百年獨創名言視孔仲尼馬克斯盧梭皆如無物

後廿四史別開生面合朱元璋華盛頓列甯而爲一人

楊銓

自中國有史以來上下五千年鮮此偉人湯武不能媲其烈孔佛不能媲其仁謹綜厥一生奮鬥維

立言立功立德開物成務千古楷模垂宇宙

丁歐洲大戰之後縱橫九萬里誰爲主宰英法未嘗無是心俄普未嘗無是志但須遵三種原則曰

民族民權民生扶傾定危萬邦黎庶仰神明

張秋白

失敗云乎哉行道期百年唯棄小就力赴大同雖在顛沛中彌留中未嘗少懈

流風今已矣入世垂冊載驅策羣雄招徠多士爲問真知已真同調究屬伊誰

敵者哀忌者弔毀者太息真心救國故能遐邇咸動異趣者亦賦同情揭藥是三民五權死矣乃見

其大

黨事換國事亂人事難知在耳遺言倘得正確遵行天下事洵猶反手此志如青天白日誰乎不負

先生

持

匹夫而躋帝王之尊偏薄帝王而不爲倡平等爭自由殫畢生精力爲國爲民直使堯禪舜讓都成

芻狗

一身而系天下之望竟棄天下而長逝先覺亡導師失合舉世羣倫如怨如慕遂令歐風美雨盡化

啼鵑

朱和

十年崇事累月侍從一旦失瞻依耿耿寸心何所寄

萬餐含悲衆生憔悴千秋供想像泱泱主義繫人思

馬超俊

十年隨侍累月服勞更有遺言入心坎

五憲猶懸三民未竟空留主義在人間

黃惠龍 馬 湘

同志者哀之異趣者哀之乃至交通各國莫不哀之沈沈大陸獨有千秋翻幸先生得死所

制定乎未也功成乎未也即求喘息粗安亦猶未也夢夢彼蒼不遺一老吁嗟後死何生爲方鼎英

革命雖未成功賴有化身徧世界

吾儕均應努力毋徒揮淚哭先生

馬叙倫

天下事尙可爲五權三民在後死與有責

共和年同不朽千秋萬禩徵先生其誰歸

黃 郛

揮戈東粵能教帝制消聲凡我人羣宜思繼武

攬轡中原勉爲國民吐氣惟公靈爽尙克相予

胡景翼

惟公馬首是瞻勉起偏師應桴鼓

斯世豺牙猶厲不堪國論尙蝸蟻

孫 岳

三民五權推翻歷史上數千年專制淫威勳名聿著主義益彰共信公真不死

大同博愛肇造地球中億萬衆和平幸福宏願未償普天痛悼豈惟我哭先生

王正廷

國而忘家公而忘私革命亘四十年愧附末光縱廿載

前無古人後無來者遺型傳億萬世管教主義附三民

海內失人豪曠代勳名拚熱血

潯陽傳噩耗大江日夜咽寒潮

北伐愧無功廿載追隨虛夙願

此行成永訣三軍縞素盡吞聲

創五千年奇局手定共和破壞易建設難未竟全功靈爽在天終抱恨

殫四十載熱誠心勞革命毀身家摩頂踵如斯偉績大名著史獨增榮

精誠所至金石爲開創造新國家歷史不磨垂偉績

昊天降凶哲人遽隕責在後死者同胞齊奮竟前功

但憑奮鬥精神能將五千年古國改造共和所謂立德立言立功惟我公當之無愧

正值風雲變幻不爲四百兆同胞慙遺一老幸留民權民生民族各主義久而彌光

是創造共和偉人百折不回大勳未集身先死

褚輔成

方本仁

李明揚

李景林

薛篤弼

鹿鍾麟

正提倡真確民意一朝溘逝浩氣上騰天爲低

馬福祥

縱橫九萬里上下五千年如先生者曾有幾

行省二十餘同胞四百兆微斯人其誰與歸

李鳴鐘

譽不足喜毀不足悲是甚歷時勢誕生這個聖哲革命未成四十年竟如一日

生何所求死何所畏在億大乾坤幹了如此功業苦心孤往九萬里僅見斯人

林直勉陳鑾英

異鄉遺客突作楚囚含淚走新亭克復神州雪前恥

朱兆莘

開國元勳遽捐燕館緘詞效坡老遙瞻喬嶽馮哀思

是中國自由神三民五權推翻歷史數千年專制之局

蔡元培

願吾儕後死者齊心協力完成先生一二件未竟之功

鄭毓秀

公乃革命元勳盡瘁邦家遽爾塵揚東海

我亦先鋒健卒自慚巾幗永期絲繡平原

北望神州漠漠愁雲悲國父

爪哇僑民黃準權

烟雨淒迷并海有人凝血淚

音容寂寞黃河流水是哀聲

青島日本商業會議所副會頭鈴木格三郎

不自謀不私怨不任術不好名不苟同不阿俗不巧不伐不屈不撓不以退爲進一生勦烈祇是光

明真實做來論四十年革命艱難到底成功在此

有主義有方略有新思有遠識有魄力有精神有義有情有勇有信有不殺之仁蓋世規模純從學

歷志衍流出挈億萬衆平民憂樂那堪繼起無人

盧師諱

慈故能勇儉故能廣

行之非艱知之惟艱

胡適

東南大陸尙有啼痕一統未成目終不瞑

今古英雄同聲大哭衆生仰望魂兮來歸

釋禪隱

中華標榜十四年名稱猶是實現何曾目的促達最短期先生未死也

世界潮流千萬變方略自存大綱具備國民喚起同努力女子亦與乎

桐城吳芝英

江漢啓元戎仗公同定共和局

乾坤試回顧曠世誰爲建設才

黎元洪

共和告成溯厥本原首功自來推人世

革命勇往無間終始大年不假問蒼天

段祺瑞

讀遍中華廿四史詎少英豪掃清君主淫威誰曾倡首

喚醒同胞億萬人彌留付託抱定民生主義死不灰心

張作霖

隻手創共和曾經險阻備嘗自有隆名光歷史

同心龜大難遽悼沉疴不起獨飄酸淚望中原

唐繼堯

推千年之專制復五族之共和有史以來公爲首出

總萬國之寶書通百王之大法一言足蔽是曰三民

李根源

大陸茫茫問善治何如誦遺囑齊看下淚

同胞濟濟知新民有託祝後生克竟全功

顏惠慶

以主義奮鬥乃厄於年豈僅薄海同悲無忘今日

惟精神不死有利於國太息彌留遺語可見平生

盧永祥

東粵親征北燕命駕憶昔年患難相從風雨雞鳴嘗膽苦

歲暮歸來春初聞耗痛此日形容頓杳鐘山龍骨黯魂消

蔣尊簋

爲中華民國開新建元大名宇宙誘亦隨之惟其寬能容物忍克有功青史贊殊勳兩事絕人足千

古

自海外遁亡脩士相見萬變烟雲翮其返爾敢謂同心如金攻錯若石秣陵懷往迹中宵抵掌憶當

年

陳陶遺

帝王與仇軍閥與仇官僚與仇乃至西歐北美羣強與仇獨有四億衆爲友

自由不死平等不死博愛不死更使三民五權主義不死公雖千百年猶生

余際唐

備天下達德者三曰知曰勇曰仁浩氣凌重霄爲民革命非關仇忌清廷問幾輩胸懷狹隘擁衆自

豪視此老當年何若

數古今人物無二有猷有爲有守大星隕北極寰宇同情誰不頻揮熱淚請從茲意見銷融前途共

勉續先生未竟之工

李輝

八千里外聞病篤六日兼程僅贏得侍疾浹旬憑棺一痛

十數年間若父事三民努力最可痛瞻依無自梁木增悲

名滿天下淚滿天下

生爲斯民死爲斯民

富貴不淫威武不屈成功不居可敬先生人格

遺訓毋忘權利毋爭犧牲毋惜方是我輩行爲

創建共和推翻專制

後無來者前邁古人

知之惟艱行之匪艱就這句主張在千秋萬歲後想來仍當點首

悲亦無益哭亦何益倒不如奮起向三民五權上做去庶慰幽魂

公志在建設破壞固遠素願共產亦非本懷半世苦衷痛哉蓋棺論未定

國事正糾紛統一既感艱難聯治尤虞割據爲民請命嗟乎來者責奚辭

破壞難建設更難天胡爲奪我先生使大功虧於一篑

主義明遺囑尤明世何以報茲賢者將重任放在雙肩

李朗如

林笑佛

吳公幹

陳錦濤

楊其鐸

楊學顯

徐可亭

愈失敗愈奮鬥到底犧牲蓋世功名倡革命

能破壞能建設開山鼻祖一生艱苦創共和

哲人云亡棟折榱崩此後有誰支大廈

雄心不滅海深岳峻從今吾黨守遺型

道德無雙學問無雙生平事業更無雙經數十年盤錯艱危完成曠代勳名而去

專制爲敵軍閥爲敵帝國主義亦爲敵歷三四月憂傷痛苦竟舉終身精力以殉

景行有二十餘年鄙著記興中掩迹鄭洪題字大

主義以三五爲號不才無黨籍追懷蜀洛淚痕多

光明昭日月志氣壯風雷保障人羣功德與乾坤不朽

政教勝儒回愛慈媿耶佛欽崇主義尊親徵世界大同

推翻專創制造共和功業震寰球唐虞揖讓不足奇湯武征誅不足道

天下爲公民生所重憲綱垂宇宙馬克學說無此大列甯主義無此精

破壞將終建設伊始胡不待革命成功公先去也

計國用

後學鄧萃英

李藩昌

章士釗

王清渭

張惟漢

風雨欲來潮流正急何忍卸仔肩重任誰能繼之

黃迺穆 葛天民

浩氣壯河山一紙遺書歸後世

大名垂宇宙滿腔熱淚哭先生

錢文耀 李霖林

除專制建共和開中國五千年歷史之新元三民五權更樹嘉猷行易知難獨抒偉論默數往傑時

賢孰與先生能比烈

重大同崇博愛視神州四百兆人民如赤子青天白日長留漢幟熱血雄心竟沉燕市太息山頽木

壞豈爲吾黨哭其私

王樸山

(完)

D

02-192

865

20

2.88
4-454.32

15